


通考

自二百八十二至二百八十八

四十六

412
100
46







文獻通考卷之二百八十二

象緯考

宋鄱陽 馬 端臨 貴
明蘄陽 馮 天馭 應



日蝕

中興天文志按戰國以後古曆廢壞漢世始推月九道然猶未驗其所行之遲速也漢末都尉劉洪作乾象曆復推月行遲速然交食之法猶未詳著大抵朔望值交不問內外入限便食至陳世張賓創立外限然應食不食亦未能明惟隋張胄元獨得其妙以為日行黃道月行月道月道交給黃道外十三日有奇而入經黃道謂之交朔望去交前後各十五度已下即當食若月行內道在黃道之北食多有驗月行外道在黃道之南雖遇正交無由掩映食多不驗交食之法至是始精又按隋書月陰精日光照之則

見日光所不照則曰魄故望日日月相望人居其間盡覩其明故形圓二弦之日日照其側人觀其旁半明半魄也晦朔之日日照其表人在其裏故不見也故張衡云對日之衝其大如日日光不照謂之闇虛月望行黃道則值暗虛有表裏深淺故月食有南北多少本朝朱熹頗主是說由是言之日之食與否當觀月之行黃道表裏月之食與否當觀所值闇虛表裏大約於黃道驗之也

又曰凡月之行歷二十有九日五十三分而與日相會是謂合朔凡日月之交月行黃道而日爲月所掩則日食是爲陰勝陽其變重若日月同度于朔月行不入黃道則雖會而不食月之行在望與日對衝月入于日暗虛之內則月爲之食是爲陽勝陰其變輕近世朱熹以爲月食終亦爲災陰若退避則不至相敵而食矣所謂闇虛蓋日火外

明其對必有闇氣太水與日體同此日月交會薄食之大略也然固有當食而不食出於曆法之外如唐開元盛際及本朝中興以來紹興十三年十八年十九年二十四年二十五年二十八年三十一年隆興二年淳熙三年四年十六年慶元四年五年六年嘉泰二年三年開禧二年嘉定四年七年皆有當虧而不虧邵雍云日當食而不食曆筭之誤云

沈氏筆談曰或問日月之行日一合一對而有蝕不蝕何也予對曰黃道與月道如二環相疊而小差凡日月同在一度相遇則日爲之蝕正一度相對則月爲之虧雖同一度而月道與黃道不相近自不相侵同度而又近黃道月道之交日月相值乃相凌掩正當其交處則食而既不全當交道則隨其相掩深而蝕凡日蝕當月道自外而交

入于內則蝕起于西南復于東北自內而交出於外則蝕起于西北而復于東南日在交東則蝕其肉日在交西則蝕其外蝕既則起于正西復于正東凡月食月道自外入內則食起於東南復于西北自內出外則食起於東北而復于西南月在交東則蝕其外月在交西則蝕其內食既則起于正東復于西交道每月退一度餘凡二百四十九交而一暮故西天法羅喉計都皆逆步之乃今之交道也交初謂之羅喉交中謂之計都

夏仲康五年九月朔日有蝕之書胤征乃季秋月朔辰弗集

于房長日月會次之名房所次之宿也書胤征乃季秋月朔辰弗集

即位之古者日食則伐鼓用幣以救之春秋傳曰惟正暨奏鼓陽之月則然餘則否今季秋非正陽月而行此

名周禮旋氏教日之弓矢雷夫庶人蓋供救日之百後者曰馳

助教日如此其急義和為曆象之官以居其位若無所知則其昏迷天象以干誅豈特不恭之刑而已

周幽王六年十月日有食之。詩十月之交朔日辛卯日有食

之亦孔之醜毛氏曰交日月之交會。唐孔氏曰日月交會謂

日道裏則不食矣又曆家為交食之法大率以百七十三有奇為限然月先在裏則依限而食者多若月在表雖依限而食者少杜預見其參差乃云日月動物雖行度有少量不能不少有盈縮故有離交會而不食或有頻交會而食者此說得之矣

右詩書中所載春秋以前三代時日食惟此二者可攷

云

春秋魯隱公三年春王二月己巳日有食之。公羊傳何以書

紀異也日食則曷為或日或不日或言朔或不言朔曰某月某

日朔日有食之者食正朔也桓三年秋七月壬辰其或日或不

日或失之前或失之後失之前者朔在前也謂二日食已巳失

之後者朔在後也謂晦日食莊公十八年穀梁傳言日不言

朔食晦日也其日有食之何也吐者外壤食者內壤凡所吐出者其壤在

外其所吞咽者闕然不見其壤有食之者也今日闕損而不知壤入於內也有內辭也或外辭也外辭者內壤故曰內辭吐者外壤故曰外辭也內於日也內於日以壤其不言食之者何也知其不可知也

董仲舒劉向以為其後戎執天子之使鄭獲魯隱隱公與鄭人戰

為所獲滅戴鄭滅衛宋魯成殺君左氏劉歆以為正月二

日燕越之分野也凡日所纏而有變則分野之國失政者

受之師古曰纏人君能脩政共御厥罰則災消而福至師古曰縈

災而不記其故蓋吉凶常隨行而成禍福也周衰天子

不班朔師古曰班魯曆不正置閏不得其日月大小不得其

度史記日食或言朔而實非朔或不言朔而實朔或脫不

書朔與日皆官之失也京房易傳曰亡師茲謂不御厥異

日食其食也既並食不一處誅衆失理茲謂生叛厥食既

光散縱畔茲謂不明厥食先大雨三日雨除而寒寒即食

專祿不封茲謂不安厥食既先日出而黑光反外燭韋昭曰中

君厥食四方有雲中央無雲其日大寒公欲弱上位茲謂

不知厥食中白青四方赤已食地震諸侯相侵茲謂不承

厥食三毀三復君疾善下謀上茲謂亂厥食既先雨雹殺

走獸絀君獲位茲謂逆厥食既先風雨折木日赤內臣外

鄉茲謂背師古曰鄉厥食食且雨地中鳴韋昭曰地中有

如狗冢宰專政茲謂因厥食先大風食時日居雲中四方

無雲伯正越職茲謂分威師古曰伯讀曰霸厥食日中分

諸侯爭美於上茲謂泰厥食日傷月食半天營而鳴韋昭曰

食之半也月食常以望不為異也賦不得茲謂竭厥食星

何鳳

隨而下受命之臣專征云試厥食雖侵光猶明師古曰試意也一說試與若文王臣獨誅紂矣章昭曰是時紂臣尚欲同謂欲殺君未欲誅紂獨文王之臣欲誅紂臣欲小人順受命者征其君云殺厥食五色至大寒隕霜師古曰殺若紂臣順武王而誅紂矣章昭曰紂惡益甚其亦讀曰試師古曰殺若紂臣順武王而誅紂矣諸侯更制茲謂叛師古曰更改也厥食三復三食食已而風地動適讓庶茲謂生欲師古曰適厥食日失位光晦晦月形見師古曰晦音烏感反見音胡重反酒亡節茲謂荒厥食乍青乍黑乍赤明日大雨發霧而寒凡食二十占其形二十有四改之輒除不改三年三年不改六年六年不改九年推隱三年之食貫中央上下竟而黑臣弒從中成之形也後衛州吁弒君而立

桓公三年秋七月壬辰朔日有食之既既盡也曆家之說謂日月食日月同會月掩日故日食食有上下者行其高下日光輪存而中食者如奄密故曰光溢出皆既者正相當而相奄則

也然聖人不言月食日而以自食為文關於其所不見

董仲舒 劉向以為前事已大後事將至者又大則既先是魯宋弒君魯又成宋亂易許田亡事天子之心楚僭稱王後鄭拒王師射桓王又二君相篡鄭昭公厲公子壘劉歆以為六月趙與晉分周之六月今之四月始去畢而入參參晉分也畢趙也日行去趙遠入晉分多故曰與計二十八宿分其次度先是晉曲沃伯再弒晉侯是歲其月及所屬下皆以為例晉大亂滅其宗國京房易傳以為桓三年日食貫其中央上下竟而黃臣弒而不卒之形也後楚嚴稱王兼地千里

師古曰楚武王荆尸父已見傳今此言莊始稱王未詳其說

十七年冬十月朔不書日官之失也天子有日官諸侯有日御日官日御日官居卿以底日禮也日官天子掌曆者不在六卿典曆數者日官居卿以底日禮也之數而位從卿故言居卿底平也調日御不失日以授百官于朝日官平曆以班諸侯若侯平曆數穀梁言朔不言日食二日也

莊公十八年春王三月穀梁不言日不言朔夜食公羊曰食晦

史記推合朔在夜明旦日食而出出而解夜食地中是為

夜食劉向以為夜食者陰因日明之衰而奪其光象周天

子不明齊桓將奪其威專會諸侯而行伯道其後遂九合

諸侯天子使世子會之

二十五年六月辛未朔鼓用牲於社左傳鼓用牲于社非常也

非常鼓之月長曆推之辛未實唯正月之朔慝未作正月夏之

七月朔置閏失所故鼓月錯而傳云日有食之於是乎用幣于

六月謂正陽之月今書六月而傳云日有食之於是乎用幣于

社伐鼓于朝日食曆之常也然食於正陽之月則諸侯用幣于

侵陽臣不宜掩君以示大義

二十六年十二月癸亥朔

三十年九月庚午朔鼓用牲于社

僖公五年九月戊申朔

十二年春王三月庚午

十五年夏五月左傳不書朔與日官失之也

文公元年二月癸亥

十五年六月辛丑朔鼓用牲于社左傳非禮也得常鼓之月而

禮日有食之天子不舉去盛伐鼓于社責羣陰伐諸侯用幣于

社社尊於諸侯故請伐鼓于朝退自以昭事神訓民事君天子

尊卑異制所以訓民示有等威古之道也

宣公八年秋七月甲子日有食之既晦日

十年夏四月丙辰

十七年六月癸卯

成公十六年六月丙寅朔

十七年十有二月丁巳朔

襄公十四年二月己未朔

十五年秋八月丁巳

二十年冬十月丙辰朔

二十一年九月庚戌朔冬十月庚辰朔

二十二年春王二月癸酉朔

二十四年秋七月甲子朔日有食之既

八月癸巳朔

二十七年冬十有二月乙亥朔今長曆推十一月朔非十二月月則為三失左氏傳辰在申司曆過也再失閏矣謂斗建指申

閏故知經誤之九月斗柄當建戌而在申故知再失閏也文十一年三月甲子至今年七月十一歲應有二十六閏今長曆推得二十四閏通計少再閏釋例言之詳矣

董仲舒以為比食又既比類也謂二十四象陽將絕夷狄

主上國之象也後六君弑齊崔杼弑光衛甯喜弑剽閔弑吳餘祭蔡班弑景侯昔人弑其

圍弑如教楚子果從諸侯伐鄭滅舒鳩曾往朝之八年卒

主中國伐吳討慶封。劉向以為自二十年至此歲八年

間日食七作禍亂將重起故天仍見戒也

昭公七年夏四月甲辰朔左傳晉侯問於士文伯曰誰將當日

食對曰魯衛惡之受其衛大魯小公曰何故對曰去衛地如魯

地衛地不韋也魯地降妻也日食於不韋之末及降妻之始故禍在衛大在魯小也周四月今二月故曰在降妻於是

有災魯實受之魯受其餘禍其大咎在衛君乎魯將上卿八月

卒十一月十五年六月丁巳朔十七年夏六月甲戌朔左傳

祝史所請用幣禮正陽之月日食當昭子曰日有食之天子不

舉不舉伐鼓于社禮於社故請之昭子曰日有食之天子不

也平子禦之也曰止也唯正月朔慝未作日有食之於是乎

有伐鼓用幣之禮也其餘則否太史曰在此月也正月謂建巳

於周為六月於夏為四月慝陰氣也四月純陽用事陰氣未動

而侵陽災重故有伐鼓用幣之禮也平子以為六月非正月故

太史參言日過分而未至過春分而未夏至三辰有災三辰日月星也

是宿故三辰 於是乎百官降物降物君不舉辟移時辟正寢過

皆為災也 樂奏鼓鼙祝用幣於史用辭自責故夏書曰辰不集于房

警奏鼓鼙夫馳庶人走此月朔之謂也當夏四月是謂孟夏此

六月當夏之四月 平子弗從昭子退曰夫子將有異志不君君矣安君

故曰有異志

二十一年秋七月壬午朔左傳公問於梓慎曰是何物也禍福

何為也物事對曰二至二分春分秋分日有食之不為災日月之行

也分同道也至相過也二分長短極故言相過其他月則為災

陽不克也故常為水陽不勝陰

二十四年夏五月乙未朔左傳梓慎曰將水陰勝陽故昭子曰

旱也日過分而陽猶不克必甚能無旱乎過春分陽氣盛時

出故為旱限鳥罪反陽不克莫將積聚也陽氣莫然不動

三十一年十有二月辛亥朔左傳是夜也趙簡子夢童子羸而

轉以歌轉也旦占諸史墨曰吾夢如是今而日食何也簡子夢

食會謂在對曰六年及此月也吳其入郢乎終亦弗克史墨

非日食之應故釋曰入郢必以庚辰庚辰有變日在辰尾故曰

食之咎而不釋其夢入郢必以庚辰庚午之日始

有謫火勝金故弗克論變氣也庚午十月十九日去辛亥朔四

南乃楚之位也午火庚金也日雖食在辛亥更以始變為占也午

歲惟吳故知入郢必吳火勝金者金為火犯食在辛亥亥水也

六年也

定公五年春正月辛亥朔

十有二年冬十有一月丙寅朔

十有五年八月庚辰朔

凡春秋十二公二百四十二年日食三十六穀梁以為朔

二十六晦七夜二二日一公羊以為朔二十七二日七晦

二左氏以為朔十六二日十八晦一不書日者二

真定王二十六年日食書晦

安王五年日食

二十年日食既

烈王元年日食

七年日食

赧王十四年日食書晦

秦莊襄王三年四月日食

按春秋書日食終於魯定公之十五年漢史書日食始於高帝之三年其間二百九十三年搜考史傳書日食者凡七而已昔春秋二百四十二年日食凡三十六劉向猶以為乖氣致異至前漢二百一十二年而日食五十三則又數於春秋之時後漢百九十六年而日食七十二魏晉一百五十年而日食七十九則愈數於漢西

都之世矣春秋降而戰國七雄競角爭城爭地斬艾其民伏尸百萬以至於始皇二世生民之禍裂矣世道之變極矣乖氣所致謫見于天宜不勝書而此二二百年之間日食僅六七見焉何哉蓋史失其官不書于冊故後世無由考焉昔春秋日食必書晦朔與日日而不書晦朔與晦朔而不書日俱以為官失之今秦初書日食者一則書月而不書日與晦朔周末書日食者六則書年而并不書月其見於史冊而可考者鹵莽疎漏如此則其遺軼不書者可勝道哉非日之果不食也

漢高帝三年十月甲戌晦日有食之在斗二十度燕地也後二年燕王臧荼反誅立盧縮為燕王後又反敗十一月癸卯晦在虛三度齊地也後二年齊王韓信徙為楚王明年廢為列侯後又反誅九年六月乙未晦日有食之既在張十三度

惠帝七年正月辛丑朔在危十三度谷永以為歲首正月朔日
是為三朝尊者惡之五月丁卯先晦一日日有食之幾盡師古
音鉅依反後皆類此在七星初劉向以為五月微陰始起而犯至陽其占
重至其八月宮車晏駕有呂氏詐置嗣君之害京房易傳曰凡
日食不以晦朔者名曰薄人君誅將不以理或賊臣將暴起日
月雖不同宿陰氣盛薄日光也

高后二年六月丙戌晦七年正月己丑晦日有食之既在營室
九度為宮室中時高后惡之曰此為我也明年應師古曰謂
文帝二年十一月癸卯晦在婺女一度三年十月丁酉晦在斗
二十二度十一月丁卯晦在虛八度後四年四月丙辰晦在東
井十三度

七年正月辛未朔

景帝三年二月壬午晦在胃二度十年十一月庚寅晦在虛九

度中元年十二月甲寅晦中三年九月甲戌晦三年九月戊戌
晦幾盡在尾九度六年七月辛亥晦在軫七度後元年七月乙
巳先晦一日在翼十七度

武帝建元二年二月丙戌朔在奎十四度劉向以為奎為卑賤
婦人後有衛皇后自至微輿卒有不終之害師古曰皇后自

年九月丙子晦在尾二度五年正月己巳朔元光元年二月丙
辰晦七月癸未先晦一日在翼八度劉向以為前年高園便殿

災與春秋御廩災後日食於翼軫同其占內有女變外為諸侯
其後陳皇后廢江都淮南衡山王謀反誅日中時食從東北過

半晡時復元朔二年二月乙巳晦日有食之在胃三度六年十
一月癸丑晦日有食之元狩元年五月乙巳晦日有食之在柳

六度京房易傳推以為是時日食從旁右法曰君失臣明年丞
相公孫弘薨日食從旁左者亦君失臣從上者臣失君從下者

君失民元鼎五年四月丁丑晦在東井二十三度

元封四年六月己酉朔太始元年正月乙巳晦四年十月甲寅

晦在斗十九度征和四年八月辛酉晦日有食之不盡如鈞在

亢三度晡時食從西北日下晡時復

昭帝始元三年十一月壬辰朔在斗九度燕地也後四年燕刺

王謀反誅元鳳元年七月己亥晦日有食之幾盡在張十二度

劉向為己亥而既其占重食為最重也日食盡為既後六年

宮車晏駕卒以無嗣

宣帝地節元年十二月癸亥晦在營室十五度五鳳元年十二

月乙酉朔在婺女十度四年四月辛丑朔在畢十九度是為正

月朔慝未作左氏以為重異

元帝永光二年三月壬戌朔在婁八度四年六月戊寅晦在張

七度建昭五年六月壬申晦日有食之不盡如鈞因入

成帝建始三年十二月戊申朔其夜未央殿中地震谷永對曰

日食婺女九度占在皇后地震蕭牆之內咎在貴妾師古曰蕭牆謂門屏也蕭肅也人臣至此加肅敬也二者俱發明同事異人共掩制陽將害繼嗣也

日食則妾不見師古曰讀曰曹地震則后不見異日而發

則似殊事亡故動變則恐不知是月后妾當有失節之郵師古曰郵尤過也故天因此兩見其變若曰違失婦道隔遠眾妾師古曰遠音干

萬妨絕繼嗣者此二人也杜欽亦對曰日以戊申食時加未戊

未土也中宮之部其夜殿中地震此必適妾將有爭寵相害而

為患者師古曰適人事失於下變象見於上能應之以德則終

異消忽而不戒則禍敗至師古曰應之非誠不立非信不行河

平元年四月己亥晦日有食之不盡如鈞在東井六度劉向對

曰四月交於五月月同孝惠日同孝昭東井京師地且既其占

恐害繼嗣日蚤食時從西南起三年八月乙卯晦在房四年三

月癸丑朔在昴陽朔元年二月丁未晦在胃永始元年九月丁巳晦谷永以京房易占對曰元年九月日蝕酒亡節之所致也獨使京師知之四國不見者若曰湛洒于酒君臣不別禍在內也師古曰湛讀也沈又讀曰耽也永始二年二月乙酉晦谷永以京房易占對曰今年二月日食賦斂不得度民愁怨之所致也所以使四方皆見京師陰蔽者若曰人君好治宮室大營墳墓賦斂茲重而百姓屈竭師古曰茲益也屈盡也音其勿反禍在外也三年正月己卯晦日有食之四年七月辛未晦鄭興上疏言夫日月交會數應在朔而頃年日食多在於晦先時而合皆月行疾也日君象月臣象君亢急則臣下促迫故行疾也元延元年正月己亥朔劉向上疏臣向前數年言日當食今連三年比食自建始以來二十歲間而八食率二歲六月而一發古今罕有易曰觀乎天文以察時變昔孔子對魯哀公並言夏桀殷紂暴虐天下故歷失則攝提

失方孟陬無紀孟康曰攝提星名也隨斗杓建十二月為陬此皆易姓之變也

哀帝元壽元年正月辛丑朔日有食之不盡如鈞在營室十度與惠帝七年同月日鮑宣上言今日食於三始誠可畏懼小民正月朔日尚恐毀敗器物况日虧乎二年三月壬辰晦平帝元始元年五月丁巳朔在東井二年九月戊申晦日有食之既

九漢著紀十二世二百一十二年日食五十三朔十四晦三十六先晦一日三

光武建武元年正月庚午朔日有食之帝是年六月方即位時猶為更始三年

二年正月甲子朔在危八度時世祖初興天下賊亂未除虛危齊也賊張步擁兵據齊上遣伏隆諭步許降旋復叛稱王至五

年中乃破

三年五月乙卯晦替潭巴曰乙卯食雷不行在柳十四度柳河

南也時世祖在雒陽赤眉降賊樊崇謀作亂其七月發覺皆伏

誅乙卯晦日有食之

六年九月丙寅晦替潭巴曰丙寅食久旱多史官不見郡以聞

本紀都尉在尾八度羣陽騷動所致見浮傳

七年三月癸亥晦替潭巴曰癸亥日食天崩鄭興曰頃年在

畢五度畢為邊兵秋隗囂反侵安定冬盧芳所置朔方雲中太

守各舉郡降古今注曰九年七月辛酉十月有食之

十六年三月辛丑晦替潭巴曰辛丑食主疑臣在昂七度昂為獄事時諸郡

太守坐度田不實世祖怒殺十餘人然後深悔之

十七年二月乙未晦替潭巴曰乙未食天下多邪氣鬱在胃九

度胃為廩倉時諸郡新坐租之後天下憂怖以穀為言故示象

或曰胃供養之官也其十月廢郭皇后詔曰不可以奉供養

二十二年五月乙未晦在柳七度京都宿也柳為上倉祭祀穀

也近輿鬼輿鬼為宗廟十九年中司奏請立近帝四廟以祭

之有詔廟處所未定且就高廟禘祭之至此三年遂不立廟有

簡墮心奉祖宗之道有關故示象也

二十五年三月戊申晦替潭巴曰戊申食地動搖侵在畢十五

度畢為邊兵其冬十月以武谿蠻夷為寇害伏波將軍將兵擊

之古今注曰二十六年二月

二十九丁巳朔替潭巴曰丁巳在東壁為文章一名嫩嘗之

口先是皇子諸王各招來文章談說之士去年中有人上奏諸

王所招待者或真偽雜受刑罰者子孫宜可分別於是上怒詔

捕諸王客皆被以苛法死者甚多世祖不早為明設刑禁一時

治之過差故天示象世祖於是改悔遣使悉理侵枉也

三十一年五月癸酉晦潛潭巴曰癸酉食有陰不解淫雨毀山連兵在柳五度京都宿也自二十一年示象至此十年後二年宮車晏駕

中元元年十一月甲子晦在斗二十八度斗為廟主爵祿儒說十一月甲子時王日也又為星紀主爵祿其占重

明帝永平三年八月壬申晦潛潭巴曰壬申食水滅陽潰陰欲翔在氏三度氏為宿宮是時明帝作北宮右今注曰四年八月丙寅時加未日有食之五年二月乙未朔日有食之京候者不覺河南尹郎國三十已上六年六月庚辰晦日有食之時維陽候者不覺

八年十月右今注曰壬寅晦日有食之既潛潭巴曰壬寅食天在斗十一度斗吳也廣陵於天文屬吳後二年廣陵王荆坐謀反自殺

十三年十月古今注曰閏八月甲辰晦潛潭巴曰甲辰食四騎脅大水在尾十七度京房

十六年五月戊午晦潛潭巴曰戊午食久旱不傷在柳十五度儒說五月戊

午猶十一月甲子也又宿在言都其占重後二年宮車晏駕十八年十一月甲辰晦在斗二十一度是時明帝既崩馬太后制爵祿故陽不勝

章帝建初五年二月庚辰朔潛潭巴曰庚辰食彗星東至有寇兵在東壁八度例在前建武二十九年是時群臣爭經多相毀者又別占云庚辰食久旱

六年六月辛未晦潛潭巴曰辛未食大水在翼六度翼主遠客冬東平王蒼等來朝明年正月蒼薨

元和元年八月乙未晦史官不見他官以聞日在氐四度星占曰天

下災期三年和帝永元二年二月壬午潛潭巴曰壬午食久雨旬望史官不見涿郡以聞

日在奎八度京房占曰三公失國後旱且水臣昭以為三公宰輔之位

四年六月戊戌朔潛潭巴曰戊戌食有土殃主后死在七星二何忠

度主衣裳又曰行近軒轅左角為太后族是月十九日按本紀庚申辛

北宮詔捕憲等庚申是二十三日上免太后兄弟竇憲等官遣就國選嚴能相

於國蹙迫自殺

七年四月辛亥朔晉潭巴曰辛亥食子為雄在紫鷲為葆旅主收斂儒說葆

旅宮中之象收斂貪妬之象是歲鄧貴人始入明年三月陰皇

后立鄧貴人有寵陰后妬忌之後遂坐廢一曰是將入參參伐

為斬刈明年七月越騎校尉馮柱捕斬匈奴温禺犢王烏居戟

十二年秋七月辛亥朔在翼八度荆州宿也明年冬南郡蠻夷

反為寇

十五年四月甲子晦在東井二十二度東井主酒食之宿也婦

人之職無非無儀酒食是議去年冬鄧皇后立有丈夫之性與

知外事故天示象是年雨水傷稼

安帝永初元年三月二日癸酉在胃二度主廩倉是時鄧太后

專政去年大水傷稼倉廩為虛古今注曰三年三月日有食之

五年正月庚辰朔在虛八度正月王者統事之正日也虛空名

也是年鄧太后攝政安帝不得行事俱不得其政若王者位虛

故於正月陽不克示象也於是陰預乘陽故蠻夷並為寇害西

邊諸郡皆至虛空

七年四月丙申晦晉潭巴曰丙申食諸侯相攻京房古曰君在臣暴虐臣下橫恣上下相賊後有地動在

東井一度

元初元年十月戊子朔晉潭巴曰戊子食宮室內婦雌必或雄京房占曰妻欲害夫九族夷滅後有大

水在尾十度尾為後宮繼嗣之宮也是時上甚幸閭貴人將立

故示不善將為繼嗣禍也明年四月遂立為后後遂與江京耿

寶等共讒太子廢之

二年九月壬午晦在心四度心為王者明久失位也

三年三月二日辛亥在婁五度史官不見遼東以聞

四年二月乙亥朔潛潭巴曰乙亥食東國發兵京房占曰諸侯上侵以自益近臣盜竊以為積天子未知日為之在奎九度史官不見七郡以聞奎主武庫兵其年十月八日壬戌武庫火燒兵器也

五年八月丙申朔在翼十八度史官不見張掖以聞潛潭巴曰丙申食夷狄內攘石氏占曰王者失禮宗廟不親其歲旱

六年十二月戊午朔日有食之幾盡地如昏狀古今注曰星盡見春秋緯曰日食既君行無常公輔不脩德夷狄強侵萬事錯在須女十一度女主惡之後二歲三月

鄧太后崩 永寧元年七月乙酉朔潛潭巴曰乙酉食仁義不明賢人消京房占曰君弱臣強司馬將兵反征其王

在張十五度史官不見酒泉以聞張氏占曰日食張王者失禮延光三年九月庚寅晦京房占曰骨肉相賊後有水在氏十五度氏為宿宮

宮中宮也時上聽中常侍江京樊豐及阿母王聖等讒言廢皇太子

四年三月戊午朔在胃十二度隴西酒泉朔方各以狀上史官不覺

順帝永建二年七月甲戌朔日有食之潛潭巴曰甲戌食草木不滋王命不行京房占及戮辱後小早 在翼九度

陽嘉四年閏月丁亥朔潛潭巴曰丁亥食匿謀蒲王堂京房占曰君臣無別在角五度史官不見零陵以聞按張衡為太史令表奏云今年三月朔方覺日食北郡懼有兵患臣愚以為可勅北邊須塞郡縣明烽火遠年候深藏固閉無令穀畜外露不詳是何年三月

永和三年十二月戊戌朔在須女十一度史官不見會稽以聞明年中常侍張達等謀譖皇后父梁商欲作亂推考達等伏誅也

五年五月己丑晦潛潭巴曰己丑天下唱之日食在東井三十三度東井三輔宿也又近輿鬼輿鬼為宗廟其秋西羌為寇至三輔陵園

六年九月辛亥晦在尾十一度尾主後宮繼嗣之宮也以爲繼

嗣不興之象

桓帝建和元年正月辛亥朔日有食之在營室三度史官不見郡國以聞是時梁太后攝政

三年四月丁卯晦潛潭巴曰丁卯食有早有兵京房在東井二

十三度例在永元十五年東井主法梁太后又聽兄冀枉殺公

卿犯天法也明年太后崩

元嘉二年七月二日庚辰在翼四度史官不見廣陵以聞京房

庚辰食君易賢以剛辛以自傷後有水翼主倡樂時上好樂過阮籍樂論曰桓帝

哀而悲慷慨長息曰善乎

哉為琴若此一而足矣

永興二年九月丁卯朔在角五度角鄭宿也十一月泰山盜賊

群起劫殺長吏泰山於天文屬鄭

永壽三年閏月庚辰晦在七星二度史官不見郡國以聞例在

永元四年後二歲梁皇后崩異兄弟被誅

延熹元年五月甲戌晦在柳七度京都宿也梁冀別傳曰常侍

道術家常言漢死在戌亥今太歲在丙戌五月甲戌食臣切見

朱雀漢家之貴國宿分周地今京師是也史官上古去重見輕

璜召太史陳援詰問乃以實對冀怨援不為隱諱使人陰

求其短發擗上聞上以亡失候儀不肅有司奏收殺獄中

八年正月丙申晦在營室十三度營室之中女主象也其二月

癸亥鄭皇后坐酌上送暴室令自殺家屬被誅吕太后崩時亦

然

九年正月辛卯朔潛潭巴曰辛卯在營室三度史官不見郡國

以聞谷永以為三朝尊者惡之其明年宮車晏駕

永康元年五月壬子晦替潭巴曰壬子食在輿鬼一度儒說壬

子淳水日陽不克將有水害其八月六州大水渤海盜賊

靈帝建寧元年五月丁未朔替潭巴曰丁未食冬十月甲辰晦日有

食之

二年十月戊戌晦右扶風以聞

三年三月丙寅晦梁相以聞

四年三月辛酉朔替潭巴曰辛酉食女謀王谷求上書飲酒無節君臣不別姦邪欲起傳曰酒無節茲為荒

厥異日食厥咎亡靈帝好為商估飲於宮人之肆也

熹平二年十二月癸酉晦在虛二度是時中常侍曹節王甫等

專權蔡邕上書曰四年正月朔日體微傷群臣服赤幘赴宮門之中無救乃各罷歸夫有大異隱而不宣求御過是已事

六年十月癸丑朔趙相以聞谷求上書賦欽茲重不顧黎民百姓虛竭則日食皆有貴叛之變

光和元年二月辛亥朔十月丙子晦在箕四度箕為後宮口舌

是月上聽讒廢宋皇后按本傳虛植上書丙子食自巳過午既食之後雲霧晦陳入事以諫蔡邕對

問曰詔問踐祚以來災異屢見頻歲日食地動風雨不時疫癘流行動風折木河雒盛溢臣聞陽微則日食陰盛則地震思亂則風號失則雨視開則疾簡宗廟上不問下川流滿溢明君臣

正上下抑除尊陽俯五事於聖躬致精慮於共御其救之也

二年四月甲戌朔

四年九月庚寅朔替潭巴曰庚寅食將相誅大水多死傷在角六度

中平三年五月壬辰晦替潭巴曰壬辰食河決海又霧連陰

六年四月丙午朔其月浹辰宮車晏駕

獻帝初平四年正月甲寅朔在營室四度替潭巴曰甲寅食雷電擊殺骨肉相攻

是時李催郭汜專政袁宏紀曰未食八刻太史令王立奏曰日昃過度無有變也於是朝臣皆賀帝密令

尚書候正木脯一刻而食尚書賈詡奏曰立伺候不明疑誤上下太尉周忠職所典掌請皆治罪詡曰天道遠事驗難明且災

異應政而至雖探道知機焉能無失而欲歸咎史官益重朕之不德也弗從於是避正殿寢兵不聽事五日

興平元年六月乙巳晦

建安五年九月庚午朔替潭巴曰庚午食後火燒官兵

六年十月癸未朔

十三年十月癸未朔替潭巴曰癸未食仁義不明在尾十二度

十五年二月乙巳朔

十七年六月庚寅晦

二十一年五月巳亥朔替潭巴曰巳亥食小人用事君子繫

二十四年二月壬子晦

凡漢中興十二世百九十六年日蝕七十二朔三十六晦

二十七月二日三

文獻通考卷之二百八十二

文獻通考卷之二百八十三

象緯考

宋鄱陽 馮 天馭 應房 校刊
馬 端臨 貴與 著

日食

魏文帝黃初二年六月戊辰晦日有蝕之有司奏免太尉詔曰
災異之作以譴元首而歸股肱豈禹湯罪已之義乎其令百官
各虔厥職後有天地青勿復劾三公

三年正月景寅朔十一月庚申晦

五年十一月戊寅晦

明帝太和初太史令許芝奏日應蝕與太尉於靈星祈禳帝曰
蓋聞人主政有不德則天懼之以災異所以譴告使得自修也
故日月薄蝕明治道有不當者朕即位以來既不能光明先帝
聖德而施化有不合於皇神故上天有以寤之宜敕政自修有

以報於神明天之於人猶父之於子未有父欲責其子而可獻
盛饌以求免也今外欲遣上公與太史令俱禳祠之於義未聞
也群公卿士大夫其各勉脩厥職有可以補朕不逮者各封上
之

太和五年十一月戊戌晦

六年正月戊辰朔見吳曆

青龍元年閏月庚寅朔

少帝正始元年七月戊申朔

三年四月戊戌朔

四年五月丁丑朔

五年四月景辰朔

六年四月壬子朔十月戊申朔

八年二月庚午朔是時曹爽專政丁卯以鄧颺等轉改法度會有

日蝕之變詔群臣問得失蔣濟上疏曰昔大舜佐治戒在比周
周公輔政慎於其朋齊侯問災晏子對以布惠魯君問異臧孫
咎以緩後塞變應天乃實人事濟言譬甚切而君臣不悟終至
敗亡九年正月乙未朔

嘉平元年二月己未朔

高貴鄉公甘露四年七月戊子朔

五年正月乙酉朔京房易占曰日食乙酉君弱臣強司馬將兵
反征其王五月有成濟之變

元帝景元二年五月丁未朔

三年十一月己亥朔

晉武帝泰始二年七月景午晦十月景午朔

七年十月丁丑朔

八年十月辛未朔

九年四月戊辰朔

十年正月乙未三月癸亥

咸寧元年七月甲申晦

三年正月景子朔

四年正月庚午朔

太康四年三月辛丑朔

七年正月甲寅朔

八年正月戊申朔

十年正月壬申朔六月庚子朔並日有食之

永熙元年四月庚申帝崩

惠帝元康九年十一月甲子朔十二月廢皇太子適為庶人尋殺之

永康元年正月己卯四月辛卯朔並日有蝕之

永寧元年閏月景戌朔

光熙元年正月戊子朔七月乙酉朔十一月惠帝崩十二月壬午朔

懷帝永嘉元年十一月戊申朔

二年正月景子朔

六年二月壬子朔

愍帝建興四年六月丁巳朔十二月甲申朔並日有食之

五年五月景子十一月景子並日有食之時帝蒙塵于平陽

元帝太興元年四月丁丑朔

明帝太寧三年十一月癸巳朔在卯至斗斗吳分也其後蘇峻作亂

成帝咸和二年五月甲申朔在井井主酒食女主象也明年皇太后以憂崩

六年三月壬戌朔是時帝以年長每幸司徒第猶出入見王導夫人曹氏如子弟之禮以人君而敬人臣之妻有虧君德之象也

九年十月乙未朔是時帝既冠當親万機而委政大臣君道有虧也

咸康元年十月乙未朔

七年二月甲子朔三月杜皇后崩

八年正月乙未朔京都大雨郡國以聞是謂三朝王者惡之六月而帝崩

穆帝永和二年四月巳酉

七年正月丁酉

八年正月辛卯並日有食之

十二年十月癸巳朔在尾尾燕分北狄之象也是時邊表姚襄

符生互相吞噬朝廷憂勞征伐不止

升平四年八月辛丑朔日有食之幾既在角凡蝕淺者禍淺深者禍大角為天門人主惡之明年而帝崩

哀帝隆和元年三月甲寅二月戊午朔並日有食之明年而帝有疾不識萬機

海西公太和三年三月丁巳朔五年七月癸酉朔並日有食之皆海西被廢之應也

孝武帝寧康三年十月癸酉朔

太元四年閏月巳酉朔是時符堅攻沒襄陽執慕容序

六年六月庚子朔

九年十月辛亥朔

十七年五月丁卯朔

二十年三月庚辰朔明年帝崩

安帝隆安四年六月庚辰朔是時元顯執政

元興二年四月癸巳朔其冬桓玄篡位

義熙三年七月戊戌朔

十年九月丁巳朔

十一年七月辛亥晦

十三年正月甲戌朔明年帝崩

恭帝元熙元年十一月丁亥朔自義熙元年至是日食日從上始皆為革命之徵

凡魏晉共一百五十年日蝕七十九朔六十五晦七不言

朔晦七

宋營陽王景平二年二月己卯朔日有蝕之

文帝元嘉四年癸卯朔

五年五月壬辰朔十一月己丑朔

十七年四月戊午朔

十九年七月甲戌晦

二十三年六月癸未朔

三十年秋七月辛丑朔

孝武帝孝建元年七月丙申朔日有食之既

大明五年九月甲寅

明帝太始四年十月癸酉朔

五年十月丁卯朔

後廢帝元徽元年十二月癸卯朔

順帝昇明二年三月己酉朔九月乙巳朔

三年三月癸卯朔

齊高帝建元二年九月甲午朔

三年七月己未朔

武帝永明元年十二月乙巳朔

廢帝隆昌元年五月甲戌朔

明帝建武元年十一月壬申

東昏侯永元三年正月丙申朔

梁武帝天監元年七月丁巳朔

五年三月丙寅朔

十年十二月壬戌朔日食在牛四度

十五年三月戊辰朔日有食之既

普通元年正月乙亥朔丙子占曰日食陰侵陽陽不克陰也為大水其年七月江淮海溢

三年五月壬辰朔日有食之既

四年十一月癸未朔

大同四年六月辛丑朔

太清元年春正月己亥朔

陳武帝永定三年五月景辰朔

文帝天嘉三年九月戊辰朔

宣帝大建三年九月庚子朔

六年二月壬辰朔

後主至德三年春正月戊午朔

後魏道武帝天興三年夏六月庚辰朔

六年夏四月癸巳朔

天賜五年七月戊戌朔

明元神瑞元年九月丁巳朔

二年八月庚辰晦

泰常元年七月亥晦

二年正月甲戌朔

晉義熙十四年

十六

守

四年冬十一月丁亥朔

太武始光四年六月癸卯朔 宋文帝元嘉四年

神嘉元年十一月乙未朔 宋元嘉五年 南史是年五月亦日食此不載

太延元年正月乙未朔

三年冬十一月乙卯朔

太平真君元年四月戊午朔 宋元嘉十七年

三年八月甲戌晦 宋元嘉十九年

六年六月戊子朔

七年六月癸未朔 元嘉二十三年

十年四月景申朔

文成帝大安元年七月丙申朔 宋孝武孝建元年

和平元年九月庚申朔

二年二月壬子朔 宋大明五年

獻文帝皇興元年十月己亥朔 宋明帝太始四年

二年四月丙子朔十月癸酉朔 宋太始五年

三年十月丁酉朔

孝文延興元年十二月癸卯朔 宋廢帝元徽元年

三年十二月癸卯朔

四年正月癸酉朔

天和元年十月辛亥朔

二年二月乙酉晦 宋順帝昇平二年

三年三月癸卯朔 宋昇平三年

五年七月庚申朔 齊高祖建元二年南史書九月甲午朔

七年十二月乙巳朔

十二年二月辛亥朔

十四年正月己巳朔

十五年正月癸亥晦

十七年六月庚辰朔

十八年五月甲戌朔齊明帝建武元年南史書十一月壬申朔

二十年九月庚寅晦

宣武帝景明元年正月辛丑朔齊東昏侯永元三年七月己亥朔

二年秋七月癸巳朔

三年七月丁巳朔梁武帝天監元年

末平元年八月壬子朔

二年八月丙午朔

四年十二月壬戌朔梁天監十年

延昌元年五月己未晦

二年五月甲寅朔

孝明帝熙平元年三月辰朔梁天監十五年

神龜二年正月辛巳朔

正光元年正月乙亥朔梁普通元年二年五月丁酉朔

三年五月壬辰朔梁普通三年冬十一月己丑朔

四年十一月癸未朔梁普通四年

孝莊帝永安二年十月乙酉朔

節閔帝普泰元年六月己亥朔

孝武永熙元年十月辛酉朔

二年四月己未朔

三年四月癸丑朔

孝靜帝元象元年正月辛酉朔梁大同四年

興和元年閏五月丁丑朔

武定五年正月己亥朔梁太清元年

北齊後主武平七年六月戊申朔

周武帝保定元年四月丙子朔十月甲戌朔

二年九月壬辰朔陳文帝天嘉三年

三年三月乙丑朔

四年二月庚寅朔八月丁亥朔

五年七月辛巳朔

天和六年正月己卯朔

二年正月癸酉朔十一月戊戌朔

三年十一月壬辰朔

五年十月辛巳朔

六年四月戊寅朔陳宣帝大建三年南史書九月庚子朔

建德元年三月癸卯朔九月庚子朔

三年二月壬辰朔陳大建六年

四年二月丙戌朔十二月辛亥朔

五年六月戊申朔

六年十一月己亥朔

靜帝大象二年十月甲寅朔

隋文帝開皇三年二月己巳朔秋七月丁卯

四年正月甲子朔

七年五月乙亥朔

十一年二月辛巳晦

十二年七月壬申晦

十三年七月戊辰晦

仁壽元年二月乙卯朔

煬帝大業十二年五月丙戌朔

按自李延壽南北史不作諸志後來之閱史者遂以隋書上接晉書然隋書諸志南止及梁陳而不及宋齊北

止及齊周而不及元魏而沈約蕭子顯魏收諸史世所罕見故宋齊魏之事無由攷焉近世鄭漁仲作通志號為該洽然其天文略所書日食以梁武帝天監十年上接宋恭帝元熙元年蓋止以隋志之所有者書之而更不攷宋齊之事踈略如此又况梁陳兩代日食凡十四而隋志僅書其四則隋志亦未為詳盡也今就帝紀中剔出所書日食類而載之南宋齊梁陳北魏周齊隋上承晉下接唐然後所載稍備然南自宋武帝永初元年至陳後主禎明二年北自魏明帝泰常五年至隋文帝開皇八年此一百六十九年之間南史所書日食僅三十六而北史所書乃七十九其間年歲之相合者纔二十七又有年合而月不合者如南齊高帝建元二年即北魏孝文太和五年是年日食南史書九月甲午朔北史書七月庚申朔之類夫縣象著明同此一宇宙也豈有

食於北而不食於南之理如以為陰雲不見則不書食然北史所書過倍南史之數豈南常陰翳而北常開霽乎又歲年之不合與年同而月異皆所不可曉者春秋日食不書日與晦朔猶以為官失之今二史抵牾乃如此其為官失也大矣

唐高祖武德元年十月壬申朔日有食之在氏五度占曰諸侯專權則其應在所宿國諸侯附從則為王者事

四年八月丙戌朔在翼四度楚分也

六年十二月壬寅朔在斗十九度吳分也

九年十月丙辰朔在氏七度

太宗貞觀元年閏三月癸丑朔在胃九度九月庚戌朔在亢五

度胃為天倉元為䟽廟

二年三月戊申朔在婁十一度占為大臣憂

三年八月己巳朔在翼五度占曰旱
四年閏正月丁卯朔在營室四度七月甲子朔在張十四度占
為禮失

王春

六年正月乙卯朔在虛九度虛耗祥也
八年五月辛未朔在參七度

九年閏四月丙寅朔在畢十三度占為邊兵

十一年三月丙戌朔在婁三度占為大臣憂

十二年閏二月庚辰朔在奎九度奎武庫也

十三年八月辛未朔在翼十四度翼為遠夷

十七年六月己卯朔在東井十六度京師分也

十八年十月辛丑朔在房三度房將相位

二十年閏三月癸巳朔在胃九度占曰主有疾

二十二年八月己酉朔在翼五度占曰旱

高宗顯慶五年六月庚午朔在柳五度

龍朔元年五月甲子晦在東井二十七度皆京師分也

麟德二年閏三月癸酉在胃九度占曰主有疾

乾封二年八月己酉朔在翼六度

總章二年六月戊申朔在東井二十九度

咸亨元年六月壬寅朔在東井十八度

二年十一月甲午朔在箕九度

三年十一月戊子朔在尾十度東井京師分箕為后妃之府尾

為後宮

五年三月辛亥朔在婁十三度占為大臣憂

永隆元年十一月壬申朔在尾十六度

開耀元年十月丙寅朔在尾四度

永淳元年四月甲子朔在畢五度十月庚申朔在房三度

守

武后垂拱二年二月辛未朔在營室十五度

四年六月丁亥朔在東井二十七度京師分也

天授二年四月壬寅朔在昴七度

如意元年四月丙申朔在胃十一度皆正陽之月

長壽二年九月丁亥朔在角十度角內為天廷

延載元年九月壬午朔在軫八度軫為車騎

證聖元年二月巳酉朔在營室五度

聖曆三年五月巳酉朔在畢十五度

長安二年九月乙丑朔幾既在角初度

二年三月壬戌朔在奎十度占曰君不安九月庚寅朔在亢七

度
中宗神龍三年六月丁卯朔在東井二十八度京師分也

景龍元年十月乙丑朔在南斗二十八度斗為丞相位

玄宗先天元年九月丁卯朔在角十度

開元三年七月庚辰朔在張四度

七年五月巳丑朔在畢十五度

九年九月乙巳朔在軫十八度

十二年閏十二月丙辰朔在虛初度

十七年十月戊午朔不盡如鉤在氏九度

二十年二月甲戌朔在營室十度八月辛未朔在翼七度

二十一年七月乙丑朔在張十五度

二十二年十二月戊子朔在南斗十三度

二十三年閏十一月壬午朔在南斗十一度

二十六年九月丙申朔在亢九度

二十八年三月丁亥朔在婁三度

天寶元年七月癸卯朔在張五度

五載五月壬子朔在畢十六度

十二載六月乙丑朔幾既在東井十九度京師分也

肅宗至德元載十月辛巳朔日有食之既在氐十度

上元二年七月癸未朔日有食之既大星皆見在張四度

代宗大曆三年三月乙巳朔在奎十一度

十年十月辛酉朔在氐十一度宋分也

十四年七月戊辰朔在張四度十二月丙寅晦在危十二度

德宗貞元二年八月辛巳朔在軫八度

五年正月甲辰朔在營室六度

八年十一月壬子朔在尾六度宋分也

十二年八月己未朔在翼十八度占曰旱

十七年五月壬戌朔在東井十度

憲宗元和三年七月辛巳朔在七星三度

十年八月己亥朔在翼十八度

十三年六月癸丑朔在輿鬼一度京師分也

穆宗長慶二年四月辛酉朔在胃十三度

三年九月壬子朔在角十二度

文宗大和八年二月壬午朔在奎一度

開成元年正月辛丑朔在虛三度

武宗會昌三年二月庚申朔在東壁一度并州分也

四年二月甲寅朔在營室七度

五年七月丙午朔在張七度

六年十二月戊辰朔在南斗十四度

宣宗大中二年五月己未朔在參九度

八年正月丙戌朔在危二度危為玄枵亦耗祥也

懿宗咸通四年七月辛卯朔在張十七度

僖宗乾符三年九月乙亥朔在軫十四度

四年四月壬申朔在畢三度

六年四月庚申朔在胃八度

文德元年三月戊戌朔在胃一度

昭宗天祐元年十月辛卯朔在心二度

三年四月癸未朔在胃十二度

右唐著紀二百八十九年日食九十三朔九十一晦一二

日一

梁太祖開平五年正月丙戌朔日有食之

乾化元年正月丙戌朔

少帝龍德三年十月辛未朔

唐莊宗同光三年四月癸亥朔司天奏在鼎並歲大旱

明帝天成元年八月乙酉朔

二年八月己卯朔

三年五月丁丑其日陰雲不見百官稱賀

長興元年六月癸巳朔

二年十一月甲申朔先是司天奏朔日合食二分伏緣所食微

少太陽光影相鑠伏恐不辨虧闕請其日不入閤百官不守司

從之

晉高祖天福二年正月乙卯朔

三年正月戊申朔

四年七月庚子朔

七年四月甲寅朔

八年四月戊申朔

少帝開運元年九月庚午朔

二年八月甲子朔

後唐書

卷之三

古

三年二月壬戌朔

漢隱帝乾祐元年六月戊寅朔

二年六月癸酉朔

三年十一月甲子朔

周太祖廣順二年四月丙戌朔

宋太祖皇帝建隆元年五月己亥朔

二年四月癸巳朔

乾德三年二月壬寅朔驗天不食

五年六月戊午朔

開寶元年十二月己酉朔

三年四月辛未朔

四年十月癸亥朔

五年九月丁巳朔

七年二月庚辰朔

八年七月辛未朔

太宗太平興國二年十一月丁亥朔

六年九月乙未朔

七年三月癸巳朔

八年二月戊子朔

雍熙二年十二月庚子朔

三年六月戊戌朔

淳化二年閏二月辛未朔

三年二月乙丑朔

四年二月己未朔

五年十二月戊寅朔雲陰不見與不侍臣稱賀

真宗咸平元年五月戊午朔十月丙戌朔

二年九月庚辰朔

三年三月戊寅朔

五年七月甲午朔

景德元年十二月庚辰朔

三年五月壬寅朔雲陰不見

四年五月丙申朔十月甲午朔雲陰不見

大中祥符二年三月丙辰朔陰雨不見

五年八月丙申朔

六年十二月戊午朔

七年十二月癸丑朔驗天不食

八年六月己酉朔

天禧三年三月戊午朔
五年七月甲戌朔當食既測驗及四分止

仁宗乾興元年七月甲子朔日食幾盡

天聖二年五月丁亥朔日當食候之不食

四年十月甲戌朔

六年三月丙申朔

七年八月丁亥朔

明道二年六月甲午朔皆食

景祐三年殿中丞王立言四月己酉朔日當食二分半候之不食

寶元元年正月丙辰朔食六分申一刻便復六月戊子日官楊

惟德等言來歲閏十二月則庚辰歲正月朔日當食請移閏於

庚辰則日食在前正月之晦帝曰閏所以正天時而授民事其

可曲避乎不許

康定元年正月丙辰朔食

慶曆二年六月壬申朔食五分至酉六刻帶二分八濁不見

三年五月丁卯朔食

四年十一月戊申朔日當食不食

五年四月丁亥朔日應食而雲晦不見

六年三月辛巳朔食四分半申三刻復

皇祐元年正月甲午朔食一分

四年十一月壬寅朔食二分弱未正一刻復

五年十月丙申朔午正一刻食至四分半

至和元年四月甲午朔食九分餘缺於西南申正一刻甚是日

雷雨降詔郵州及預降德音占曰正陽之月日食王者惡之

嘉祐元年八月庚戌朔食二分

三年八月己亥朔食三分半

四年正月丙申朔食三分刻復占曰受歲而食日王者惡之先

是日食欲改戊戌年十二月為閏以避之詔不許
六年六月壬子朔未初刻食四分入雲不見

時議稱賀修起居注司馬光上言臣愚以為日之所照周
徧華夷雲之所蔽至為近狹今若太陽實虧而有浮翳塞
雖京師不見四方必有見者此乃天戒至深不可不察也臣
聞漢成帝永始元年九月日有食之四方不見京師見谷
永以為沈涵于酒禍在內也二年二月日有食之四方見
京師不見谷永以為百姓屈竭禍在外也臣愚以為永之
所言似未協天意夫四方不見京師見者禍尚淺也四方
見京師不見者禍深也日者人君之象天意若曰人君
為陰邪所蔽灾慝明著天下皆知其憂危而朝廷獨不知
也由是言之人主左且側身戒懼憂念社稷而群臣乃始
相率稱賀豈得不謂之上下相蒙誣罔大譴哉又所食不

滿分數者曆官術數之不精當治其罪亦非所以爲賀也

神宗哲宗徽宗欽宗四朝日食

熙寧元年正月甲戌朔日有食之

二年七月乙丑朔太史言日當食八分是日陰雲蔽食不及定分

六年四月甲戌朔太史言日當食陰雲不見

八年八月庚寅太史言日當食陰雲不見

元豐元年六月癸卯太史言當食驗之不食

三年十一月己丑太史言日食六分不及所食分數

四年十一月癸未太史言日當食驗之不食

五年四月壬子朔太史言日有食之陰雲不見

六年九月癸卯日有食之

元祐二年七月庚戌太史言日當食陰雲不見

六年五月己未朔

九年三月壬申朔太史言日當食陰雲不見初虧至未時三刻

雲間見日西南已食一分餘六刻食甚至七分有雲不見復圓

紹聖三年二月丁卯太史言日當食驗之不食

四年六月癸未太史言日當食陰雲不見

元符三年四月丁酉朔

建中靖國元年四月辛卯朔太史言日當食陰雲不見

大觀元年十一月壬子朔

二年五月庚戌朔

四年九月丙寅朔

政和三年三月壬子朔

五年七月戊辰朔

八年五月壬午朔

宣和元年四月丙子朔

五年八月辛巳朔太史言日當食陰雲不見

高宗建炎三年九月丙午朔食于元四度

紹興五年正月乙巳朔食于女分占有喪又曰東國發兵是年

徽宗崩于五國城

七年二月癸巳朔食于室占人主遊處不節外戚擅權

十三年十二月癸未朔食于牛靈雲蔽之不見用舊制拜表稱

賀

十五年六月乙亥朔食于井占諸侯死又曰大旱民流亡

十七年十月辛卯朔食于氏

十八年四月戊子朔

十九年三月癸未朔

二十四年五月癸丑朔

二十五年五月丁未朔日皆當食露雲不見於是十月秦檜卒

二十八年三月辛酉朔日當食露雲不見始降詔免賀猶宣付

史館

三十年八月丙午朔食于翼占王者失禮宗廟不親又曰民流

天下有大變兵起期三年於是始有言金人將敗盟次年逆亮

果犯邊

三十一年正月甲戌朔太史局言日當食而不食占人君脩德

罪已察姦理賢寬恩布德上動于天則有食而不食

三十二年正月戊申朔食于女五月 上內禫

孝宗隆興元年六月庚申朔食于井

二年六月甲寅露雲不見

乾道五年八月甲申朔食于翼

九年五月壬辰朔食于井

淳熙元年十一月甲申朔食于尾

三年三月丙午朔日當食露雲不見

四年九月丁酉朔日當食露雲不見時

孝宗厲精為治

十年十一月壬戌朔食于心占曰食壬戌羣小萌食太半灾重相死又曰法令有失將相相疑

十五年八月甲子朔食于翼占甲子曰食夷兵動又曰在翼為王者失禮又秋食為真

十六年二月辛酉朔日當食始孝宗將以正月內禪宰臣周必大言新天子即位而食遽當避殿恐宜少緩上大以為然故殿內禪在次月至是日露雲蔽不見虧分

寧宗慶元元年三月丙戌朔食于婁占多寬訟其分有叛臣或曰水又曰戒邊臣於是作費用事始有意北伐

四年正月己亥朔露雲不見

五年正月癸巳朔露雲不見

六年六月乙酉朔日當食太史言夜食不見

嘉泰二年五月甲辰朔食于畢占主大水潦諸侯死邊將亡遠國謀亂三年吳曦反于蜀伏誅

三年四月己亥朔日當食而太史局言曰體圓明不見虧分凡言不見虧分者食不及一分也

開禧二年二月壬子朔

嘉定四年十一月己酉朔皆當食皆不見虧分

七年九月壬戌朔食于角

九年二月甲申朔食于室

十七年七月丙子朔食于張

十一年七月庚午朔日食一分其日正午或見或不見太史局言

是為陽盛陰微日體不虧

十四年五月甲申朔食于畢

十六年九月庚子朔日食于軫

程氏演繁露曰古謂日輪規環千里特言其周廣當然者耳而無有言其如何其圓者也沈括取銀圓為喻曰月如銀圓本自無光日耀之乃有光其圓非圓乃月與日相望其光全耳及其闕也亦非真闕乃日光之所不及耳此喻最為精審子已詳著之矣淳熙丙申三月予為少蓬太史局言朔日巳時日食西北隅食至一分半而復巳而日行加巳呼請臺官即道山下以盆貯油對日景候之時既及巳雲忽驟起少選雲退則日輪西北角微有虧缺約其所欠殆不及一分蓋食巳而復非不及一分半也其年某人志其使虜自北而回正當食時其行適及河北北望之

則日輪虧及十分之二是太史之言固不能精亦不全謬也予因此之見益知沈括銀圓之說確與之合也臨安距河北則向南二千餘里矣日食而北人在東南故從東南見之闕處全少是以其分而闕僅及一也至於人在河北日並東南故其食處多見而遂十分虧二以此見日輪正圓可驗也此如東京所鑄渾儀今在臨安清臺則於西北兩柱移低兩寸以順天勢其痕迹尚在可驗也南北異地於以準望天度則臨安與汴京自是不同也

象緯考

宋鄱陽 馬端臨 貴與 著
明蘄陽 馮天馭 應房 校刊

日變

春秋魯哀公六年有雲如衆赤鳥夾日以飛三日楚子使問諸

周太史周太史曰其當王身乎日為人君妖氣守之故以為當

不及若禳之祭也可移於令尹司馬王曰除腹心之疾而置之

股肱何益不穀不有大過天其天諸有罪受罰又焉移之遂弗

禳

漢武帝建元二年四月戊申有如日夜出

元帝永光元年四月日色青白亡景韋昭曰日下無景正中時

有景亡光韋昭曰無是夏寒至九月日乃有光京房易傳曰美

不上人按謂上弱厥異日白七日不溫順亡所制茲謂弱孟康曰君

陸程寫表電

順從於臣下無所能制日白六十日物無霜而死天子親伐茲謂不知日

白體動而寒弱而有任茲謂不亡日白不温明不動辟魯公行

茲謂不伸孟康曰辟君也厥異日黑大風起天無雲日光掩師古

曰掩與不難上政茲謂見過日黑居反大如彈丸

成帝河平元年正月壬寅朔日月俱在營室時日出赤二月癸

未日朝赤且入又赤夜月赤甲申日出赤如血亡光漏上四刻

半乃頗有光燭地赤黃食後乃復京房易傳曰辟不聞道茲謂

亡厥異日赤三月乙未日出黃有黑氣大如錢居日中央京房

易傳曰祭天不順茲謂逆厥異日赤其中黑聞善不予茲謂失

知厥異日黃夫大人者與天地合其德日月合其明故聖王在

上總命羣賢以亮天功則日之光明五色備具燭耀亡主有則

為異應行而變也色不虛改形不虛毀觀日之五變足以監矣

李尋對曰夫日者衆陽之長輝光所燭萬里同晷人君之

表也師古曰日故日將旦清風發羣陰伏君以臨朝不牽於

色日初出炎以陽君登朝佞不行忠直進不蔽障日中輝

光君德盛明大臣奉公日將入專以壹君就房有常節君

不脩道則日失其度晡昧亡光師古曰晡與暗各有云為

其於東方作日初出時師古曰作起也陰雲邪氣起者

法為牽於女謁服虔曰有所畏難日出後為近臣亂政日

中為大臣欺誣日且入為妻妾後使所營師古曰營問者

日尤不精光明侵奪失色邪氣珥蜺數作本起於晨相連

至昏其日出後至日中間差瘡師古曰瘡小臣不知內事

竊以日視陛下志操衰於始初多矣其咎恐有以守正直

言而得罪者傷嗣害世不可不慎也

按尋此對在哀帝時帝召尋待詔黃門詔問以日月失

度星辰亂行災異仍重之事尋所對如此然哀帝時日

食凡再俱見於史而此所言日無精光邪氣連昏之事

則天文五行志俱所不載云

光武建武七年四月丙寅日有暈抱白虹貫暈在畢八度古今注曰

時日加卯西面東面有抱須臾成暈中有兩鉤在南畢為邊兵

北有白虹貫暈在西北南面有背在景加已皆解也

秋隗囂反侵安定皇德傳史曰白虹貫日

章帝建初元年正月壬申白虹貫日貫下破軍晉分也

五年七月甲寅夜白虹出

七年四月丙寅日加卯西面有抱須臾成暈有白虹貫日

賜帝延平元年六月丁未日暈上有半暈暈中外有備背兩珥

十二月丙寅日暈再重中有背備

順帝永建二年正月戊午白虹貫日

二年正月丁酉日有白虹貫交暈中

六年正月丁卯日暈兩珥白虹貫珥中

永和六年正月己卯暈兩珥中赤外青白虹貫暈中春秋元命

之氣聚為雲氣立為虹蜺離為背備分為抱珥考異曰臣陰陽

反偏刺曰巫咸曰占臣不知則日月備如淳曰蝦蟇謂之虹蜺

謂之蜺白外曰倍刺曰曰備在傍如半錄向日曰抱在畔

直對曰珥孟康曰備如備也宋均曰黃氣抱日輔臣納忠

靈帝時日數出東方正赤如血無光高二丈餘乃有景且入西

方去地二丈亦如之京房占曰國有佞讒朝有殘臣則日不其

占曰事天不謹則日月赤是時月出入去地二三丈皆赤如血

者數矣春秋感精符曰日無光主勢奪羣臣以讒術色赤如炭

輕殺不辜於無罪不事天地忽於鬼神時則天雨土風常起

日食無光地動雷降其時不救兵從外來為賊戮而不葬京房

占曰日無故曰夕無光

光和四年二月己巳黃氣抱日黃白珥在其表春秋感精符曰

日空不出三年必有移民而去者也

中平四年三月丙申黑氣大如瓜在日中春秋感精符曰

日黑則水溢

五年正月日色赤黃中有黑氣如飛鵲數月乃銷

何免

六年二月乙未白虹貫日春秋感精符曰虹貫日天下悉極文告刑用及族世多深刻獄多怨宿吏皆慘毒又曰國多死孽天子命絕大臣為禍主將見殺星占曰虹蜺主內淫土精填星之變易識曰聰明蔽塞政在臣下

獻帝初平元年二月壬辰白虹貫日袁山松書曰三年十月丁卯日有重兩倍吳書載韓

復與秦術書曰

凶出於代郡

晉武帝泰始五年七月甲寅日暈再重白虹貫之

泰康元年正月己丑朔五色氣貫日自卯至酉占曰君道失明

丑為斗牛上吳越是時孫皓淫暴四月降

惠帝元康元年十一月甲申日暈再重青赤有光

九年正月日中有若飛燕者數日乃滿玉隱以為愍懷廢死之徵

永康元年正月癸亥朔日暈三重十月乙未日闇黃霧四塞占

曰不及三年下有拔城大戰十二月庚戌日中有黑氣京房易

傳曰祭天不順茲謂逆厥異日中有黑氣

永寧元年九月甲申日中有黑子京房易傳占黑者陰也臣不

掩君惡令下見百姓惡君則有此變又曰臣有蔽主明者

太安元年十一月日中有黑氣

永興元年十一月日中有黑氣分日

光熙元年五月壬辰癸巳日光四散赤如血流照地皆赤甲午

又如之占曰君道失明

懷帝永嘉元年十一月乙亥黃黑氣掩日所照皆黃按河圖占

曰日薄也其說曰凡日食皆於晦朔不有於晦朔者為日薄雖

非日月同宿時陰氣盛掩日光也占類日蝕

二年正月戊申白虹貫日二月癸卯白虹貫日青黃暈五重占

曰白虹貫日近臣為亂不則諸侯有反者暈五重有國者受其

祥天下有兵破亡其地明年司馬越暴蔑人主五年劉聰破京

都帝蒙塵于寇庭

五年三月庚申日散光如血下流所照皆赤日中有若飛燕者
愍帝建興二年正月辛未庚時日隕于地又有三日相承出於
西方而東行

五年正月庚子三日並照虹蜺彌天日有重暈左右兩珥占曰
白虹兵氣也三四五六日俱出並爭天下兵作丁巳亦如其數
又曰三日並出不過三旬諸侯爭為帝日重暈天下有立王暈
而珥天下有立侯故陳卓曰當有大慶天下其三分乎三月而
江東改年為建武劉聰李雄亦跨曹劉疆宇於是兵連累葉
元帝太興元年十一月乙卯日夜出高三丈中有赤青珥
四年二月癸亥日闔三月癸未日中有黑子辛亥帝親錄訊囚
徒

永昌元年十月辛卯日中有黑子時帝寵幸劉隗擅威福虧傷

君道王敦因之舉兵逼京都禍及忠賢

明帝太寧元年正月己卯日暈無光癸巳黃霧四塞占曰君道
失明陰陽昏臣有陰謀京房曰下專刑之應敦既陵上卒伏其
辜十一月景子白虹貫日史官不見桂陽太守華包以聞

咸帝咸和九年七月白虹貫日

咸康元年七月白虹貫日

二年七月白虹貫日自後庾氏專政由后族而貴蓋亦婦人擅
國之義故頻年白虹貫日

八年正月壬申日中有黑子景子乃滅夏帝崩

穆帝永和八年張重華在涼州日暴赤如火中有三足烏形見
分明五日乃止

十年十月庚辰日中有黑子大如雞卵

十一年三月戊申日中有黑子大如桃二枚時天子幼弱久不

康帝景

文獻通考卷二百一十四

五

何免

親國政

升平三年十月丙午日中有黑子大如雞卵少時而帝崩

海西公太和三年九月戊辰夜二虹見東方

四年四月戊辰日暈厚密白虹貫日中十月乙未日中有黑子

五年二月辛酉日中有黑子大如李

六年三月辛未白虹貫日日暈五重十一月桓温廢帝即簡文

咸安元年也

簡文咸安二年十一月丁丑日中有黑子

孝武寧康元年十一月己酉日中有黑子大如李

二年三月庚寅日中有黑子二枚大如鴨子十一月己巳日中

黑子大如雞卵時帝已長而康獻皇后以從嫂臨朝實傷君道

故日有瑕也

大元十三年二月庚子日中有黑子二大如李

十四年六月辛卯日中又有黑子大如李

二十年十一月辛卯日中又有黑子是時會稽王以母弟干政

安帝隆安元年十二月壬辰日有暈有背璫是後不親萬機會

稽王世子元顯專行威罰

四年十一月辛亥日中有黑子

元興元年二月甲子日暈白虹貫日中三月庚子白虹貫日未

幾桓玄剋京都王師敗績明年桓玄篡位

義熙元年五月庚午日有彩珥壬辰癸巳日光四散赤如流血

照地皆赤

六年五月景子日暈有璫時有盧循逼京都内外戒嚴七月循

走

七年七月五虹見東方占曰天子黜其後劉裕代晉

十年日在東井有白虹十餘丈在南千日災在秦分秦亡之象

恭帝元熙二年正月壬辰白氣貫日東西有直珥各一丈白氣貫之交匝

宋文帝元嘉四年十月辛卯日晝昏凡十日乃明

孝武大明七年十一月日始出四五丈色赤如血未沒四五丈亦如之至八年春凡三度謂之日死

齊高祖建元元年十二月未時日暈色黃無光至申乃散

二年閏月乙酉日黃無光

四年十一月丙子日黃色無光

武帝永明五年十一月丁亥日出五竿失色赤黃暈抱珥直背

永元元年十二月乙酉日中有黑子三枚

梁武帝太清元年十二月巳卯白虹貫日

三年正月庚申白虹貫日三重

元帝永聖元年十一月丙子有兩日俱見

陳文帝天嘉七年二月庚午日無光烏見占曰王者惡之其日庚午吳楚之分野四月甲子日有交暈白虹貫之是月癸酉帝崩

宣帝大建十年二月癸亥日上有背占曰其野失地有叛兵甲

子吳明徹兵敗於呂梁將卒沒于周明年淮南地盡入于周

後魏文成帝興安元年十一月巳卯日出赤如血

孝文帝太和二年正月辛亥日暈東西兩珥

四年正月癸丑日暈東西有背

八年正月戊寅有白氣貫日

宣武帝景明二年八月戊辰日赤無光中有黑氣

三年正月乙巳日有黑氣

延昌二年四月甲辰卯時暈匝西有一背黃南北有珥內赤外黃漸減十二月巳酉日暈北有一抱內赤外黃白兩傍有珥下

正始三年十月乙巳日赤無光

延昌元年十月甲戌至辛卯日初出及將沒赤白無光

孝明帝正元五年閏月乙酉日暈內赤外青南有珥下有抱兩

背內赤外青十二月丙申日暈南北有珥上有抱一背

孝昌三年五月戊戌辰時暈匝內赤外白兩珥

熙平元年三月丁丑日出無光至申時酉時

神龜三年十月己巳太史奏自八月以來黃埃掩日日出三丈

色如赭無光耀

孝莊帝永安二年十月己酉日從地下食出虧從西南角起

節閔帝普泰元年三月丁卯日月並赤赭色天地溷濁十一月

日暈再重

虧從西南角起

後周武帝天和元年二月庚午日闐光遂散日烏見十月辛卯

黑雲貫日

保定五年正月辛卯白虹貫日占曰為兵喪

建德二年二月辛亥白虹貫日占曰臣謀君不出三年又曰近

臣為亂後年衛王直舉兵反

六年十一月甲辰日晡時日中有黑子大如杯占曰君有過而

臣不諫人主惡之

宣帝大成元年正月丙午癸丑日皆有背占曰臣為逆有反叛

邊將去之又曰卿大夫欲為主其後隋公作霸尉遲回王謙司

馬消難等舉兵

大象元年二月癸未日將出入時其中並有烏色大如雞卵經

四日乃滅

隋文帝開皇九年正月己巳白虹夾日占曰白虹銜日臣有背

主又曰人主無德者亡是月滅陳

仁壽四年七月乙未日青無光八日乃復占曰主勢奪又曰日

無光有死王丁未上崩漢王諒反楊素討平之皆兵喪亡國死

王之應

煬帝大業十三年十一月辛酉日光四散如流血占曰賊入宮

主以急兵見伐又曰臣逆君明年三月宇文化及等弒帝諸王

及幸臣並被殺

唐太宗貞觀初突厥有五白並照

二十三年三月日赤無光李淳風曰日變色有軍急又曰其君

無德其臣亂國濮陽復曰日無光主病

咸亨元年二月壬子日赤無光癸丑四方濛濛日有濁氣色赤

如赭

上元二年三月丁未日赤如赭

永淳元年二月日赤如赭 文明元年二月辛巳日赤如赭

長安四年正月壬子日赤如赭 景龍三年二月庚申日色紫赤無光

開元十四年十二月巳未日赤如赭

二十九年三月丙午風霾日無光近晝昏也占為上刑急人不

樂生

天寶三載正月庚戌日暈五重占曰是謂氣光天下有兵

肅宗上元二月乙酉白虹貫日

大曆二年七月丙寅日傍有青赤氣長四丈餘壬申日上有赤

氣長三丈九月乙亥至于辛丑日傍有青赤氣

三年正月丁巳日有黃冠青赤珥辛丑亦如之凡氣長而立者

為直橫者為格立于 日上為冠直為有自立者格為戰鬪又

曰赤氣在日上君有佞臣黃為土功青赤為憂

貞元二年閏五月壬戌日有黑暈

六年正月甲子日赤如血

十年三月乙亥黃霧四塞日無光

元和二年十月壬午日傍有黑氣如人形跪手捧盤向盤中氣如人頭

四年閏三月日傍有物如日

五年四月辛未白虹貫日

十年正月辛卯日外有物如鳥

十一年正月己卯日紫赤無光

長慶元年六月己丑白虹貫日

三年二月庚戌白虹貫日

寶曆元年六月甲戌赤虹貫日九月甲申日赤無光

二年三月甲午日中黑氣如杯辛亥日中有黑子四月甲寅白虹貫日

大和二年二月癸亥日無光白霧晝昏十二月癸亥有黑稜與日鬪

五年二月辛丑白虹貫日

六年三月有黑稜與日如鬪庚戌日中有黑子四月乙丑黑氣磨日

七年正月庚戌白虹貫日

八年七月甲戌白虹貫日日有交暈十月壬寅白虹貫日東西際天上有背缺

九年二月辛卯日月赤如血壬辰亦如之

開成元年正月辛丑朔白虹貫日二月己丑亦如之

二年十一月辛巳日中有黑子大如雞卵日赤如赭晝昏至于癸未

五年正月己丑日暈白虹在東方如玉環貫珥三月丙辰日有

重暈有赤氣夾日十二月癸卯朔日有黑氣來觸
會昌元年十一月庚戌日中有黑子

四年正月戊申日無光二月己巳白虹貫日如玉環

大中十三年四月甲午日暗無光

咸通六年正月白虹貫日中有黑氣如雞卵

七年十二月癸酉白氣貫日日有重暈甲戌亦如之白氣兵象也

十四年二月癸卯白虹貫日

乾符元年日中有黑子

二年日中有若飛燕者

六年十一月丙辰朔有兩日並出而闔三日乃不見闔者離而復合也

廣明元年日暈如虹黃氣蔽日無光日不可以二虹百殃之本

也

中和三年三月丙午日有青黃暈四月丙辰亦如之丁巳戊午又如之

光啓三年十一月己亥下晡日上有黑氣

四年二月己丑日赤如血庚寅改元文德是日風日赤無光

景福元年五月日色散如黃金

光化三年冬日有虹蜺背璠彌旬日有赤氣自東北至于東南

天復元年十月日色散如黃金十一月又如之

三年二月丁丑日有赤氣自東北至于東南

天祐元年二月丙寅日中見北斗其占重十一月癸酉日中有

黃暈傍有青赤氣二

二年正月甲申日有黃白暈暈上有青赤背乙酉亦如之暈中

生白虹漸東長百餘丈二月己巳日有黃白暈如半環有蒼黑

黃暈

卷之三十一

十一

黃暈

雲夾日長各六尺餘既而雲變狀如人如馬乃消舊占者背者
叛皆之象日暈有虹者為大戰半暈者相有謀蒼黑祲祥也夾
日者賊臣制君之象變而如人者為叛臣如馬者為兵

三年正月辛未日有白黃暈上有青赤背二月癸巳日有黃白
暈如半環有青赤背庚戌日有黃白暈青赤背

後唐明宗天成元年十月己丑至于庚子日月赤而無光
二年二月乙酉日中有黑氣狀如雞卵

後晉高祖天福元年十二月己卯朔日有白虹二
三年三月壬子日有白虹二

後周世宗顯德三年十一月庚午白虹貫日

五代史司天考論曰五代亂世文字不完史官所記亦有
詳略其日月五星之變大者如是日有冠珥環暈纓紐負
抱戴履背氣十日之中常七八其繁不可勝書而背氣尤

多

顯德七年正月癸卯日既出其下復有一日相掩黑光摩盪久
之時太祖北征知星者苗訓指謂親吏楚昭輔曰天命也是日

周恭帝遜位

宋太祖皇帝開寶七年正月丙戌日中有黑子二

真宗景德元年十二月甲辰日有影如三日狀占在危宿幽州
之野時契丹請和

三年九月戊申日赤如赭占曰將相憂明年河陽節度同平章

事王顯卒

四年四月甲申日白無光

日輝氣

建隆元年訖開寶末凡冠氣七珥百抱氣七承氣六赤黃氣三
黃白氣三青氣二纓一暈一百五十六半暈四十五重暈五十

九重半暈七交暈一十八背氣二百三十一組氣七戟氣三
太平興國元年訖至道末凡冠氣一十八戴氣三抱氣一十三
珥七十七承氣三赤黃氣八商氣一青氣二暈五十九半暈二
十二重暈一十二交暈三背氣四十四組氣三戟氣一貞氣一
十五

咸平元年訖乾興末凡重輪二四彗一五色輝氣一冠氣二百
六十六珥四十一戴氣一百九十七抱氣五十七承氣一百八
十四直氣七十七光氣一黃氣九赤黃氣四紫氣五色黃交氣
二赤黃綠碧氣二青赤氣二十一黃白氣一黑氣二白氣五纓
三戟氣一組氣二背氣二百九十九暈一千二百三十一半暈
六百五十三重暈二十七交暈一十三

仁宗英宗兩朝日輝氣

天聖元年訖嘉祐末凡日黃耀有光一輝氣一十九龍鳳雲一

慶雲二五色雲八紫黃雲五赤黃雲一紫雲一黃雲二青黃紫
暈一暈八百五十五周暈二十六重暈一十六交暈五連環暈
一珥八百四十七冠氣一百四十戴氣二百五十六承氣一百
重承氣一抱氣一十八負氣一背氣一百七格氣二直氣五白
虹貫日四白氣如繩貫暈并日

治平元年訖四年凡五色雲八輝氣一暈一百二十八周暈三
重暈十二交暈二珥八十九貫氣一十一戴氣三十九承氣五
背氣二十三白虹貫日一白虹貫珥一

寶元元年十二月庚申日赤如朱踰二刻復

慶曆八年正月乙未日赤無光

神宗哲宗徽宗欽宗四朝日赤無光及有黑子

崇寧二年五月癸卯日淡赤無光至申乃復

宣和二年正月己未日蒙蒙無光

四年二月癸巳日蒙蒙無光

靖康元年閏十一月庚申日赤如火無光主其下君亡

熙寧十年二月辛卯日中有黑子如李主臣於君不掩惡令民見則有此變或王者惡之至乙巳散

元豐元年閏正月庚子日中有黑子如李至二月戊午凡十有九日散十二月丙午日中有黑子亦如李至丁巳凡十有二日散

二年二月甲寅日中有黑子如李至癸亥散

崇寧三年十月壬辰日中有黑子如棗大

政和二年四月辛卯日中有黑子乍二年三如栗大

八年十一月辛亥日中有黑子如李大

宣和二年五月己酉日中有黑子如棗大

三年十二月辛卯日中有黑子如李大主臣蔽主明

日輝日暈

治平四年訖元豐末凡日暈一千三百五十六周暈二百七十七重暈七十四交暈四十九連環暈一珥八百八十二冠氣四十二戴氣二百七十一承氣五十抱氣二背氣二百四十六直氣二戟氣一纓氣五璫氣一白虹貫日九貫珥三五色雲二十六自元豐八年三月五日訖元符三年正月十二日暈五百二十八周暈二百五十七重暈六十八交暈六十七五色氣暈三珥五百五十六冠氣六十一戴氣一百五十二承氣三十三背氣一百七十四直氣三戟氣四纓氣一格氣五白虹貫日一十六貫珥一五色雲五十二自元符三年正月訖靖康二年四月凡日暈九暈戴三半暈一暈珥背一半暈重背一暈纓一珥背三珥十三暈珥七冠氣七暈背四戴氣六承氣二抱氣四背氣一十七五色氣暈一直氣四環暈戴氣三戟氣一履氣二半暈

陸欽

履一半暈再重一五色雲二

高宗建炎三年春白虹貫日占近臣為亂或諸侯叛三月巳卯朔日中有黑子壬寅乃消伏占臣不掩君惡又臣有蔽主明者

三年五月庚子日生兩珥占主民壽考

四年二月辛亥白虹貫日於是金虜始退羣盜大起十一月癸

卯日生背氣

紹興元年正月壬戌日生背氣二月巳卯日中有黑子如李大三日而伏占臣蔽主明十二月丙辰日暈周匝

二年四月壬申日生戴氣占人君德至于天則有戴氣戴者德也推戴福祐之象次月之戊寅復然於是宗子伯琮始育於宮中丙申日生背氣占背叛乖逆邪謀不成於是孔彥舟叛降劉

豫三年二月乙卯日生戴氣丙申生抱氣占戴者推戴福祐之象

君德至於天則有之抱者抱扶向就之狀主鄰國臣屬來降亦有子孫之喜臣下忠誠以附其上

四年正月壬子日生承氣占臣承君也人主有喜二月趙鼎參知政事三月辛未日有抱氣色黃潤澤占天子有喜有和親來降者不戰而降軍罷六月壬辰日暈於井主秦分有憂

五年正月庚申日生戴氣占國有喜是歲建資善堂皇子建節

封公

六年十月壬戌日中有黑子如李大占臣蔽主明十一月丙戌日生兩珥

七年二月庚子日中有黑子如李大旬日乃消辛丑氛氣翳日

八年二月辛酉日中有黑子大如棗占君有過而臣不諫辛巳白虹貫日占諸侯有叛或歲中有喪次年皇后邢氏崩于五國

城十月乙亥日有黑子

二十一年四月壬申日生暈占臣專政又云邊兵動虜主死時秦檜在相位

二十七年二月壬寅白虹貫日六月壬寅日有直氣

三十一年四月戊辰日生暈周匝占邊兵動虜主死或多風其應在次年

孝宗乾道二年六月甲子日有戟氣長斜倚日傍占戈戟相傷之象七月己亥日有直氣

乾道元年六月丁未日生格氣占格鬪之象

二年二月庚辰日左生氣直氣一條

三年三月丁巳日下暈外生赤黃色承氣一條四月辛卯日生

赤黃暈周匝五月戊戌日赤暈周匝在畢占邊兵動甲辰日下暈外生青黃色承氣君臣相承有喜之象

淳熙八年三月丙申日暈周匝占丙申日暈臣不賢日在昴趙之君亡

十三年五月己卯日暈周匝庚辰日生黑子如棗大至甲申乃伏

十五年六月丙申日生背氣三月壬寅日半暈再重占國民菴息歲大和

光宗紹熙元年六月甲申日生暈周匝

二年二月壬寅日上生戴氣三月辛未日生暈周匝

四年癸未日生戴氣七月庚申日上暈外生背氣

四年二月癸亥日暈周匝占臣專政日躔奎宿其下有兵大人凶十一月辛未日生黑子占祭天不順茲為逆厥異日中有黑子黑子者陰也臣不掩君惡又曰臣有蔽主明者辛巳日暈外

背氣

象緯

文獻通考卷三百八十五

七

陸儵

五年四月乙卯日暈周匝丙午日上暈外生背氣

寧宗慶元元年正月丙辰白虹貫日占百殃之本眾亂之基有兵又曰近臣為亂於是侂冑用事時政以變兵禍始矣二月辛巳日有背氣四月己未日生格氣占格鬪之象

二年五月己丑日生背氣

六年八月乙未日內生黑子如棗大凡六日乃消伏十一月乙酉日又生黑子如棗大凡二十日乃伏時侂冑用事羣姦附和

蔽主明

嘉泰元年六月辛卯日暈周匝

二年十二月甲戌日生黑子如棗大至丙戌消伏

四年正月癸未日生黑子如棗大

開禧元年四月辛丑亦如之

嘉定六年四月己卯日生赤黃暈周匝躔在冑宿占后族盛日

暈冑宿則倉庫之官凶或穀不登

七年二月壬申日生赤黃暈外生青赤黃承氣後暈周匝占日

有承氣臣承君也

十一年二月丙辰白虹貫日

十七年六月辛卯日有背氣

文獻通考卷之二百八十四

象緯日變

文獻通考卷二百八十四

七

何免

宋 鄱陽 馬 端臨 貴與 著

明 蘄陽 馮 天馥 應房 校刊

月變 象緯考

中興天文志或曰日月猶水火也火外光水含景故月之光生於日之所照其魄生於日之不照也故當日則光盈照之全也自是而闕以日光之映其有不全乃至于晦愈相近而不之照故也嘗觀諸水日之所照每借以為光仰而映于屋梁一有掩焉則向之光于屋梁者不復見也月之借於日猶是故夫月之光也以日之光有照焉則月之食也亦其日之光有掩焉耳人之於月獨見其光與食豈知有借於日哉太史遷曰月食常也日食不臧也是以春秋書日之食不書月食月食固可無書也然嘗試以前說

推之於月之食以知日之行於地中其亦有食焉不然則日光之全月與相望其何食之有月食所關豈細哉夫日月者象君臣也咎繇稱元首明股肱良元首叢脞股肱惰股肱良惰之分關於君德月有光食顧不然乎於是月食而書亦可也湯誥曰萬方有罪罪在朕躬古之畏天戒者不以移於股肱嗚呼書月食其亦足以戒乎

又曰孟康曰星入月而星見於月中是為星食月月奄星而星滅不見是為月食星隋天文志曰月食五星歲以饑癸惑以亂填星以殺太白以強國戰辰以女亂孝宣本始四年七月甲辰星在翼月犯之地節元年正月戊午月食癸惑癸惑在角亢成帝建始四年十一月食填星陽朔元年七月月犯心此其證也

高祖七年月暈圍參畢七重占曰畢昴間天街也街北胡也

街南中國也昴為匈奴參為趙畢為邊兵是歲高皇帝自將兵擊匈奴至平城為冒頓單于所圍七日乃解

成帝建始元年八月戊午晨漏未盡三刻有兩月重見京房易傳曰婦貞厲月幾望君子征凶師古曰小畜上九爻辭也幾音筆依反言君弱而

婦彊為陰所乘則月並出晦而月見西方謂之朏朔而月見東方謂之仄隱孟康曰朏者月行疾在日前故早見又隱者行遲在日後當沒而更見師古曰隱音吐了反仄

隱則侯王其肅眊則侯王其舒劉向以為眊者疾也君舒緩則臣驕慢故日行遲而月行疾也仄隱者不進之意君肅急則臣

恐懼故日行疾而月行遲不敢迫近君也不舒不急以正失之者食朔日劉歆以為舒者侯王展意顯事臣下促急故月行疾

也肅者王侯縮胸不任事服虔曰胸音紐也臣下弛縱故月行遲也師古曰弛亦式爾反當春秋時侯王率多縮胸不

任事故食二日又隱者十八食晦日眊者一此其效也攷之漢

象緯月變 八文廣通考二百八十五
家食晦朧者三十六終亡二日及匿者歆說信矣此皆謂日月
亂行者也

哀帝時李尋上疏言月者衆陰之長銷息見伏百里為品

千里立表萬里連紀品同也言百里內度數同也千里則當立表度其景萬里則繼其本所起

紀其宿妃后大臣諸侯之象也朔晦正終始弦為繩墨望

度也成君德春夏南秋冬北間者月數以春夏與日道孟康曰房有四

星其間有三道春夏南行南頭第一星裏道也秋冬行北

北頭第一星裏道也與日同道者謂中央道也此三道者

日月五星過軒轅上后受氣軒轅南大入太微帝庭揚光

之所由也輝犯上將近臣列星皆失色厭厭如滅此為母后與政亂

朝陰陽俱傷兩不相便外臣不知朝事竊信天文即如此

近臣已不足伏矣屋大柱小可為寒心唯陛下親求賢士

無彊所惡以崇社稷尊強本朝

如雲月星不見丙夜乃解

中元元年十一月甲辰月中星齒往來出入

桓帝永壽三年十二月壬戌月食非其月

延熹八年正月辛巳月食非其月

獻帝興平二年十二月月在太微端門中重暈二珥兩白氣廣

入九寸貫月東西南北

魏文帝黃初四年十一月月暈北斗占曰有大喪赦天下七年

五月帝崩明年即位大赦天下

晉懷帝永嘉五年三月壬申景夜月食既丁夜又食既占曰月

食盡大人憂又曰其國貴人死

海西公大和四年閏月乙亥月暈軫復有白暈貫月北暈斗柄

三星占曰王者惡之六年桓温廢帝

安帝隆安五年三月甲子月生齒占曰月生齒天子有賊臣群

五雲

下自相殘桓温篡位之徵也

義熙九年十二月辛卯朔月猶見東方是謂之反慝則侯王其

肅是時劉裕輔政威刑自己反慝之應云

十一年十一月乙未月入輿鬼見而暈占曰主憂財寶出一曰

月暈有赦月奄犯五緯

梁武帝太清二年五月兩月相承如鈞見於西方占曰其國亂必見於亡國

簡文帝大寶元年正月丙寅月晝光見於東方占曰月晝光有隱謀國雄逃又云月晝明姦邪並作擅君之朝其後侯景篡弒西魏文帝大統十四年正月朔兩月並見

周武帝天和五年正月乙巳月在氏暈有白虹長丈所貫之而有兩珥連接規北斗第四星占曰兵大起大戰將軍死於野是冬齊師寇邊明年詔齊公憲率師禦之自龍門渡河攻拔其新

築五城兵大起大戰之應也

建德五年十月己未庚申月連暈規昴畢五車及參占曰兵起爭地又曰王自將兵天下大赦

宣政元年正月景子月食昴占曰有白衣之會又曰匈奴侵邊其月突厥寇幽州殺掠吏人五月帝北伐六月帝疾甚還京次雲陽而崩

隋煬帝大業九年正月二十七旦兩月並見

唐太宗貞觀初突厥有三月並出

高宗儀鳳二年正月甲子朔月見西方是謂朏朏則侯王其舒武后時月過望不虧者二

玄宗天寶三載正月庚戌月有紅氣如垂帶

肅宗至德元年建子月癸巳乙夜月掩昴而暈色白有氣自北貫之昴胡也白氣兵喪建辰月丙戌月有黃白冠連暈圍東井

五諸侯兩河及輿鬼東井京師分也

代宗大曆十年九月戊申月暈熒惑畢昴參東及五車暈中有黑氣乍合乍散十二月丙子月出東方上有白氣十餘道如疋練貫五車及畢觜觿參東井輿鬼柳軒轅中夜散去占曰女主凶白氣為兵喪五車主庫兵軒轅為後宮其宿則晉分及京師也

憲宗元和十一年巳未旦日巳出有虹貫月于營室

文宗開成四年閏正月甲申朔乙酉月在營室正偃魄質成早也占為臣下專恣之象

五年正月戊寅朔甲申月昏而中未弦而中早也占曰同上

昭宗景福二年十一月有白氣如環貫月穿北斗連太微

天復二年十二月甲辰夜月有三暈裏白中赤黃外綠

天祐三年二月丙申月暈熒惑

梁太祖開元四年十二月庚午月食

唐莊宗同光三年三月戊申月食九月甲辰月食

明宗天成三年十二月乙卯月食

四年六月癸丑月食既十二月庚戌月食既

晉高祖天福二年七月丙寅月食

五年十一月丁丑月食

出帝開運元年三月戊子月食九月乙酉月食昴

漢高祖天福十二年十二月乙未月食

宋太祖太宗真宗三朝月食

乾德六年十一月庚寅開寶二年十月戊子三年四月乙酉五

年八月壬寅七年八月庚寅驗天不食太平興國二年六月甲

辰既十一月壬寅三年十月丙寅雲陰不見五年八月乙卯既

九年正月丙寅雍熙二年七月戊午驗天不食四年五月丁丑

端拱二年三月丁酉當食既八度既驗天不食淳化元年三月
庚寅二年八月壬午既三年正月癸卯八月丙子雲陰不見五
年六月乙未食九分占云后妃臣下災明年孝章皇后崩十二
月癸巳既占曰大臣災明年春同知樞密院事劉昌言罷夏宰
相呂蒙正參知政事蘇易簡罷至道元年六月己丑雲陰不見
十二月丁亥二年十月辛亥咸平元年十月庚子二年九月乙
未三年二月壬戌八月庚申四年八月甲寅五年正月辛亥七
月戊申六年正月甲辰七月壬寅占寇夷有兵明年契丹大舉
寇邊景德元年十一月乙丑二年五月壬戌十月庚寅三年十
一月癸丑四年五月辛亥雲陰不見九月戊寅驗天不食大中
祥符元年九月癸酉二年九月丁卯驗天不食翌日上命辰也
三年閏二月甲子五年正月甲申陰翳不見七月庚辰十二月
丁丑八年十月辛卯九年四月己丑雲陰不見天禧元年四月

壬午十月庚辰三年二月壬寅四年八月癸巳日

月輝氣

建隆元年訖開寶末凡珥一十九輝氣六十三暈二十九重暈
一半暈一十四交暈二紐氣二
太平興國元年訖至道末凡冠氣一珥六輝氣五赤氣二抱氣
一暈八半暈二背氣一
咸平元年訖乾興末凡重輪三珥一百二十冠氣十一輝氣二
承氣八抱氣三戴氣九赤黃氣十七五色氣十一青赤二黃紅
氣一暈三百九十四五色重暈二十背氣一
天禧四年四月乙酉西南方兩月重見占大臣爭權有誅又曰
有大水其年秋宰相寇準以罪貶滑州河決京師大雨壞廬舍
仁宗英宗兩朝月食
天聖二年五月壬寅月當食不見四年五月戊午慶曆二年六

六 劉采

象緯月效
月丁亥食六分既而入濁不見 復五年四月庚子曉漏初食
九月戊戌食六分欲復入雲不見六年九月壬辰食三分皇祐
二年七月庚子四年十一月丙辰食未復而盡占曰后妃臣下
裁後二年貴妃張氏薨先是預詔日官以唐戊寅麟德大衍五
紀正元觀象宣明崇真曆及皇朝應天乾元儀天崇天曆筭此
月太陰食分及辰刻分野五年十月辛亥食至和二年九月庚
午食三年八月甲子食既占曰后宮宜崇德以致福嘉祐二年
二月壬戌食三分復八月戊午三年閏十二月辛巳食四年六
月戊寅食幾盡十二月乙亥食既占曰月陰類后妃大臣之位
食則脩刑及兵今食既宜卹刑以除咎若三日有雨雪則不占
來年二月赦天下太子少傅王舉正卒五年十二月己巳七年
十月己丑皆食八年十月癸未食既卯初七刻食甚已而入濁
不見治平元年四月庚辰食

月輝氣

天聖元年訖嘉祐末月凡揚光二光芒氣一紅光輝氣一五色
暈氣一暈二百五十七周暈三十三交暈四連環暈一珥七十
三冠氣五戴氣一十三承氣五背氣一白虹貫月一黃虹貫月

治平元年訖四年凡五色輝氣一五色暈氣一暈五十一珥一
十五冠氣一戴氣四背氣二

神宗哲宗徽宗欽宗四朝月食

治平四年二月甲午月食丑之四刻虧見西方在翼十有五度
至六刻食甚及八分疆至酉地入濁不見主飛虫多死北夷有
兵熙寧元年七月乙酉月食丑之五刻在危十度虧見東北方
食及二分半入濁不見食甚及復主齊分有喪大臣憂二年閏
十一月丁未月食亥之一刻虧見東方起東北至于之初刻食

甚及八分弱在井度中至三刻復主五穀不登三年五月乙巳
月當食雲陰雨不見四年五月己亥月食戌之一刻虧見東南
方出濁未圓六分在東井度中至五刻復主大臣黜或宮中宜
崇福十一月丙申月食卯之二刻虧見西方起東南至六刻食
甚及四分半弱在東井一度少至明刻入濁不見復占同上六
年三月戊午月食亥之一刻虧見東南六刻食甚及七分弱子
之四刻復九月乙卯月食丑之四刻虧見東北方至寅之一刻
食甚及六分涉已退未圓三分入濁不見復七年九月己酉月
食丑之一刻虧見正東方至六刻食既在婁二度弱至明刻不
見復九年正月壬申月食雲陰不見十年正月丙寅月食子之
三刻虧見東南方至七刻食甚及七分在張度中至丑三刻復
主后有憂周地貴人 死及大戰拔城七月癸亥月食雲陰不
見元豐元年正月庚申月食有雲障之至丑五刻見西南方正

東食及四分半寅初食既曉刻雲映不見復主糴貴周分貴人
死六月戊午月食戌之一刻雲間見正東方食及七分半至二
刻食既在虛度中至亥三刻半復主後宮憂大臣有咎齊分有
喪二年六月壬子月食雲陰不見三年十月甲戌月食既因雲
陰不允四年四月辛未月食既自戌之二刻出濁已食甚月體
東退生光一分正西九分在尾度中至六刻復主后妃災辛巳
食於昏出濁食及七分在畢度中至二刻復主有赦令邊臣有
咎趙分有兵胡人大疫五年十月癸亥月食自酉之二刻虧見
東北方至七刻食甚及三分在昴七度太弱戌之三刻復主邊
兵起或女主憂六年八月丁亥月食驗之不食七年二月乙酉
月食八月辛巳月食皆雲陰不見八年八月丙子月食戌之三
刻虧初至七刻食既子之一刻復元祐元年十二月戊戌月食
雲陰不見三年六月庚寅月蝕亥之五刻虧初至子六刻食既

象緯 月變 文獻通考卷三百十五
丑四刻復在斗度中吳分主吳兵起大臣有憂十二月丁亥月食雲陰不見四年五月甲申月食初雲陰不見至丑初刻食已九分在斗度中吳分至六刻復主大臣憂有小兵五年五月戊寅月食雲陰不辯虧蝕六年四月癸卯月蝕雲陰不辯虧蝕七年三月戊戌月蝕亥初一刻虧初至七刻食既子七刻復食甚在氐度中主大臣有憂十日內有風雨則解災八年九月己丑月食雲陰不見紹聖三年七月癸卯月蝕雲陰不辯虧蝕四年正月庚子月食雲陰不見初虧至酉七刻巳食三分戌一刻食及四分後復有雲障之主貴臣後宮有憂周分民饑五年五月壬戌月當食而不食元符二年五月丙辰月蝕子之三刻至丑二刻食既寅二刻復在箕度中主御者或掌樂人當黜又為風十月甲寅月食亥之四刻虧初至子四刻食既丑四刻復在參度中主兵官當黜三年十月戊申月食四分崇寧二年二月甲

子月食既主貴人當之八月辛酉月食既主西方兵起三年二月己未月食三分主貴人當之八月丙辰月食四分主西方兵起四年十二月戊寅月食七分 主王者宮室不安五年六月乙亥月食九分主旱十二月壬申月食既主有女喪大觀三年十月丙戌月食五分主有女喪四年四月甲申月食既九月庚辰月食既政和元年三月戊寅月食五分九月甲戌月食六分三年二月丁酉月食七分七月甲午月食八分主其下君憂或兵起四年正月辛卯月食既主賤人當之六年十一月乙巳月食七分七年十一月己亥月食八年五月丙申月食九分主旱宣和二年三月丙辰月食三分主人主當之六年正月癸亥月食六分主賤人當之十二月戊午月食既主有女喪
月輝月暈

治平四年訖元豐末凡月五色輝氣十一五色暈氣六暈四百

六十三周暈二百四十七交暈二珥一百三十四冠氣七戴氣
 五十承氣五背氣一十白虹貫月五貫珥一自元豐八年三月
 五日至元符三年正月十一日凡月五色暈氣九暈八十九周
 暈三百五十一重暈一交暈三珥一百三冠氣七戴氣二十七
 背氣八白虹貫月二貫珥一自元符三年正月訖靖康二年四
 月凡月暈珥二五色暈五珥二暈冠一交暈一白虹貫月一五
 色雲一凡日傍一珥軍喜二珥民壽三珥后喜四珥立侯王及
 子孫喜戴者推德抱者國降承者臣承君喜冠者封建暈珥為
 忿爭半暈纓得地直為自立交為大戰背為背叛戰為兵鬪貫
 刺君惡若在月則應后妃五色雲為慶雲太平之應見則國有
 慶

高宗孝宗光宗寧宗四朝月食

建炎三年二月壬午望食于軫

紹興元年八月己卯望當食陰雲蔽之

二年二月十四日丙子月體如食太史言是謂月未當闕而闕

七月十六日甲戌食之既在室

三年七月戊辰望食于危

四年十二月庚寅望食于井

五年十一月乙酉望食于井既

六年五月十四日辛巳食于南斗十一月己卯望

八年三月辛丑望九月丁酉望月皆食露雲不見

九年九月壬辰望食于胃既

十二年七月丙午望當食露雲蔽之

十三年六月庚子望食于虛既十二月戊戌望當食露雲蔽之

不見

十四年六月甲午望食于女

十五年五月己未望當食露雲不見

十六年四月甲寅望食于尾

二十一年二月丙辰望當食露雲蔽不見

二十五年五月壬戌望月食候之至酉以山色遮映不見虧分

二十七年九月丁丑望食史失宿次

三十年正月甲午望

隆興二年五月己亥望

乾道元年四月甲午望皆當食露雲不見

四年二月望食于宿

五年二月辛丑望

六年十一月丁酉望

八年六月壬子望

淳熙元年四月壬申望皆當食露雲不見

二年四月丙寅望食于房既九月癸亥望

三年三月庚申望

五年二月己卯望皆當食露雲不見

六年正月甲戌望食于翼既

八年十一月丁亥望食于井

九年十一月辛巳望食于井

十年五月己卯望食于箕

十二年三月戊戌望食于元九月乙未望

十三年三月壬辰望皆當食露雲不見八月丙寅食于奎既

十四年八月甲申望

十六年十二月辛丑望

紹興元年六月丁酉望十一月乙未望

二年六月壬辰望

三年四月乙巳望

五年九月癸卯望皆當食露雲不見

慶元二年八月壬戌望食于壁

三年七月巳未望食于翼既

四年七月庚戌望食于危

六年五月庚午望

嘉泰二年五月巳未望

三年三月癸未望

開禧元年三月壬申望閏八月巳巳望皆當食陰雲不見

三年正月壬辰望食于張七月戊子望食于危

嘉定元年二月丙戌望當食既雨不見十二月庚辰望食于星

二年六月丁丑望食于女

三年十一月巳亥望食于參

五年十月戊子望食于昂

七年二月庚戌望食于角八月丁未食于奎

八年八月辛丑望食于壁

九年二月巳亥望閏七月乙未望皆當食陰雲不見

十年十二月戊午望食于柳

十一年六月乙卯望食于牛十二月壬子食于井

十二年五月庚戌望當食既露雲不見十一月丙午望食于井

十三年五月甲辰望食露雲不見

十四年十月丙寅望食于胃

十五年三月癸卯望食于氏露雲不見

十六年三月丁巳望當食露雲不見

月輝月暈

建炎四年十月巳卯月生五色暈占人主有後宮喜次年張婕

袁祥月暈

狀通卷三百五

七

劉采

好吳才人進封

紹興二年二月丙子月未當闕而闕體如蝕色赤黃占大臣黜
又曰臣下不奉法侵奪主勢於是張浚專制于蜀始議召歸
四年六月壬午月暈而珥占期六十日兵起

五年正月戊午月暈于東井占有胡兵一曰夷狄求和

紹興四年十一月壬申月色無光

嘉泰三年七月壬午白虹如半暈穿貫月中占曰白虹貫月大
兵將起軍戰於野

容齋洪氏隨筆曰曆家論日月食自漢初以來始定日食
不在朔則在晦否則二日然甚少月食則有十四十五十
六之差蓋置望參錯也天體有二交道曰交初曰交中交
初者星家以爲羅睺交中者計都也隱暗不可見於是爲
入交法以求之然不過能求朔望耳若餘日入交則書所

不載由漢及唐二十八家暨本朝十一曆皆然姑以慶元
丁巳歲五次月食考之二月望爲入交中七月爲交初唯
十月二十日二十一日連兩夜乃以二更盡月食之既纔
兩刻復明十一月十八夜復如之按此三食皆是交中十
月二十夜月在張五度而計都在翼二度次夜月在張十
七度計都未動相距纔四度耳十一月十八夜月在星五
度計都在張十九度相距二十度十二月十七夜五更月
在星二度入交陽末卯初四刻交甚食六分半八刻退交
十八夜四更月在張六度入交中陰初至寅四刻交甚食
九分卯五刻退交其驗如此予竊又有疑焉太陰一月一
周天必兩值交道今年遂至八食一一如星官曆翁之說
仍不拘月望則玉川子之詩不勝作矣當更求其旨趣云
頃見太史局官劉孝榮言月本無光受日爲明望夜正與

日對故一輪光滿或月行有遲疾先後日光所不照處則為食朔旦之日日月同宮如月在日上掩太陽而過則日光為所遮故為日食非此二日則無薄食之理其說亦通又夷堅志紹興三十二年正月予被命接伴北使次盱眙天文官荆大聲隨行見向西邊大星去月三十許指示予曰此木星也或食月或為月所食少刻便可決予質其義曰月體自若而星居月上此為星食月月過之而星隱不見此為月食星既而仰視高空失星所在俄出於月東問其兆應如何唯唯不肯說至四月半予報聘復挾荆行荆出一書太抵皆星氣占驗其一曰月星相食當有易主事時已竊聞將有堯禪舜之舉矣予按景祐乾象新書引晉書月蝕歲星野有逐相又引天文總論曰主殺戮將相王侯之象或其分有兵喪其說淺矣五月十六日五更初過

臨淮境瞻月外有環暈五重附近者紫紅色白者次之青者又次之黃者又次之最外深紅各相去一丈分寸不差忒其圓如規馬上諦視起敬荆馳至傍附耳曰是為月重輪前史所紀多不過兩三重而今五數但太陰極盛恐非太陽之利耳將曉乃沒未一月而高宗異位乾道二年六月北極前星之左有小星大聲謂予向者不記有此星若本無而今有懼為東宮禍三年又指軒星之側客星曰非中宮福已而皆然八月中蒙宣對便殿孝宗聖意悲哽邁輒奏大聲之說以為上穹默定久矣乞少寬宸抱上固素諳星象慘然曰朕亦見之時大聲浮湛墨市遂遭逢今以春官大夫判太史局

文獻通考卷之二百八十六

宋鄱陽 馬 端臨 貴與 著
明蘄陽 馮 天馭 應房 校刊

李彗

春秋魯文公十四年秋七月有星孛入于北斗

孛星也既見而移入北斗非常

所有故左傳周內史叔服曰不出七年宋齊晉之君皆將死亂

後二年宋弒昭公五年齊弒懿公七年晉弒靈公

史服但言事徵而不論其占固非末學所得詳言

何彗星也狀如其言入于北斗何據大辰不言入北斗有中

也也中者何以書記異也者掃舊布新之象穀梁傳孛之為言猶第

也劉向曰北斗貴星人君之象也第昭公十七年冬有星孛于大辰

大辰房也左傳曰有星孛于大辰

西及漢夏之八月辰星見在大漢西今孛星出辰西申須曰彗

光芒東及大漢夏戶雅及下文同見賢通反

劉承

所以除舊布新也申須魯大夫卦似天事恒象天道恒以象今

除於火火出必布焉諸侯其有火災乎今火向伏故知當須火

反又梓慎曰往年吾見之是其徵也象而徵也火出而見前年

作蜀時見賢過友今茲火出而章必火入而伏隨火也其居火也久矣

歷二其與不然乎言必然也與火出於夏為三月謂昏於商為

四月於周為五月夏數得天正得天若火作其四國當之在宋衛

陳鄭乎宋大辰之虛也大辰大火陳太皞之虛也太皞居陳木

鄭祝融之虛也祝融高辛氏皆火房也房舍星孛及漢漢水祥

也天漢衛顛頊之虛也故為帝丘其城內有顛頊冢漢音卜

其星為大水衛星營室水火之牡也牡雄也其以丙子若壬

午作乎水火所以合也丙午火壬子水水火合而相薄水少而

若火入而伏必以壬午尚未知今李星當復隨火望不過其見

之月火在五月公羊傳其言如大辰何大辰非非常名在大辰也

大辰者何大火也謂大火大火為大辰伐為大辰伐謂冬伐也

示民時早晚天下所取北辰亦為大辰北辰極天之中也

者須是北辰以別心伐所在二十六年齊有彗星出齊之分野

故加亦在齊兩相須之意也齊侯使穰之晏子曰無益也祇取誣焉誣欺天道不諂不貳

其命也諂疑若之何穰之且天之有彗也以除穢也君無穢德又

何穢焉若德之穢穰之何損

哀公十三年冬十一月有星孛于東方平旦眾星皆沒而孛乃

公羊孛者何彗星也其言于東方何據北斗言見于旦也旦者

出時宿不復見故貞定王二年彗星見

先公曰史表稱彗見於秦愚按春秋終於魯哀公之十四

年而麟獲於魯左傳終於魯哀公之二十六年明年而彗

見於秦天人之理何其昭昭也秦人亡二周滅六國包舉

何免

宇內并吞八荒廢井田開阡陌掃除先王之典籍彗之為禍烈矣表彗見以為傳鑑補遺之首書

考王八年彗星見

赧王十年彗星見

十二年彗星見

十九年彗星見

秦始皇七年彗星先出東方見北方五月見西方十六日

九年彗星見或竟天四月彗星見西方又見北方從斗以南八

十日

十三年正月彗星見東方

三十三年明星出西方

徐廣曰皇甫謚云彗星也

漢天文志秦始皇之時十五年間彗星四見久者八十日

長或竟天後秦遂以兵兼六國外攘夷狄死人如麻

漢高帝三年七月有星孛于大角旬餘乃入劉向以為是時項

羽為楚王伯諸侯而漢已定三秦項羽相距滎陽天下歸心於

漢楚將滅故彗除王位也一曰羽阬秦卒燒宮室弑義帝亂王

位故彗加之也

文帝後七年九月有星孛于西方其本直尾箕末指虛危長丈

餘及天漢十六日不見劉向以為尾宋地今楚彭城也箕為燕

又為吳越齊宿在漢中負海之國水澤地也是時景帝新立信

用鼂錯將誅正諸侯王其象先見後三年七國反皆誅滅云

孝景二年彗星出西南其三年吳楚七國反

中三年三月丁酉彗星夜見西北色白長丈在觜觴且去益小

十五日不見占曰必有破國亂君伏死其辜觜觴梁也其年梁

王得罪

孝武建元三年二月有孛于汪張歷太微于紫宮至于天漢春

秋星孛于北斗齊魯晉之君皆將死亂今星孛歷五宿其後濟

東膠西江都王皆坐法削黜自殺淮南衡山反誅

三年四月有星孛于天紀至織女占曰織女有女變天紀為地

震至四年十月而地動其後陳皇后廢

六年六月有星孛于北方劉向以為明年淮南王安有邪謀而

陳皇后驕恣其後廢后王誅

八月長星出于東方長終天三十日去占曰是為蚩尤旗見則

王者征伐四方其後兵誅四夷連數十年

元狩四年四月長星又出西北是時伐胡尤甚

班固曰建元六年蚩尤之旗見其長竟天後遂命將出征

略取河南建置朔方其春戾太子生自是之後師行三十

年所誅屠夷滅死者不可勝數及巫蠱事起京師流血僵

尸數萬太子子父俱敗故太子生長於兵與之終始何獨

一彗臣哉 劉奉世曰按武紀建元六年長星見更元光

元封元年五月有星孛于東井又孛于三台其後江充作亂京

師紛然此明東井三台為秦地效也

元封中星孛于河戍占曰南戍為越門北戍為胡門其後漢兵

擊拔朝鮮以為樂浪玄菟郡朝鮮在海中越之象也居北方胡

之域也

太初中星孛于招搖星傳曰客星守招搖蠻夷有亂民死君其

後漢兵擊大宛斬其王招搖遠夷之分也

宣帝地節元年正月有星孛于西方去太白二丈所劉向以為

太白為大將彗孛加之掃滅象也明年大將軍霍光薨後二年

家夷滅

元帝初元五年彗星出西北赤黃色長八尺所後數日長丈餘

東北指在參分後二歲餘西卷反

成帝建始元年正月有星孛于營室青白色長六七丈廣尺餘
劉向谷永以為營室後宮懷妊之象彗星加之將有害懷妊絕
繼嗣者一曰後宮將受害也其後許皇后坐呪詛後宮懷妊者
廢趙皇后立妹為昭儀害兩皇太子遂無嗣趙后姊妹卒皆
伏辜

元延元年七月辛未有星孛于東井踐五諸侯孟康曰五諸侯出河
戌北率行軒轅太微後日六度有餘晨出東方十三日夕見西
方犯次妃長秋斗填蠡炎再貫紫宮中大火當後達天河除於
妃后之城南逝度犯大角攝提至天市而按節徐行昭慶曰炎
入市中旬而後西去五十六日與蒼龍俱伏谷永對曰上古以
來大亂之極所希有也察其馳騁驟步芒炎或長或短所歷奸
犯師古曰內為後宮女妾之害外為諸夏叛逆之禍劉向亦曰
三代之亡攝提易方秦項之滅星孛大角是歲趙昭儀害兩皇

太子後五年成帝崩昭儀自殺哀帝即位趙氏皆免官爵徙遼
西哀帝亡嗣平帝即位王莽用事迫廢成帝趙皇后哀帝傳皇
后皆自殺外家丁傅皆免官爵徙合浦歸故郡平帝無嗣莽遂
篡國

哀帝建平二年二月彗星出牽牛七十餘日傳曰彗所以除舊
布新也牽牛日月五星所從起曆數之元三正之始彗而出之
改更之象也其出久者為其事大也其六月甲子夏賀良等建
言當改元易號增漏刻詔書改建平二年為太初元年號曰陳
聖劉太平皇帝刻漏以百二十為度八月丁巳悉復蠲除之賀
良及黨與皆伏誅流放其後卒有王莽篡國之禍

王莽地皇三年十一月有星孛于張東南行五日不見孛星者
惡氣所生為亂兵或謂之彗星所以除穢而布新也張為周地
星孛于張東南行即軫翼之分軫翼為楚是周楚地將有兵亂

後一年正月光武起兵春陵破南陽更始為天子都雒陽西入長安光武與河北復都雒陽居周地除穢有新之象

光武建武十五年正月丁未彗星見昴昴長二丈韓揚占曰稍在昴大國起兵也稍

西北行入營室犯離宮韓揚占曰營室在昴大國起兵也三月乙未至東壁

滅見四十九日彗星為兵入除穢昂為邊兵彗星出之為有兵

至十一月定襄都尉陰承反太守隨誅之盧芳從匈奴入居高

柳至十六年十月降上璽綬一曰昴星為獄事是時大司徒歐

陽欵以事繫獄踰歲死營室天子之常宮離宮妃后之所居彗

星入營室犯離宮是除宮室也是時郭皇后已疏至十七年十

月遂廢為中山太后立陰貴人為皇后除宮之象

三十年閏月甲午水星在東井二十度生白氣東南指炎長五

尺為彗東北行至紫宮西藩止五月甲子不見凡見三十一日

水帝以夏至放於東井閏月在四月尚未當見而見是羸而進

也東井為水衡水出之為大水是歲五月及明年郡國大水壞

城郭傷禾稼殺人民白氣為喪有炎作彗所以除穢紫宮天

子之宮彗加其藩除宮之象荆州星經曰彗在東井國大人死

十日將當之後三年光武帝崩

孝明帝永平三年六月丁卯彗星出天船北長二尺所稍北行

至亢南百三十五日去天船為水彗出為大水是歲伊雒水溢

到津城門壞伊橋郡七縣三十二皆大水

八年六月長星出柳張三十七度犯軒轅刺天船陵太微氣至

上階凡見五十六日去柳周地是歲多雨水郡十四傷稼

十八年六月己未彗星出張長三尺轉在郎將南入太微皆屬

張張周地為東都太微天子廷彗星犯之為兵喪其八月帝崩

孝章建初元年八月庚寅彗星出天市長二尺所稍行入牽牛

三度積四十日稍滅十二月戊寅彗星出婁三度長八九尺稍

入紫宮中百六日滅為大人忌後四年明德皇后崩

孝安永初三年十二月彗星起天苑南東北指長六七尺色蒼
白天苑為外軍彗星出其南為外兵其後任尚馬賢等擊羗降

之

孝順永建六年彗星出於斗牽牛滅於虛危虛危為齊牽牛吳
越故海賊浮於會稽山賊捷於濟南

六年二月丁巳彗星見東方長六七尺色青白西南指營室及

墳墓星初萌占曰彗星出而中營室天丁丑彗星在奎一度長

六尺癸未昏見河圖曰彗星出貫奎庫兵悉出西北歷昂畢甲

申在東井遂歷輿鬼柳七星張光炎及三台至軒轅中滅注曰

五月庚寅太白晝見營室者天子常宮墳墓主死彗星起而

在營室墳墓不出五年天下有大喪後四年孝順帝崩昂為邊

兵又為趙羗周馬父子後遂為寇又劉文劫清河相謝暠欲立

王恭為天子暠不聽殺暠王閉門距文官兵捕暠文恭以惡人

所劫廢為尉氏侯又徙為犍陽都鄉侯薨國絕正東井輿鬼為

秦皆志所攻鈔炎及三台為三公是時太尉杜喬及故太尉李

固為梁冀所陷入坐文書死及至注張為周滅於軒轅中為後

宮其後懿獻皇后以憂死梁氏被誅是其應也

孝桓建和元年八月乙丑彗星芒長五尺見天市中東南指色

黃白九月戊辰不見時梁冀驕亂

延熹四年五月辛酉客星在營室稍順行生芒長五尺所至心

一度轉為彗占為大喪後四年鄧氏以憂死

孝靈光和元年八月彗星出亢北入天市中長數尺稍長至五

六丈赤色經歷十餘宿八十餘日乃消於天苑中彗除天市天

帝將徙帝將易都至初平元年獻帝遷都長安

三年冬彗星出狼弧東行至于張乃去張為周地彗星犯之為

兵亂後四年京都大發兵擊黃巾賊七月彗星出三台下東行入太微至太子幸臣二十餘日而消彗入太微天下易主至中平六年宮車晏駕

光和五年二月彗星出奔逆行入紫宮後三出六十餘日乃消占曰彗除紫宮天下易主

孝獻初平三年九月蚩尤旗見長十餘丈色白出角亢之南占曰蚩尤旗見則王征伐四方其後曹公征討天下且三十年

四年十月孛星出兩角間東北行入天市中而滅占曰彗除天市天帝將徙帝將易都是時上在長安後二年東遷明年七月至雒陽其八月曹公迎上都許

建安五年十月辛亥有星孛于大梁冀州分也時袁紹在冀州其年十一月紹軍爲曹軍所破七年夏紹死後曹公遂取冀州九年十一月有星孛于東井輿鬼入軒轅太微

十一年正月星孛于北斗首在斗中尾貫紫宮及北辰占曰彗星掃太微宮人主易位其後魏文帝受禪

十二年十月辛卯有星孛于鶉尾荆州分也時荆州牧劉表據荆州時益州從事周羣以荆州牧將死而失土明年秋表卒以小子琮自代曹公將伐荆州琮懼舉軍詣公降

十七年十二月有星孛于五諸侯周羣以爲西方專據土地者皆將失土是時益州牧劉璋據益州漢中太守張魯別據漢中韓遂據涼州宋建別據枹罕明年冬曹公遣偏將擊涼州十九年獲宋建韓遂逃於羌中病死其年秋璋失益州二十年秋公攻漢中魯降

二十三年三月孛星晨見東方二十餘日夕出西方犯歷五車東井五諸侯文昌軒轅后妃太微鋒炎指帝坐占曰除舊布新之象也

魏文帝黃初六年十月乙未有星孛于少微歷軒轅占為兵喪除舊布新之象時帝軍廣陵辛丑親御甲冑觀兵明年五月帝崩

明帝太和六年十一月景寅有星孛于翼近太微上將星占曰為兵喪甘氏曰孛所當之國是受其殃翼又楚分野孫權封略也明年權有遼東之敗又明年諸葛亮入秦川孫權發兵緣江淮屯要衝權自圍新城以應亮天子東征權

青龍四年十月甲申有星孛于大辰長三尺乙酉又孛于東方十一月己亥彗星見犯宦者天紀星占曰大辰為天王天下有喪劉向五紀論曰春秋星孛于東方不言宿者不加宿也宦者在天市為中外有兵天紀為地震孛彗主兵喪

景初二年八月彗星見張長三尺逆西行四十一日滅占同上張周分野

少帝正始元年十月乙酉彗星見西方在尾長二丈拂牽牛犯太白十一月甲子進犯羽林占曰尾為燕又為吳牛亦吳越之分太白為上將羽林為中軍兵為吳越有喪中軍兵動

二年五月吳遣三將寇邊吳太子登卒六月宣帝討諸葛恪於皖太尉滿寵薨

六年八月戊午彗星見七星長二尺色白進至張積二十三日滅

七年十一月癸亥又見軫長一尺積五十六日滅

九年三月又見昴長六尺色青白芒西南指七月又見翼長二尺進至軫積四十二日滅按占曰七星張為周分野翼軫為楚昴為趙魏彗所以除舊布新主兵喪也嘉平元年宣帝誅曹爽兄弟及其黨與皆夷三族京師嚴兵三年誅楚王彪又襲王凌於淮南淮南東楚也魏諸王幽于鄴

嘉平三年十一月癸亥有星孛于營室西行積九十日滅占曰
有兵喪室為後宮後宮有亂

四年二月丁酉彗星見西方在胃長五六丈色白芒南指貫參
積二十日滅

五年十一月彗星又見軫長五丈在太微左執法西南指積百
九十日滅按占曰胃兗州之分野參主兵太微天子庭執法為
執政字彗為兵喪除舊布新之象

正元元年二月李豐豐弟翼后父張緝等謀亂皆誅皇后亦廢
九月廢帝為齊王

高貴鄉公正元元年十一月白氣出南斗側廣數丈長竟天王
肅曰蚩尤之旗也東南其有亂乎二年正月有彗星見于吳楚
分西北竟天鎮東大將軍毋丘儉等據淮南叛景帝討平之按
占蚩尤旗見王者征伐四方自後又征淮南西平巴蜀是歲吳

主孫亮立五鳳元年斗牛吳越分按占吳有兵喪除舊布新之
象也太平三年孫綝盛兵圍宮廢亮為會稽王故國志又書於
吳也淮南江東同揚州地故于時變見吳楚楚之分則魏之淮
南多與吳同災是以毋丘儉等以孛為已應遂起兵而敗後三
年即魏甘露二年諸葛誕又反淮南吳遣將救之及城陷誕眾
與吳兵死沒各數萬人猶前長星之應也

甘露二年十一月彗星見角色白占曰彗星見兩角間色白者
軍起不戰邦有大喪景元元年高貴鄉公為成濟所害

元帝景元三年十一月壬寅彗星見亢色白長五寸轉北行積
四十五日滅占曰為兵喪一曰彗星見亢天子失德四年鍾會
鄧艾伐蜀剋之二將俱以反誅

咸熙二年五月彗星見王良長丈餘色白東南指積十二日滅
占曰王良天子御駟彗星掃之禪代除舊布新之象也白色為

喪王良在東壁宿又并州之分野八月文帝崩十二月武帝受

魏禪

晉武帝泰始四年正月景戌彗星見軫青白色西北行又轉東
行占曰為兵喪軫又楚分野三月皇太后王氏崩十月吳寇江
夏襄陽

五年九月星孛于紫宮占如上紫宮天子內宮十年武元楊皇
后崩

十年十二月有星孛于軫占曰天下有兵起軫又楚分野

咸寧二年六月甲戌星孛于氐占曰天子失德易政氐又兗州

分七月星孛大角大角為帝座八月星孛太微至翼北斗三台

占曰太微天子庭大人惡之一曰有改王翼又楚分野北斗主
殺罰三台為三公

三年正月星孛于西方三月星孛于胃胃徐州分四月星孛于

御女御為後宮五月又孛于東方七月星孛紫宮占曰七八下易

主

四年四月蚩尤旗見于東井後年傾三方伐吳是其應也

五年三月星孛于柳四月又孛于女御七月孛于紫宮占曰外

臣陵主柳又三河分野大角太微紫宮女御並為王者明年吳

亡是其應也孛主兵喪征吳之後三河徐兗之兵悉起交戰於

吳楚之地吳丞相都督以下梟戮十數偏裨行陣之徒馘首萬

計皆其徵也

太康二年八月有星孛于張占曰為兵喪十一月星孛于軒轅

占曰後宮當之

四年三月戊申星孛于西南是年齊王攸任城王陵琅邪王佃

新都王詠薨

八年九月星孛于南斗長數十丈十餘日滅占曰斗主爵祿國

有大憂又曰孛于斗王者疾病天下易政大亂兵起
太熙元年四月客星在紫宮占曰為兵喪太康末武帝耽宴遊
多疾病是月巳酉帝崩

永平元年賈后誅楊駿及其黨與皆夷三族楊太后亦見弑又
誅汝南王亮太保衛瓘楚王偉王室兵喪之應也

惠帝元康五年四月有星孛于奎至軒轅太微經三台大陵占
曰奎為魯又為庫兵軒轅為後宮太微天子庭三台為三司大
陵有積尸死喪之事其後武庫火西菴反後五年司空張華遇
禍賈后廢死魯公賈謐誅又明年趙王倫篡位於是三王興兵
討倫兵士戰死十餘萬人

永康元年十二月彗星出牽牛之西指天市占曰牛者七政始
彗出之改元易號之象也天市一名天府一名天子旗帝坐在
明年趙王倫篡位改元尋為大兵所滅

二年四月彗星見齊分占曰齊有兵喪時齊王罔起兵討趙王
倫倫滅罔明年復敗

太安元年四月彗星晝見二年三月彗見東方指三台占曰兵
喪象三台為三公三年正月東海王越執太尉長沙王又張方
又殺之

永興二年八月有星孛于昴畢占曰為兵喪昴畢又趙魏分野
十月丁丑有星孛于北斗占曰璇璣更授天子出走又曰疆國
發兵諸侯爭權是後諸王交兵皆有應明年惠帝崩

成帝咸和四年七月有星孛于西北犯斗二十三日滅占曰為
兵亂十二月郭默殺江州刺史劉胤荆州刺史陶侃討默斬之
時石勒又始僭號

咸康二年正月辛巳彗星夕見西方在奎占曰為兵喪奎又為
邊兵

三年正月石季龍僭天王位四年石季龍伐慕容皝不克既退
皝追擊之又破麻秋時皝稱蕃邊兵之應也

六年二月庚辰有星孛于太微

七年三月杜皇后崩

康帝建元元年十一月六日彗星見亢長七尺白色占曰亢為
朝廷主兵喪二年康帝崩

穆帝永和五年十一月乙卯彗星見于亢芒西向白色長一丈
六年正月丁丑彗星又見于亢占曰為兵喪疾疫其五年八月
褚哀北征兵敗十一月冉閔殺石遵又盡殺胡十餘萬人於是
中土復大亂十二月褚哀薨是年大疫

升平二年五月丁亥彗星出天船在胃占曰為兵喪除舊布新
出天船外夷侵一曰為大水四年五月天下大水五年穆帝崩
哀帝興寧元年八月有星孛于角亢入天市按占曰為兵喪二

年正月皇后王氏崩二月帝崩慕容恪攻沒洛陽沈勁等戰死
孝武寧康元年正月丁巳有星孛于女虛經氏亢角軫翼張至
二月景戌彗星見于氏九月丁丑有星孛于天市占曰為兵喪
大元元年七月符堅破涼州虜張天錫

十五年七月壬申有星孛于北河或經太微三台文昌入北斗
色白長十餘丈八月戊戌入紫微乃滅占曰北河或一名胡門
胡門有兵喪掃太微入紫微王者當之三台為三公文昌為將
相將相三公有災入北斗諸侯戮一曰掃北斗強國發兵諸侯
爭權大人憂二十一年帝崩隆安元年王恭殷仲堪桓玄等並
發兵請追王國寶朝廷從而殺之司馬道子由是失勢禍亂成
矣

安帝隆安四年二月己丑有星孛于奎長三丈上至閣道紫宮
西蕃入北斗魁至三台三月遂經于太微帝坐端門占曰彗星

掃天子庭閣道易主之象經三台入北斗占同上條十二月戊寅有星孛于貫索天市天津占曰貴臣獄死内外有兵喪天津為賊斷王道天下不動按占災在吳越五年二月有孫恩兵亂攻侵郡國於是内外戒嚴營陣屯守柵斷淮口九月桓玄表至逆謀陵上其後玄遂篡位亂京都大饑人相食百姓流亡皆其應也

義熙十一年五月甲申彗星二出天市掃帝坐在房心北房心宋之分野按占得彗柄者興除舊布新宋興之象

十四年五月庚子有星孛于北斗魁中七月癸亥彗星出太微西柄起上相星下芒漸長至十餘丈進掃北斗紫微中台占曰彗出太微社稷亡天下易王入北斗紫微帝宮空十四年劉裕還彭城受宋公十二月安帝崩

恭帝元年正月戊戌有星孛于太微西蕃占曰革命之徵其年

宋有天下

宋武帝永初三年二月丙戌有星孛于虛危

十一月戊午有星孛于營室

少帝景平元年正月乙卯有星孛于東壁十月己未有星孛于氏

文帝元嘉十九年九月景辰有客星在北斗因為彗入文昌貫五車掃畢拂天節經天苑季冬乃滅

二十六年十月癸卯彗星見于太微

二十八年四月乙卯彗星見于昴六月壬子彗星見太微中對帝坐次年元凶劭構逆帝崩

齊東昏侯永元三年正月乙巳長星見竟天二月壬戌蚩尤旗見

和帝中興元年三月乙巳彗星竟天

宋書

卷一百一十

十四

劉采

梁武帝中大通五年正月己酉長星見

大同五年十月辛丑彗出南斗長一尺餘東南指漸長一丈餘十一月乙卯至婁滅占曰天下有謀王者其八年正月安成民劉敬躬挾左道反黨與數萬九年李賁稱皇帝於交州陳文帝天嘉元年九月癸丑彗星長四尺見芒指西南占曰彗星見則敵國兵起得本者勝其年周將獨孤盛領眾趣巴湘侯瑱襲破之

六年六月辛酉有彗長丈餘見于上台占曰陰謀姦宄起一曰宮中火起其後帝崩安成王廢少帝而自立陰謀之應也

廢帝光大二年六月丁亥彗星見

宣帝大建七年四月景戌有星孛于大角占曰人主亡

十二年十二月辛巳彗星見西南占曰有兵喪明年帝崩始興

王叔陵作亂

後魏明元帝泰常元年五月甲申彗星二見

北齊武成帝河清四年三月彗星見占曰除舊布新易王至四

月傳位太子

後主天統元年六月壬戌彗星出文昌東北其大如手後移長乃至丈餘百日乃滅

四年彗星見于東井 七月孛星見房心白如粉絮大如斗東行八月入天市漸長四丈犯瓠瓜歷虛危入室犯離宮九月入奎至婁而滅孛者孛亂之氣占曰兵喪並起國大亂易政大臣誅其後太上皇崩至武平二年琅邪王儼矯詔誅尚書和士開既而殺儼

周武帝保定五年六月庚申彗星出三台入文昌犯上將後經紫宮西垣入危漸長一丈餘指室壁後百餘日稍短長二尺五寸虛危滅齊之分野

天和三年六月甲戌彗見東井長一丈上白下赤而光漸東行至七月癸卯在鬼北八寸所乃滅占曰為兵國政崩壞將軍死大臣誅

建德三年四月乙卯星孛于紫宮垣外大如拳赤白指五帝坐漸東南行稍長一丈五尺五月甲子至上台北滅占曰天下易政無德者亡後二年帝滅齊

隋文帝開皇八年十月甲子有星孛于牽牛占曰臣殺君天下合謀內不有大亂則外有大兵牛吳越之星陳之分野後年陳氏滅

十四年十一月癸未有彗星孛于虛危及奎婁齊魯之分野其後魯公虞慶則伏法齊公高穎除名

煬帝大業三年二月己丑彗星見于東井文昌歷大陵五車北河入太微掃帝坐前後百餘日而止三月辛亥長星見西方竟

天千歷奎婁角亢而沒至九月辛未轉見南方亦竟天又于角亢頻掃太微帝座干犯列宿唯不及參井經歲乃滅占曰去穢布新天所以去無道建有德見久者災深星大者事大行遲者期遠兵大起國大亂而亡餘殃為水旱饑饉土功疾疫其後築長城討吐渾及高麗兵戎連歲水旱疾疫土功相仍羣盜並起邑落空虛

四年彗星出五車掃文昌至房而滅

十一年六月有星孛于文昌東南長五六寸色黑而銳夜動搖西北行數日至文昌去宮四五寸不入却行而滅占曰為急兵其八月突厥圍帝於鴈門矢及帝前

十三年六月有星孛于太微五帝座色黃赤長三四尺所數日而滅占曰有亡國殺君明年三月宇文化及弒帝九月彗星見于營室

唐高祖武德九年二月壬午有星孛于胃昴間丁亥孛于卷舌

孛與彗皆非常惡氣所生而孛災甚於彗

太宗貞觀八年八月甲子有星孛于虛危歷玄枵乙亥不見

十三年三月乙丑有星孛于畢昴

十五年六月己酉有星孛于太微犯郎位七月甲戌不見

高宗龍朔三年八月癸卯有彗星于左攝提長二尺餘乙巳不見攝提建時節大臣象

乾封二年四月丙辰有彗星于東北在五車畢昴間乙亥不見上元二年十二月壬午有彗星于角亢南長五尺

三年七月丁亥有彗星于東井指河北長三尺餘東北行光芒益盛長三文掃中台指文昌九月乙酉不見東井京師分中台文昌將相位兩河天闕也

開耀元年九月丙申有彗星于天市中長五丈漸水東行至河

鼓癸丑不見市者貨食之所聚以衣食生民者一日帝將遷都河鼓將軍象

永淳二年三月丙午有彗星于五車北四月辛未不見

中宗光宅元年九月丁丑有星如半月見于西方月衆陰之長星如月者陰盛之極

文明元年七月辛未夕有彗星于西方長丈餘八月甲辰不見是謂天撓

景龍元年十月壬午有彗星于西方十一月甲寅不見

二年二月丁酉有星孛于胃昴間胡分也八月壬辰有星孛于紫宮

延和元年六月有彗星自軒轅入太微至大角滅

玄宗開元十八年六月甲子有彗星于五車 癸酉有星孛于畢昴

二十六日三月丙子有星孛于紫宮垣歷北斗魁旬餘因雲陰不見

肅宗乾元三年四月丁巳有彗星于東方在婁胃間色白長四尺東方疾行歷昴畢觜觿參東井輿鬼柳軒轅至右執法西凡五旬餘不見 閏月辛酉朔有彗星于西方長數丈至五月乃滅婁為魯胃昴畢為趙觜觿參為唐東井輿鬼為京師分柳其半為周分二彗乃見者荐禍也又婁胃間天倉

代宗大曆元年十二月巳亥有彗星于瓠瓜長尺餘經二旬不見犯宦者星

五年四月巳未有彗星于五車光芒蓬勃長三丈 五月巳卯彗星見于北方色白癸未東行近八穀中星六月癸卯近三公巳未不見占曰色白者太白所生也

七年十二月丙寅有長星于參下其長亘天長星彗屬參唐星

也

憲宗元和十年三月有長星于太微尾至軒轅

十二年正月戊子有彗星于畢

穆宗長慶元年正月巳未有星孛于翼 二月丁卯孛于太微西上將六月有彗星于昴長一丈凡十日不見

文宗太和二年七月甲辰有彗星于右攝提南長二尺

八年九月辛亥有彗星于太微長丈餘西北行越郎位庚申不見

開成二年二月丙午有彗星于危長七尺餘西指南斗戊申在危西南芒耀愈盛癸丑在虛辛酉長丈餘西行稍南指壬戌在婺女長二丈餘廣三尺癸亥愈長且闊三月甲子在南斗乙丑長五丈其末兩岐一指氏一掩房丙寅長六丈無岐北指在亢七度丁卯西北行東指巳巳長八丈餘在張癸未長三尺在軒

承業

轅右不見凡彗星辰出則西指夕出則東指乃常也未有遍指四方凌犯如此之甚者 八月丁酉有彗星于虛危虛危為玄枵枵耗名也

三年十月乙巳有彗星于軫魁長二丈餘漸長西指 十一月

乙卯有彗星于東方在尾箕東西亘天十二月壬辰不見

四年正月癸酉有彗星于羽林衛分也 閏月丙午有彗星于

卷舌西北二月己卯不見

五年二月庚申有彗星于營室東壁間二十日滅 十一月戊

寅有彗星于東方燕分也

武宗會昌元年七月有彗星于羽林營室東壁間也 十一月

壬寅有彗星于北落師門在營室入紫宮十二月辛卯不見并

州分也

宣宗大中六年三月有彗星于觜參參唐星也

十一年九月乙未彗星于房長三尺

懿宗咸通五年五月己亥夜漏未盡一刻有彗星出東北方色

黃白長三尺在婁徐州分也

九年正月有彗星于婁胃

十年八月有彗星于大陵東北指占為外夷兵及水災

僖宗乾符四年五月有彗星

光啓元年有彗星于積水積薪之間

二年五月丙戌有星孛于尾箕歷北斗攝提占曰貴臣誅

昭宗大順二年四月庚辰有彗星于三台東行入太微掃大角

天市長十丈餘五月甲戌不見宦者陳匡知星奏曰當有亂臣

入宮三台太乙三階也太微太角帝庭也天市都市也

景福元年五月蚩尤旗見初出有白彗形如髮長二尺許經數

日乃從中天下如匹布至地如蛇六月孫儒攻揚行密于宣州

有黑雲如山漸下墜于儒營上狀如破屋占曰營頭星也 十一月有星孛于斗牛占曰越有自立者 十二月丙子天攬出于西南巳卯化為雲而沒

二年三月天久陰至四月乙酉夜雲稍開有彗星于上台長十餘丈東行入太微掃大角入天市經三旬有七日益長至二十餘丈因雲陰不見

乾寧元年正月有星孛于鶉首秦分也

天祐二年四月甲辰有彗星見于北河貫文昌長三丈餘陵中台下台五月乙丑夜自軒轅左角及天市西垣光芒猛怒其長亘天丙寅雲陰至辛未少霽不見兩河為天闕在東井間而北河中國所經也文昌天之六司天市都市也

梁太祖乾化二年四月壬申彗出張甲戌彗出靈臺

後唐明宗天成三年十月庚午彗出西南長丈餘東南指在牛

宿五度至三夕不見

末帝清泰三年九月巳丑彗出虛危長尺餘形微細 經天壘哭星其年十一月帝遇難晉高祖登位

晉高祖天福六年九月壬子彗出西方掃天市垣長丈餘

八年十月庚戌彗見東方西指尾迹長一尺在角九度

周世宗顯德三年正月壬戌夜有星孛于參宿其芒指於東南宋太祖皇帝開寶八年六月甲子彗出柳長四丈晨見東方西南指歷輿鬼至東壁凡十一舍八十三日而滅是歲平江南

太宗端拱二年六月戊子有彗出東井積水西青白色光芒漸長晨見東北旬日夕見西北歷右攝提凡三十日至亢沒

真宗咸平元年正月甲申有彗出營室北光芒尺餘至丁酉凡十四日滅

六年十一月辛亥旄頭犯輿鬼占輿彗同 甲寅有星孛于井

鬼大如杯色青白光芒四尺餘犯五諸侯歷五車入參凡三十餘日沒占有燕兵明年冬契丹入寇

天禧二年六月辛亥彗出北斗魁第二星東北長三尺許與北斗第一星齊北行經天牢拂文昌長三丈餘歷紫微三台軒轅速行而西至七星凡三十七日沒

仁宗明道二年二月戊戌東北方有舍譽星見其色黃白有光芒長二尺許其後章獻明肅太后崩或以為彗

景祐二年八月壬戌夜有星孛于張翼長七尺闊五寸十二日而沒十二月己未夜有星出外屏有芒氣

皇祐元年二月丁卯彗出虛晨見東方西南指歷紫微至婁凡一百一十四日而沒占曰有兵喪

嘉祐元年七月彗出紫微歷七星其色白長丈餘至八月癸亥滅

治平三年三月己未彗出營室晨日九東方長七尺許西南指危洎墳墓漸東速行近日而伏至辛口夕見西北有星無芒彗益東行別有白氣一闊三尺許貫紫微極星并房宿首尾入濁益東行歷文昌北斗貫尾至壬午星晝夜有芒彗長丈餘闊三尺餘東北指歷五車白氣為岐橫天貫北河五諸侯軒轅太微五帝座內五諸侯及角亢氏房宿癸未彗長丈五尺有星孛氣如一升器歷營室至張凡一十四舍積六十七日星氣孛皆滅占曰白氣長星也孛氣孛也光如帚者彗也為兵喪水旱饑疫之災

神宗哲宗徽宗欽宗四朝彗孛

熙寧八年十月乙未星出東南軫度中如填青白丙申西北生光芒長三尺斜指軫若彗丁酉光芒長五尺戊戌長七尺斜指左轄至丁未入濁不見主兵喪

元豐三年七月癸未彗出西北太微垣郎位南白氣長一丈斜

指東南在軫度中丙戌向西北方行在翼度中戊子長三尺斜穿郎位癸卯犯軒轅至丁酉入濁不見庚子晨復出於張度中至戊午凡三十有六日沒不見主即位除舊布新兵喪火災又主京城有兵變

紹聖四年八月己酉彗出氐度中如填有光色白氣長三尺斜指天市垣巴星九月壬子光芒長五尺入天市垣己未犯天市宦者主侍臣有憂庚申犯天市垣帝坐戊辰沒不見主兵喪大水及赦又主五穀大貴侍臣有憂又主人民亂大臣憂

崇寧五年正月戊戌彗出西方如杯口大光芒散出如碎星長六丈闊三尺斜指東北自奎宿貫婁胃昂畢後入濁不見主兵喪大饑西北宜備之

大觀四年五月丁未彗出奎婁光芒長六尺北行入紫微垣至西北入濁不見主水旱穀傷兵饑人主惡之

靖康元年六月壬戌彗出紫微垣主天下兵變破軍亡國 閏

十一月彗竟天時金人入寇京城失守

高宗紹興元年九月偽齊長星見於是劉豫謀明年遷 十二
月戊寅彗星見

二年八月甲寅彗見胃占彗大則除舊布新兵饑疫癘水旱交興至九月甲戌乃沒次年金虜陷金州入興元

十五年四月戊寅彗出東方宿度內五十餘日乃沒占為兵饑臣下失忠務私彗掃除之丙申復出參度旬有五日乃伏是歲蒙國始建號改元 五月丁巳彗星因為客星其色青白占喪

十六年十二月戊戌彗出西南危宿

十七年正月乙亥彗出東北方女宿二月二日乃伏

二十六年七月丙午彗見東北方井宿內丁未其星如木星光芒長二丈占天所以去無道建有德彗出有叛者兵起大水晉

邦尤甚彗晨見東方又為君臣爭明 癸丑夜彗星犯五諸侯
占大臣憂執法之臣凶

孝宗淳熙二年七月辛丑夜西北泛出一小星在紫微垣外七
公星之上小如火星參然蓬孛體氣蒼白是為孛星占孛星惡
氣所生為亂兵孛德又云參然孛焉兵之類也無內亂則水兵
天下合謀闇蔽不明有所傷害災甚於彗

寧宗嘉定十五年八月甲午彗星出右攝提光芒約三丈已上
其體小如木星凡兩月行歷氏房心乃沒占彗本類星末類彗
大則除舊布新天所以去無道而建德彗出有叛者兵起其
國彗星昏見其國受兵於是其應金主昶九月壬戌彗星消伏

文獻通考卷之二百八十六

文獻通考卷之二百八十七

象緯考
宋鄱陽 馬 端臨 貴與 著
明蘄陽 馮 天馭 應房 校刊

月五星凌犯

秦始皇之時熒惑守心及天市芒角色赤如雞血始皇既死適
庶相殺二世即位殘骨肉戮將相

太白再經天因以張楚並興兵相踣籍籍音基登躡秦遂以亡

漢高帝三年秋太白出西方有光幾中幾中近乍北乍南過期

乃入辰星出四孟法當出四仲出四孟為易主之象是時項羽為楚王而漢已

定三秦與相距滎陽太白出西方有光幾中是秦地戰將勝而

漢國將興也辰星出四孟易王之表也後二年漢滅楚

十二年春熒惑守心心為天王也四月宮車晏駕

孝文帝後七年七月火東行行畢陽環畢東北出而西逆行至

昂即南乃東行占曰為喪死寇亂畢昂趙也其年帝崩
孝景二年填星在婁幾入還居奎奎魯也占曰其國得地為得
填星是歲魯為國

四年七月癸未火入東井行陰又以九月巳未入輿鬼戊寅出
占曰為誅伐又為火災後二年有栗氏事其後未央東闕災

中元三年填星當在觜觴參去居東井占曰亡地不迺有女憂
孝武建元六年熒惑守輿鬼占曰為火變有喪是歲高園火裁
竇太后崩

元鼎五年有太白入于天苑占曰將以馬起兵一曰馬將以軍
而死耗其後以天馬故誅大宛馬大死於軍 元鼎中熒惑守
南斗占曰熒惑所守為亂賊喪兵守之久其國絕祀南斗越分
也其後越相呂嘉殺其王及太后漢兵誅之滅其國

孝昭始元中漢宦者梁成恢及燕王候星者吳莫如見蓬星出

西方天市東門行過河鼓入營室中恢曰蓬星出六十日不出
三年下有亂臣戮死於市後太白出西方下行一舍復上行二
舍而下去太白山主兵上復下將有戮死者後太白出東方入咸
池東下入東井人臣不忠有謀上者後太白入太微西藩第一
星北出東藩第一星北東下去太微者天廷也太白行其中宮
門當閉大將被甲兵邪臣伏誅熒惑在婁逆行至奎法曰當有
兵後太白入昂莫如曰蓬星出西方當有大臣戮死者太白星
入東井太微庭出東門漢有死將後熒惑出東方守太白兵當
起主人不勝後流星下燕萬載宮極東去李奇曰極屋梁也三
棟也三輔間名棟為極尋棟東
去也延篤謂之堂前闌楯也法曰國恐有誅其後左將軍桀
驃騎將軍安與長公主燕刺王謀作亂咸伏其辜兵誅烏桓
孝宣本始元年四月壬戌甲夜辰星與參出西方其二年七月
辛亥夕辰星與翼出皆為蚤占曰大臣誅其後熒惑守房之鉤

鈴鈞鈴天子之御也晉灼曰上言房為天駟其陰右驂占曰不
太僕則奉車不黜即死也房心天子之宮也房為將相心為子
屬也其地宋今楚彭城也

四年七月甲辰辰星在翼月犯之占曰兵起上卿死將相也是
日熒惑入輿鬼天質占曰大臣有誅者名曰天賊在大人之側
地節元年正月戊午乙夜月食熒惑孟康曰凡星入月見月中
為星食月月奄星星減為
星月食熒惑在角亢占曰憂在宮中非賊而盜也有內亂讒臣在
傍其辛酉熒惑入氐中氐天子之宮熒惑入之有賊臣後四年
霍氏謀反坐誅

孝成建始四年七月熒惑踰歲星居其東北半寸所如連李時
歲星在關星西四尺所熒惑初從畢口大星東東北往數日至
往疾去遲占曰熒惑與歲星鬪有病君饑歲至河平元年三月
旱傷麥民食榆皮二年十二月壬申太皇太后避時昆明東觀

如淳曰食貨志武帝修昆明池列觀
環之或曰即病謝君男故避其時也十一月乙卯月食填星星
不見時在輿鬼西北八九尺所占曰月食填星流民千里河平
元年三月流民入函谷關

河平二年十月下旬填星在東井軒轅南端大星尺餘歲星在
其西北尺所熒惑在其西北二尺所皆從西方來填星貫輿鬼
先到歲星次熒惑亦貫輿鬼十一月上旬歲星熒惑西去填星
皆西北逆行占曰三星若合是謂驚位是謂絕行外內有兵與
喪改立王公其十一月丁巳夜郎王欽大逆不道牂牁太守立
捕殺欽三年九月東郡盜起左將軍千秋卒史丹為左將軍明
年梁王賀薨

陽朔元年七月壬子月犯心星占曰其國有憂若有大喪房心
為宋今楚地十一月楚王友薨

綏和二年春熒惑守心二月乙丑丞相翟方進欲塞災異自殺

三月丙戌宮車晏駕

哀帝元壽元年十一月歲星入大微逆行于右執法占曰大臣有憂執法者誅若有罪二年十月戊寅高安侯董賢免大司馬歸第自殺

李尋上疏曰臣聞五星者五行之精五帝司命應王者號

令為之節度歲星主歲事為統首號令所紀今失度而盛

此君指意欲有所為未得其節也又填星不避歲星者后

帝共政相婁於奎婁張晏曰歲星為帝當以義斷之熒惑

往來無常周歷兩宮作態低昂張晏曰兩宮入天門上明

堂貫尾亂宮孟康曰角兩星為天門房為明堂尾為後宮

之義太白發越犯庫張晏曰發越疾貌庫天兵寇之應也

貫黃龍入帝庭張晏曰黃龍也當門而出隨熒惑入天門至房

而分欲與熒惑為患不敢當明堂之精此陛下神靈故禍

亂不成也熒惑厥弛張晏曰厥弛動搖貌佞巧依執微言毀譽進類

蔽善師古曰進其黨太白出端門孟康曰端門臣有不臣

者火入室金上堂張晏曰熒惑入營室也孟康曰火入室

也房星不以時解其憂凶填歲相守又主內亂宜察蕭牆之

內毋忽親踈之微師古曰微誅放佞人防絕萌牙以盪滌

濁澌消散積惡師古曰澌毋使得成禍亂辰星主正四時

當效於四仲四時失序則辰星作異今出於歲首之孟天

所以譴告陛下也政急則出早政緩則出晚政絕不行則

伏不見而為彗莛師古曰莛四孟皆出為易王命四季皆

出為星家所諱今幸獨出寅孟之月蓋皇天所以篤右陛

下師古曰篤厚也宜深自改治國故不可以戚戚欲速

則不達經曰三載攷績三攷黜陟師古曰虞書舜典之辭

攷一行加以號令不順四時既往不咎來事之師也

王莽地皇四年秋太白在太微中燭地如月光太白為兵太微為天廷太白贏而北入太微是大兵將入天子廷也是時莽遣兵至昆陽為光武所破漢將鄧暉等進攻京師十月殺莽大兵蹈籍宮廷之中更始入長安復敗赤眉立劉盆子為天子皆以大兵入宮廷是其應也

光武建武六年九月丙戌月犯太微西藩 十一月辛亥月犯軒轅

七年九月庚子土入鬼中漢史鎮星逆行與鬼女主貴親有憂巫咸曰有土功事 是歲太白經太微

八年四月辛未月犯房第二星光芒不見 九年正月乙卯金犯婁南星 甲子月犯軒轅第二星壬寅犯

心大星 七月戊辰月並犯昴黃帝星占土犯鬼皇后有憂失亡其勢河圖月犯房 天子有憂四足之虫多死漢史曰國有憂

將軍死

九年七月乙丑金犯軒轅大星十一月金又犯軒轅孟康曰犯光芒相及也韋昭曰自下性觸之曰犯軒轅者後宮之官大星為皇后金犯之為

失勢時郭后已失勢見踈後廢為中山太后 十二年七月丁丑月犯昴頭兩星 八月辛酉冰見東方翼分

九月甲午火犯輿鬼 十三年二月乙卯火犯輿鬼西北黃帝占曰熒惑守輿鬼大人

憂一曰多火災石氏曰為旱 十六年四月土星逆行 十七年三月乙未火逆行從東門入太微到執法星東巳西南

出端門 十八年十二月壬戌月犯木星 十九年閏月戊申火逆從氏到亢

二十一年七月辛酉月入畢

二十二年三月癸未月食火星郝萌曰熒惑逆行氐為失火

三十一年七月戊午火在輿鬼一度入鬼中出尸星南半度十

月巳亥犯軒轅大星熒惑為凶衰其後二年光武崩

中元二年八月丁巳火犯太微西南角星相去二寸西南角星

為將相後太尉趙熹司徒李訢坐事免官

孝明永平元年閏九月辛未火在太微左執法星所光芒相及

十一月辛未土逆行乘東井北軒轅第二星

二年十二月戊辰月食火星

十年七月甲寅月犯歲星

十一年六月壬辰火犯土星

十三年閏月丁亥火犯輿鬼為大喪質星為大臣誅戮晉灼曰鬼五星

十五年十一月乙丑太白入月中為大將戮人主亡不出三年

後三年孝明帝崩

十六年正月丁丑歲星犯房右驂北第一星不見辛巳乃見石氏

星經曰歲星守房良馬出廐古今注曰正月丁未月犯房房右驂為貴臣歲星犯之為見誅

是後司徒邢穆坐與阜陵王延交通謀自殺四月癸未太

白犯畢畢為邊兵後北匈奴寇入雲中至咸陽使者高弘發三

郡兵追討無所得太僕祭彤坐不進下獄

孝章建初元年正月丁巳太白在昴西一尺 二月甲申金入

斗魁

孝和永元二年九月金犯軒轅占曰女主失勢其年竇氏被誅

太后失勢

五年正月甲戌月乘歲星 七月壬午歲星犯軒轅大星九月

金在南斗魁中為水石氏為大將將死火犯房北第一星為將

為水石氏為大將將死火犯房北第一星為將

相其六年正月司徒丁鴻薨 十二月車騎將軍鴻坐追虜失
利下獄死

六年六月丁亥金在東井

十三年正月辛未水乘輿鬼 十二月癸巳犯軒轅大星

十四年正月乙卯月犯軒轅在太微中二月丁酉水入太微西

門

十六年七月庚午水在輿鬼中輿鬼為死喪後一年帝崩

孝安永初元年五月戊寅熒惑逆行守心前星心為天子明堂

熒惑逆行守之為反臣時安帝未臨朝鄧太后攝政鄧騭及弟

等秉國司空周章意不平謀閉宮門誅騭等廢太后及帝事

曰殺

丁正月庚戌月犯心後星河圖曰亂臣在傍 巳亥太白入斗中月犯

後星不利子心為宋五月丁酉沛王牙薨太白入斗中為貴

相凶臣昭按楊厚對曰以為諸侯王子多在京師容有非常宜

貴相 六月癸酉太白入輿鬼為將凶後中郎將任尚坐賊棄市

元初元年三月癸酉熒惑入輿鬼

二年九月辛酉熒惑入輿鬼中

三年三月熒惑入輿鬼中 五月丙寅太白入畢口黃帝占曰

犯太微及左執法十五日遠期四十日又曰大臣當之亂國易王 七月甲寅歲星入輿鬼閏月巳未太白

四年正月丙戌歲星留輿鬼中石氏經曰歲星入留輿鬼五十

中半死黃帝經曰守鬼十日金錢散諸侯 四月壬戌太白入輿鬼

犯輿鬼大星九月辛巳太白入南斗口中黃帝經曰大人

五年三月丙申鎮星犯東井鉞星五月庚午辰星犯輿鬼質星

人憂 五月巳卯辰星犯歲星六月丙申熒惑入輿鬼中戊戌

病在女主 曰將戮死 巳巳辰星入輿鬼中蘇萌曰以罪誅

中 石氏占太白入輿鬼蘇萌曰五穀多傷民以饑死者無數 四月壬戌太白入輿鬼

人憂 曰大 五月巳卯辰星犯歲星六月丙申熒惑入輿鬼中戊戌

犯輿鬼大星九月辛巳太白入南斗口中黃帝經曰大人

五年三月丙申鎮星犯東井鉞星五月庚午辰星犯輿鬼質星

當之國易政

伍標

丙戌太白犯鉞星

六年四月癸丑太白入輿鬼郝萌曰太白守輿鬼疾在女主六月丙戌熒惑在

輿鬼中黃帝經曰熒惑犯守鬼國有大喪有女喪大將有死丁

卯鎮星在輿鬼中黃帝經曰鎮星入鬼中大人憂辛未太白犯左執

法自永初五年到永寧七年之中太白一晝見經天再入輿鬼

一守畢再犯左執法入南斗犯鉞星熒惑五入輿鬼鎮星一犯

東井鉞星一入輿鬼歲星辰星再入輿鬼凡五星入輿鬼中皆

為死喪熒惑太白甚犯越質星為誅戮斗為貴將執法為近臣

客星在虛危為喪為哭泣星占曰不一昂畢為邊兵又為獄事

至建光元年三月癸巳鄧太后崩五月庚辰太后兄車騎將軍

騰等七侯皆免官自殺是其應也

延光古今注曰元年四月二月辛未太白犯昂石氏星占曰太白守昂兵從門關入主人

九月壬寅鎮星

九月壬寅鎮星

九月壬寅鎮星

九月壬寅鎮星

九月壬寅鎮星

九月壬寅鎮星

九月壬寅鎮星

九月壬寅鎮星

九月壬寅鎮星

九月壬寅鎮星

九月壬寅鎮星

九月壬寅鎮星

九月壬寅鎮星

九月壬寅鎮星

九月壬寅鎮星

九月壬寅鎮星

九月壬寅鎮星

九月壬寅鎮星

九月壬寅鎮星

九月壬寅鎮星

犯左執法

四年太白入輿鬼中古今注曰四月甲辰入六月壬辰太白出太微九月

甲子太白入斗口中十一月客星見天帝熒惑出太微為亂臣

太白犯昂畢為近兵曰大人當之鎮星犯左執法有誅臣太

白入輿鬼中為太喪太白出太微為中宮有兵入斗口為貴將

相有誅時大將軍耿寶中常侍江京與阿母王聖等搆諸太子

保廢之以北鄉侯懿代四年三月帝崩立北鄉侯侯病薨京等

復不欲立保曰太后更徵諸王子擇所立中黃門孫程等共誅

江京閻顯立保為天子是為順帝皆姦人疆臣狂亂王室其於

死亡誅戮兵起宮中是其應也

孝順永建二年二月丁巳月犯心七月丁酉犯昂八月乙巳熒

惑入輿鬼

惑入輿鬼

惑入輿鬼

惑入輿鬼

惑入輿鬼

惑入輿鬼

惑入輿鬼

惑入輿鬼

三年二月癸未月犯心後星

五年夏熒惑守氏諸侯有斬者是冬班始腰斬馬市

六年四月熒惑入太微中犯左右執法西北方六寸所

永和二年八月庚子熒惑犯南斗斗為吳黃帝經曰不暮年國

多火災一日旱古今注曰明年五月吳郡太守行承事羊珍等

反又江賊蔡伯流等攻廣陵燒城郭殺都尉三年八月甲寅辰

星入輿鬼巳酉熒惑入太微辰入輿鬼為大臣有死者入太微

亂臣在廷中其四年祀南郊中常侍張達等與曹騰等爭權白

帝言騰等反矯詔收之騰等自解說帝悟達自知事不諧乃奔

走自刺又征西將軍馬賢擊西羌父子俱戰歿是其應也

四年七月熒惑入南斗犯第三星八月入太微斗為貴相為揚

州熒惑犯之為兵喪其六年大將軍梁商薨九江丹陽賊周生

等反攻沒郡縣

漢安二年五月丁亥辰星犯輿鬼占為大喪六月乙丑熒惑光

芒犯鎮星占為大人忌明年八月孝順帝崩又明年冲帝崩

孝質本初元年三月癸丑熒惑入輿鬼四月辛巳太白入輿鬼

皆為大喪五月庚戌太白犯熒惑為逆謀閏月一日帝為梁冀

所鴆崩

孝桓建和元年八月壬寅熒惑犯輿鬼質星

二年二月辛卯熒惑行在輿鬼中

三年五月巳丑太白行入太微右掖門留十五日日出端門丙申

熒惑入東井八月巳亥鎮星犯輿鬼中南星乙丑彗星芒長五

尺見天市中東南指色黃白九月戊辰不見熒惑犯輿鬼為死

喪質星為戮臣入太微為亂臣鎮星犯輿鬼為喪彗星見天市

中為質貴人至和平元年十二月甲寅梁太后崩梁冀益驕亂

矣

永壽元年三月丙申鎮星逆行入太微中七十四日去左掖門
七月己未辰星入太微中八十日去左掖門八月己巳熒惑入
太微二十一日出端門太微天子廷也鎮星為貴臣妃后逆行
為匿謀辰星入太微為大水一日後宮有憂是歲雒水溢至津
門南陽大水熒惑留入太微中又為亂臣是時梁氏專政九月
癸巳熒惑犯歲星為姦臣謀大將戮

二年六月甲寅辰星入太微遂伏不見辰星為水為兵為妃后
八月戊午太白犯軒轅大星為皇后其三年四月戊寅熒惑入
東井口中為大臣有誅者其七月丁丑太白犯心前星為大臣
後二年四月懿獻皇后以憂死大將梁冀使太倉令秦宮刺殺
議郎邴尊又欲殺鄧后母宣事覺桓帝收冀及妻壽襄城君印
綬皆自殺誅諸梁及孫氏宗族或徙邊是其應也
延禧四年三月甲寅熒惑犯輿鬼質星其占大臣有戮死者五

年南郡太守李肅坐罪棄市

七年七月戊辰辰星犯歲星八月庚戌熒惑犯輿鬼質星庚申
歲星犯軒轅大星十月丙辰太白犯房北星丁卯辰星犯太白
十二月乙丑熒惑犯軒轅第二星辰星犯歲星為兵熒惑犯質
星有戮臣歲星犯軒轅為女主憂太白犯房北星為后宮其八
年二月太僕南鄉侯左勝以罪賜死勝弟中常侍上蔡侯宦北
鄉侯黨皆自殺癸亥皇后鄧氏坐執左道廢遷于祠宮死親黨
皆繫暴室又荊州刺史芝等坐為賊所拘略桂陽太守任胤昔
敵走皆棄市是其應也

八年五月癸酉太白犯輿鬼質星壬午熒惑入太微右執法閏
月己未太白犯心前星十月癸酉歲星犯左執法十一月戊午
歲星入太微犯左執法九年正月壬辰歲星入太微中五十八
日出端門六月壬戌太白行入輿鬼七月乙未熒惑行輿鬼中

犯質星九月辛亥熒惑入太微西門積五十八日
永康元年正月庚寅熒惑逆行入太微東門留太微中百一日
出端門七月丙戌太白晝見經天太白犯心前星太白犯輿鬼
質星有戮臣熒惑入太微為賊臣太白犯心前星為兵喪歲星
入太微犯左執法將相有誅者歲星入守太微五十日占為人
憂太白熒惑入輿鬼皆為死喪又犯質星為戮臣熒惑留太微
中百一日占為人主太白晝見經天為兵憂在大人其九年十
一月太原太守劉瓚南陽太守成瑨皆坐殺無辜荊州刺史季
隗為賊所拘尚書郎孟璫坐受金漏言皆棄市永康元年十二
月丁丑桓帝崩太傅陳蕃大將軍竇武尚書令尹勳黃門令山
水等皆枉死太白犯心熒惑留守太微之應也
孝靈建寧元年六月太白在西方入太微犯西蕃南頭星太微
天廷也太白行其中宮門當閉大將被甲兵大臣伏誅其八月

陳蕃竇武等被害

熹平元年十月熒惑入南斗中占曰熒惑所守為兵亂斗為吳
其十一月會稽許昭等聚眾自稱大將軍攻破郡縣
五年四月熒惑在太微中守屏占為亂臣是時中常侍趙忠張
讓等並為姦亂

光和三年四月熒惑逆行守心後星十月戊午月食心後星占
曰為大喪後三年帝崩

中平六年八月丙寅太白犯心前星戊辰犯心中大星其日未
寘四刻大將軍何進於省中為諸黃門所殺己巳車騎將軍何
苗為進部曲將吳匡所殺

魏文帝黃初四年三月癸卯月犯心大星占曰心為天王位王
者惡之十二月丙子月犯心大星占同上

五年歲星入太微逆行積百四十九日乃出占曰五星入太微

從右入三十日巳上人主有大憂一曰有赦至七年五月帝崩
明年帝即位赦天下六年五月壬戌熒惑入太微至壬申與歲
星相及俱犯右執法至癸酉乃出占曰從右入三十日巳上人
主有大憂又日月五星犯左右執法大臣有憂一曰執法者誅
金火尤甚十一月皇子東武陽王鑿薨七年正月驃騎將軍曹
洪免為庶人四月征南大將軍夏侯尚薨五月帝崩蜀記稱明
帝問黃權曰天下鼎立何地為正對曰當驗天文往者熒惑守
心而文帝崩吳蜀無事此其徵也按三國史並無熒惑守心之
文疑是入太微八月吳遂圍江夏寇襄陽大將軍宣帝救襄陽
斬吳將張霸等兵喪更王之應也
明帝太和五年五月熒惑犯房占曰房四星股肱臣將相位也
月五星犯之將相有憂其七月車騎將軍張郃追諸葛亮為亮
所殺十二月太尉華歆薨十一月乙酉月犯軒轅大星占曰女

主憂十二月甲辰月犯鎮星凡月蝕五星其國皆亡五星入月
其野有逐相

六年三月乙亥月犯軒轅大星

青龍二年十月乙丑月犯鎮星戊寅月犯太白占曰人君死又
為兵景初元年公孫淵叛討之三年正月帝崩

三年三月辛卯月犯輿鬼輿鬼主斬殺占曰人多病國有憂又
曰大臣憂是年夏及冬大疫四年五月司徒董昭薨七月巳巳
月犯樞閉占曰有火災三年七月崇華殿災

三年六月丁未填星犯井鉞戊戌太白又犯之占曰九月五星
犯井鉞悉為兵災一曰斧鉞用大臣誅七月填星犯東井距星
占曰大人憂大水五穀不成景初元年夏大水傷稼十月月犯
熒惑占曰貴人死二年四月司徒韓暨薨

四年五月太白犯畢左股第一星占曰畢為邊兵又主刑罰九

月涼州塞外胡阿畢師使侵犯諸國西域校尉張就討之斬首捕虜萬計七月甲寅太白犯軒轅大星占曰女主憂其後皇后

毛氏崩

景初二年二月己丑月犯心距星又犯中央大星五月乙亥月又犯心距星及中央大星占曰王者惡之犯前星太子有憂三年正月帝崩太子立卒見廢其年十月甲午月犯箕占曰將軍死正始元年車騎將軍黃權薨

少帝正始元年四月戊午月犯昴東頭第一星十月庚寅月又犯昴北第四星占曰月犯昴胡不安二年六月鮮卑阿妙兒等寇西方敦煌太守王延破之斬二萬餘級三年又斬鮮卑大帥及千餘級二年九月癸酉月犯輿鬼西北二星三月二月丁未又犯西南星占曰有錢令一曰大臣憂三年三月太尉滿寵薨四年正月帝加元服賜羣臣錢各有差

四年十一月月再犯井鉞是月宣帝討諸葛恪恪棄城走五年三月曹爽征蜀五年十一月癸巳填星犯亢距星占曰諸侯有失國者

七年七月丁丑月犯左角占曰天下有兵左將軍死七月乙亥熒惑犯畢距星占曰有邊兵一曰刑罰用

九年正月辛亥月犯亢南星占曰兵起一曰將軍死七月癸丑填星犯鍵閉占曰王者不宜出宮下殿嘉平元年天子謁陵宣帝奏誅曹爽等天子野宿於是失勢

嘉平元年正月甲子太白襲月六月太白犯井距星占曰國失政大臣為亂四月太白犯輿鬼占曰大臣誅一曰兵起其年宣帝奏廢誅曹爽

二年三月己未太白又犯井距星三年七月王凌與楚王彪有謀皆伏誅人主遂卑吳孫權赤烏十三年夏五月日北至熒惑

逆行入南斗秋七月犯魁第三星而東漢晉春秋云逆行按占
熒惑入南斗三月吳王死一曰熒惑逆行其地有死君太和二
年權薨是其應也故國志書於吳是時王凌謀立楚王彪謂斗
中有星當有暴貴者以問知星人浩詳詳疑有故欲悅其意不
言吳有死喪而言淮南楚分吳楚同占當有王者興故凌計遂
定三年四月戊寅月犯東井五月甲寅月犯亢距星占曰軍將
死一曰為兵是月王凌楚王彪等誅七月皇后甄氏崩四年三
月吳將為寇鎮東將軍諸葛誕破走之其年七月己巳月犯輿
鬼九月乙巳又犯之十月癸未熒惑犯亢南星占曰臣有亂四
年十一月丁未月犯鬼積尸五年六月戊午太白犯角占曰羣
臣有謀不成庚辰月犯箕星占曰軍將死七月月犯星井鉞景
午月又犯鬼西北星占曰國有憂十一月癸酉月犯東井距星
占曰將軍死正元元年正月鎮東將軍毋丘儉揚州刺史文欽

反兵俱敗誅死二月李豐及弟翼后父張緝等謀亂事泄悉誅
皇后張氏廢九月帝廢為齊王蜀將姜維攻隴西車騎將軍郭
淮討破之

高貴鄉公正元二年二月戊午熒惑犯東井北轅西頭第一星
甘露元年七月乙卯熒惑犯東井越星壬戌月又犯鉞星八月
辛亥月犯箕吳廢孫亮太平元年九月壬辰太白犯南斗吳志
所書也占曰太白犯斗國有兵大臣有反者其明年諸葛誕反
又明年孫綝廢亮吳魏並有兵事也甘露元年九月丁巳月犯
東井二年六月己酉月犯心中中央大星八月壬子歲星犯井鉞
九月庚寅歲星逆行乘井鉞十月甲寅太白犯亢距星占曰逆
臣為亂人君憂景元元年五月有成濟之變諸葛誕誅皆其應
也

二年三月庚子太白犯東井占曰國失政大臣為亂是夜歲星

又犯東井占曰兵起至景元元年高貴鄉公敗
三年八月壬辰歲星犯輿鬼鎮星占曰斧鑕用大臣誅四年四
月甲申歲星又犯輿鬼東南星占曰鬼東南星主兵木入鬼大
臣誅景元元年殺尚書王經
元帝景元元年二月月犯建星按占月五星犯建星大臣相譖
其後鍾會鄧艾破蜀會譖艾
二年四月熒惑入太微犯右執法占曰人主有大憂一云大臣
憂
四年十月歲星守房占曰將相有憂一云有大赦明年鄧艾鍾
會皆夷滅赦蜀主五年帝遜位

文獻通考卷之二百八十七

文獻通考卷之二百八十八

宋鄱陽 馬 端臨 貴與 著
明蘄陽 馮 天馭 應房 校刊

月五星凌犯

晉武帝咸寧四年九月太白當見不見占曰是謂失舍不有破
軍必有亡國是時羊祜表求伐吳上許之五年十一月兵出太
白始夕見西方太康元年平吳

太康八年三月熒惑守心占曰王者惡之太熙元年四月乙酉
帝崩

惠帝元康三年四月熒惑守太微六十日占曰諸侯三公謀其
上必有斬臣一曰天下亡國是春太白守畢至是百餘日占曰
有急令之憂一曰相死又為邊境不安後賈后陷殺太子
六年十月乙未太白晝見

九年六月熒惑守心占曰王者惡之八月熒惑入羽林占曰禁
兵大起其後帝見廢為太上皇俄而三王起兵討趙王倫倫悉
遣中軍兵相距累月

永康元年三月中台星拆太白晝見占曰台星失常三公憂太
白晝見為不臣是月賈后殺太子趙王倫尋廢殺后斬司空張
華其五月熒惑入南斗占曰宰相死兵大起斗又吳分野是時
趙王倫為相明年篡位三王興師誅之太安二年石冰破揚州
其八月熒惑入箕占曰人主失位兵起明年趙王倫篡位改元
二年二月太白出西方逆行入東井占曰國失政大臣為亂是
時齊王罔起兵討趙王倫倫滅罔擁兵不朝專權淫奢明年誅
死

永寧元年七月歲星守虛危占曰有兵憂虛危齊分一曰守虛
饑守危徭役繁多下屈竭辰星入太微占曰為內亂羣臣相殺

太白守右掖門占曰為兵為亂為賊八月戊午填星犯左執法
又犯上相占曰上相憂熒惑守昴占曰趙魏有災辰星守輿鬼
占曰秦有災九月丁未月犯左角占曰人主憂一曰左衛將軍
死天下有兵

太安二年二月太白入昴七月熒惑入東井是秋太白守太微
占曰天下擾兵大起國亂上將以兵亡是年冬成都河間攻洛
陽八月長沙王奉帝出距二王二年正月東海王越執長沙王
義張方又殺之十一月庚辰歲星入月中占曰國有逐相十二
月壬寅太白犯月占曰天下有兵

三年正月月犯太白熒陽入南斗占同七月左衛將軍陳曠率
眾奉帝伐成都王六軍敗績兵逼乘輿時天下盜賊羣起張昌
尤盛

永興元年七月庚申太白犯角亢經房心歷尾箕九月入南斗

占曰犯角天下大戰犯亢有大兵人君憂入房心為兵喪犯尾箕女主憂一曰天下大亂入南斗有兵喪一曰將軍為亂其所犯守又充豫幽冀揚州之分野是年七月有蕩陰之役九月王浚殺幽州刺史和演攻鄴鄴潰於是充豫為天兵衝陳敏又亂楊土劉元海石勒李雄等並起微賤跨有州郡皇后羊氏數被幽廢皆其應也

二年四月景子太白犯狼星占曰大兵起九月歲星守東井占曰有兵井又秦分野是年苟晞破公師蕃張方破范陽王虢關西諸將攻河間王顥奔走東海王迎殺之

光熙元年四月太白失行自翼入尾箕占曰太白失行而北是謂反生不有破軍必有屠城五月汲桑攻鄴魏郡太守馮嵩出戰大敗桑遂害東燕王騰殺萬餘人焚燒魏時宮室皆盡其九月丁未熒惑守心占曰王者惡之己亥填星守房心占曰填守

房多禍喪守心國內亂天下赦是時司馬越專權終以無禮破滅內亂之應也十一月帝崩懷帝即位大赦天下

懷帝永嘉二年正月庚午太白伏不見二月庚子始晨見東方是謂當見不見占同上條其後破軍殺將不可勝數帝崩虜庭中夏淪覆

三年正月庚子熒惑犯紫微占曰當有野死之王又為火燒宮是時太史令高堂冲奏乘輿宜遷幸不然必無洛陽五年六月劉曜王彌入京都焚燒宮廟執帝歸平陽

三年填星久守南斗占曰填星所居久者其國有福是時安東將軍琅邪王始有揚土其年十一月地動陳卓以為是地動之應也五年十月熒惑守心

六年六月丁卯太白犯太微占曰兵入天子庭王者惡之七月帝崩于寇庭天下行服大臨

元帝太興元年七月太白犯南斗占曰吳越有兵大人憂二年二月甲申熒惑犯東井占曰兵起貴臣相戮八月己卯太白犯軒轅大星占曰後宮憂三年五月戊子太白入太微又犯上將星占曰天子自將上將誅九月太白犯南斗十月己亥熒惑在東井居五諸侯南踟躕留積三十日占曰熒惑守井二十日以大人憂守五諸侯諸侯有誅者永昌元年三月王敦反攻京師六軍敗績人主謝過敦殺周覲刁協譙王承甘卓閏十一月帝崩太興二年十一月辛巳月犯熒惑占曰有亂臣三年十二月己未太白入月在斗郭璞曰月屬坎陰府法象也太白金行而來犯之天意若曰刑理失中自毀其法四年十二月丁亥月犯歲星在傍占曰其國兵饑人流亡永昌初王敦反百姓困於兵革

明帝太寧三年正月熒惑逆行入太微占曰為兵喪王者惡之

閏八月帝崩後二年蘇峻反攻焚宮室太后以憂偪崩天子幽劫于石頭城遠近兵亂至四年乃息

成帝咸和六年正月景辰月入南斗占曰有兵是月石勒殺略婁武進二縣人明年石勒眾又抄略南涉海虞其十一月熒惑守胃昴占曰趙魏有兵八年七月石勒死石季龍自立是時雖二石僭號而其疆弱常占於昴不關太微紫宮也

八年三月己巳月入南斗與六年占同其年七月石勒死彭彪以譙石生以長安郭權以秦州並歸順於是遣督護喬球率眾救虓虓敗球退又石季龍石斌攻滅生權其七月熒惑入昴占曰胡王死一日趙地有兵是月石勒死石季龍多所攻沒八月月又犯昴占曰胡不安

九年三月己亥熒惑入輿鬼犯積尸占曰兵在西北有沒軍死將六月八月月又犯昴是時石弘雖襲勒位而石季龍擅威橫

暴十一月廢弘自立遂幽殺之

咸康元年二月巳亥太白犯昴占曰兵起歲中旱四月石季龍略騎至歷陽加司徒王導大司馬治兵列伐衝要是時石季龍又圍襄陽六月旱其年二月景戌月入昴占曰胡王死八月戊戌熒惑入東井占曰無兵兵起有兵兵止十一月月犯昴二月乙未太白入月四月甲午月犯太白

二年正月辛亥月犯房南第二星八月月又犯昴九月庚寅太白犯南斗占曰斗為宰相又揚州分金犯之死喪之象其後石虎僭王攻段遼襲慕容皝不克皝擊破并虜段遼

三年七月巳酉月犯房上星八月熒惑入輿鬼犯積尸甲戌月犯東井距星九月月犯建星

四年四月巳巳七月乙巳月俱奄太白占曰人君死又為兵人主惡之五月戊戌熒惑犯右執法占曰大臣死執政憂九月太

白又犯右執法按占曰五星災同金水尤甚十一月戊子太白犯房上星占曰上相憂

五年四月辛未月犯歲星在胃占曰國饑人流乙未月犯歲星在昴又犯畢距星占曰兵起七月巳酉月犯房上星占曰將相憂是月庚申丞相王導薨庾冰代輔政八月太尉郗鑒薨又有沔南邾城之敗百姓流亡萬餘家六年正月征西大將軍庾亮薨

六年三月甲辰熒惑犯太微上將星占曰上將憂四月丁丑熒惑犯右執法占曰執政者憂六月乙亥月犯牽牛中央星占曰大將憂是時尚書令何克為執法有譴欲避其咎明年求為中書令其四月景午太白犯畢距星占曰兵革起一曰女主憂六月乙卯太白犯軒轅大星占曰女主憂七年三月皇后杜氏崩七年三月壬午月犯房四月巳丑太白入輿鬼五月太白晝見

八月辛丑月犯輿鬼

八年六月熒惑犯房上第二星占曰次相憂八月壬寅月犯畢占曰下犯上兵革起十月月又掩畢大星占同上其建元元年車騎將軍庾冰薨庾翼大發兵謀伐石季龍專制上流朝廷憚之

康帝建元二年正月壬午太白入昴占曰趙地有兵又曰天下兵起四月乙酉太白晝見是年石季龍殺其子邃又遣將寇沒狄道及屯蘄東謀慕容暉三年歲星犯天關安西將軍庾翼與兄冰書曰歲星犯天關占云關梁當分比來江東無他故江道亦不艱難而石季龍頻年再開關不通信使此復是天公憤憤無皂白之徵也其閏月乙酉太白犯斗占曰為喪天下受爵祿九月帝崩太子立大赦賜爵

穆帝永和元年正月丁丑月入畢占曰兵大起戊寅月犯天關

占曰有亂臣更天子之法五月辛巳太白晝見在東井占曰為臣彊秦有兵六月辛丑月入太微犯屏西南星占曰輔臣有免罷者七月八月月皆犯畢占同上巳未月犯輿鬼占曰大臣有誅九月庚戌月又犯畢是年初庾翼在襄陽七月翼疾將終輒以子爰之為荊州刺史代已任爰之尋被廢明年桓溫又輒率眾伐蜀執李勢送至京師蜀本秦地也二年二月壬子月犯房上星四月景戌月又犯房上星八月壬申太白犯左執法

三年正月壬午月犯南斗第五星占曰將軍死近臣去五月壬申月犯南斗第四星因入魁占曰有兵一曰有大赦六月月犯東井距星占曰將軍死國有憂戊戌月犯五諸侯占曰諸侯有誅九月庚寅太白犯南斗第五星占曰為喪為兵四年七月景申太白犯左執法甲寅月犯房丁巳入南斗犯第二星乙丑太白犯左執法占悉同上十月甲辰月犯亢占曰兵起將軍死十

一月戊戌月犯上將星三年六月大赦是月陳達征壽春敗而還七月氏蜀餘寇反亂益土九月石季龍伐涼州五年征北大將軍褚裒卒

四年四月太白入昴是時戎晉相侵趙地連兵尤甚七月太白犯軒轅占曰在趙及為兵喪甲寅月犯房十月甲戌月犯亢占曰兵起將軍死八月石季龍太子宣殺弟韜宣亦死其十一月戊戌月犯上將星五年正月石季龍僭號稱皇帝尋死

五年四月丁未太白犯東井占曰秦有兵九月戊戌太白犯左角占曰為兵十月月犯昴占曰胡有憂將軍死是年八月褚裒北征兵敗十月關中二十餘壁舉兵內附石遵攻沒南陽十一月冉閔殺石遵又盡殺胡十餘萬人於是趙魏大亂十二月褚裒薨八年劉顯符健慕容嵩並僭號殷浩北伐敗績見廢

六年二月辛酉月犯心大星占曰大人憂又豫州分野也丁丑

月犯房占曰將相憂六月己丑月犯昴占同上乙未月犯房

疾占曰同上七月壬寅月始出西方犯左角占曰大將死一曰天下有兵丁未月犯箕占曰將軍死景寅癸惑犯鉞星占曰大臣有誅八月辛卯月犯左角太白晝見在南斗月犯右執法占

並同上是歲司徒蔡謨免為庶人七年二月太白犯昴占同上三月乙卯癸惑入輿鬼犯積尸占曰貴人有憂五月乙未癸惑犯軒轅大星占曰女主憂太白入畢口犯左股占曰將相當之

六月乙亥月犯箕占曰國有兵景子月犯斗丁丑癸惑入太微犯右執法八月庚午太白犯軒轅戊子太白犯右執法占悉同上七年劉顯殺石祗及諸將帥山東大亂疾疫死亡

八年三月戊戌月犯軒轅大星癸丑月入南斗犯第二星五月犯心星六月癸酉月犯房七月壬子歲星犯東井距星占曰內亂兵起八月戊戌癸惑入輿鬼占曰忠臣戮死景辰太白入南

斗犯第四星占曰將為亂一曰丞相免十二月月在東井犯歲星占曰秦饑人流亡時兵革連起

九年二月乙巳月入南斗第三星三月戊辰月犯房八月歲星犯輿鬼東南星占曰兵起時帝幼冲母后專政將相有隙兵革連起慕容儁僭號攻伐不休

十年正月巳卯月蝕昴星占曰趙魏有兵癸酉填星奄鉞星占曰斧鉞用三月甲申月犯心大星占曰王者惡之九月辛酉太白犯左執法十一月月掩填星在輿鬼占曰秦有兵時桓温伐符健破姚襄

十一年三月辛亥月掩軒轅占同上四月庚寅月犯牛宿南星占曰國有憂八月巳未太白犯天江占曰河津不通

十二年六月庚子太白晝見在東井占如上巳未月犯鉞星八月癸酉月掩建星九月戊寅熒惑入太微犯西蕃上將星十一

月丁丑熒惑犯太微東蕃上將星十二年十一月齊城陷執股龕殺三千餘人

永和三年鮮卑侵略河冀升平元年慕容儁遂據臨漳盡有幽并青冀之地綠河諸將奔散河津隔絕時權在方伯九服交兵升平元年四月壬子太白入輿鬼丁亥月掩井南轅西頭第二星占曰秦地有兵一曰將死六月戊戌太白晝見在軫占同上軫是楚分野壬子月犯畢占曰為邊兵七月辛巳熒惑犯天江占曰河津不通十一月歲星犯房占曰豫州有災其年五月符堅殺苻生而立十二月慕容儁入屯鄴二年八月豫州刺史謝奕薨

二年閏三月月犯歲星在房十月太白犯哭星占曰有大哭泣十二月填星犯軒轅大星占曰人主惡之甲午月犯東井

三年正月熒惑犯捷閉星二月復逆行犯鈞鈴占俱曰人主惡

之月犯太白在昴占曰人君死一曰趙地有兵胡不安六月太白犯東井七月熒惑犯天江丙戌太白犯輿鬼占悉同上戊子月犯牽牛中央大星占曰牽牛大將犯之將軍死八月太白犯軒轅大星甲子月犯畢大星占曰為邊兵一曰下犯上三年十月諸葛攸舟軍入河敗績豫州刺史謝萬入朝眾潰而歸萬除名司徒會稽王以二鎮敗求自貶三等四年正月慕容雋死子暉代立慕容恪殺其尚書令陽鶩等

四年正月月犯牽牛中央大星六月辰星犯軒轅占曰女主憂已未太白入太微右掖門從端門出占曰貴奪勢一曰有兵又曰出端門臣不臣八月太白犯氐占國有憂熒惑犯太微西蕃上將星九月太白入南斗口犯第四星占曰為喪有赦天下受爵祿十二月熒惑犯房月犯鍵閉占人主惡之五年正月乙丑月在危宿掩太白占曰天下靡散乙巳填星逆

行犯太微三月月犯填星在軫占曰為大喪五月月犯太微又犯建星占曰大臣相謀時殷浩敗績坐廢其月辛亥月犯牽牛宿占曰國有憂六月癸亥月犯氐東北星占曰大將當之五年正月北中郎將郗曇薨五月帝崩哀帝立大赦賜爵楮后失勢七月慕容恪攻冀州刺史呂護於野王護奔滎陽是時桓温以大眾次宛聞護敗乃退五年六月癸酉月掩氐東北星占曰大將軍當之九月乙酉月掩畢占曰有邊兵十月丁未月犯畢大星占曰下犯上又曰有邊兵八月范汪廢隆和元年慕容暉遣將寇河陰

哀帝興寧三年七月月犯南斗占曰女主憂熒星犯輿鬼占曰人君憂明年庾后崩海西公太和元年二月月掩熒惑在參占曰為內亂帝不終之徵一曰參魏地五年慕容暉亡

二年正月太白入昴五年符堅滅燕據幽冀司并四州

六年閏月熒惑守大微端門占曰天子亡國又曰諸侯三公謀其上一曰有斬臣辛卯月犯心大星占曰王者惡之十一月桓溫廢帝并奏誅武陵王簡文不許溫乃徙之新安皆臣彊之應也

簡文帝咸安元年十二月辛卯熒惑逆行入太微二年三月猶不退占曰國不安有憂是時帝有桓溫之逼

二年五月丁未太白犯天關占曰兵起歲星形色如太白占曰進退如度姦邪息變色亂行主無福歲星於仲夏當細小而不明此其失常也又為臣彊六月太白晝見在七星

乙酉太白犯輿鬼占曰國有憂七月帝崩桓溫以兵威擅權將誅王坦之等內外迫脅又庾希入京城盧慄入宮並誅滅之孝武寧康元年正月戊申月掩心大星按占曰災不在王者則

在豫州一曰主命惡之三月景午月掩南斗第五星占曰大臣有憂死亡一曰將軍死七月桓溫薨九月癸巳熒惑入太微是時女主臨朝政事多缺

二年閏月己未月掩牽牛南星占曰左將軍死十二月甲申太白晝見在氐氏兗州分野三年五月景午北中郎將王坦之薨三年六月癸卯太白犯東井占曰秦地有兵九月戊申熒惑掩左執法占曰執法者死太元元年符堅破涼州二年十月尚書令王彪之卒

太元元年四月景戌熒惑犯南斗第三星景申又掩第四星占曰兵大起中國饑一曰有赦八月癸酉太白晝見在氐氏兗州分野九月熒惑犯哭泣星遂入羽林占曰天子有哭泣事中軍兵起十一月己未月掩氐角占曰天下有兵一曰國有憂

二年二月熒惑守羽林占曰禁兵大起九月壬午太白晝見在

角角兗州分野升平元年五月大赦三年八月秦人寇樊鄧襄陽彭城四年二月襄陽陷朱序沒四月魏興陷賊聚廣陵三河衆五六萬於是諸軍外次衝要丹陽尹屯衛京師六月兗州刺史謝玄討賊大破之是時中外連兵比年荒儉四年十一月丁巳太白犯哭星占曰天子有哭泣事五年七月景子辰星犯軒轅占曰女主當之九月癸未皇后王氏崩

十二年二月癸惑入月占曰有亂臣死若有相戮者一曰女親為政天下亂時琅邪王輔政王妃從兄王國寶以姻昵受寵袁悅等交違主相扇揚朋黨帝殺悅自是主相有隙亂階興十三年十一月辰星入月在危占曰賊臣欲殺主不出三年必有內惡十二月癸惑在角亢形色猛盛占曰癸惑失其常吏且棄其法諸侯亂政自是慕容垂翟遼姚萇苻登慕容永並阻兵

爭疆

十四年十二月月犯歲星癸惑入羽林占並同上十五年翟遼據司寇衆軍累討弗克慕容氏又跨略并冀七月旱八月諸郡大水兗州又蝗

十五年九月癸惑入太微十月太白入羽林

十六年十一月癸巳月掩心前星占曰太子憂時太子常有篤疾

十八年正月癸惑入月占曰憂在宮中非賊乃盜也一曰有亂臣若有戮者二十一年九月慕容暉崩衆言張夫人弒逆又王國寶邪狡卒伏其辜

十九年四月月掩歲星在尾占曰為饑燕國亡二十年慕容垂伐魏反為所破死者數萬人垂死國遂衰亡

二十年六月癸惑入天囷占曰大饑十二月己巳月犯捷閉及

東西咸占曰權閉司心腹喉舌東西咸主陰謀

二十一年四月壬午太白入天囷占曰為饑六月歲星犯哭泣星占曰有哭泣事是年帝崩隆安元年王恭等舉兵脅朝廷於是內外戒嚴殺王國寶以謝之又連歲水旱三方動衆人饑安帝隆安元年正月熒惑犯哭泣星占曰有哭泣事六月月掩太白在太微端門外占曰國受兵乙酉月掩歲星在東壁占曰為饑衛地有兵二年六月却恢遣鄧啓方以萬人伐慕容寶於滑臺啓方敗三年桓玄等並舉兵內外戒嚴

三年五月月掩東上相辰星犯軒轅大星占悉同上其年庾楷等舉兵表誅王愉等內外戒嚴三年洛陽沒于寇桓玄破荆雍州殺殷仲堪等孫恩聚衆攻沒會稽殺內史

四年正月乙亥月犯填星在牽牛占曰吳越有兵喪女主憂六月月犯哭泣星又犯填星十月月掩歲星在北河占為饑胡有

兵其四年五月孫恩亂七月太皇太后李氏崩

七月癸亥大角星散搖五色占曰王者流散丁卯月犯天關占曰王者憂九月熒惑犯少微又守之占曰處士誅十月月次東次相其次年盧循桓玄內外遘逆

元興元年四月月掩辰星七月大饑人相食熒惑在東井犯輿鬼積尸八月太白犯右執法九月太白犯進賢占曰進賢者誅二年二月歲星犯西上將六月月掩斗第四星占曰大臣誅十一月月犯熒惑十二月月犯熒惑是月桓玄篡位

三年正月熒惑逆行犯太微西上相占曰天子戰于野上相死月掩歲星於左角占曰天下兵起二月熒惑逆行在左執法西北占曰執法者誅四月月掩軒轅第二星五月月掩斗第二星填星入羽林是年春劉裕討桓玄玄劫天子如江陵五月義軍破滅之

義熙元年三月月掩左執法及心前星占曰豫州有災太白犯東井占曰秦有兵四月月犯填星在東壁占曰其地亡國貴人死一曰人流八月太白犯斗第一星占曰天下有兵一曰大人憂九月熒惑犯少微占曰處士誅又犯左右執法十月掩填星在營室十一月景戌太白犯鈎鈴占曰喉舌憂十二月巳卯歲星犯天關占曰有兵亂河津不通十一月荊州刺史魏詠之薨二年二月司馬國璠等攻沒弋陽四月姚興伐仇池公楊盛擊走之九月益州刺史司馬榮期為其參軍楊承祖所害三年十二月司徒揚州刺史王謐薨四年正月太保武陵王遵薨三月左僕射孔安國卒自後政在劉裕人主端拱而已
二年二月太白犯南河占曰兵起巳丑月犯心後星占曰豫州有災四月癸丑月犯太微西上將巳未月犯房南第二星乙丑歲星犯天江占曰有兵亂河津不通五月癸未月犯左角占曰

左將軍死天下有兵壬寅熒惑犯氐占曰氐為宿宮人主憂六月庚午熒惑犯房北第二星八月癸亥熒惑犯南斗第五星丁巳犯建星占曰為兵九月壬午熒惑犯哭星又犯泣星是年二月甲戌司馬國璠等攻沒弋陽又慕容超侵略徐兗三年正月又寇北徐州至下邳十二月司徒王謐薨四年正月武陵王遵薨五年慕容超復寇淮北四月劉裕大軍討之拔臨朐又圍廣固拔之十二月月掩太白在危占曰齊亡國五年劉裕滅燕
三年月掩心後星又犯左角八月太白犯左執法熒惑復犯之九月熒惑犯進賢
四年正月熒惑犯天關五月月掩斗第二星填星犯天廡占曰天下饑倉粟少六月太白犯太微西上將又犯左執法十月熒惑入羽林
五年二月月犯昴占曰胡不安天子破匈奴五月戊戌歲星入

羽林九月犯昴十月熒惑犯氐又犯鈎鈴巳巳月掩心大星占曰王者惡之是年劉裕討慕容超十月魏王珪遇弒殂次年盧循逼郊甸

六年三月丁卯月掩房南第二星災在次相巳巳又掩斗第五星占斗主吳地兵起太白犯五諸侯占曰諸侯有誅五月甲子月掩斗第五星巳亥月掩昴三星占曰國有憂一曰有白衣之會六月巳丑月犯房南第二星景午太白晝見七月巳亥月犯輿鬼占曰國有憂一曰秦有兵八月壬午太白犯軒轅大星甲申月犯心前星災在豫州景戌月犯斗第五星占同上丁亥月掩牛宿南星占曰天下有大誅乙未太白犯少微景午太白在少微而晝見九月甲寅太白犯左執法丁丑填星犯畢占曰有邊兵是年徐道覆盧循反衆逼郊畿七年十二月破斬之八年豫州刺史劉道規卒

七年四月熒惑入輿鬼占曰秦有兵一曰雍州災六月填星犯天關占曰臣謀主月犯歲星在畢占曰有邊兵且饑八月太白犯房南第二星月犯歲星在參占曰益州兵饑七月朱齡石剋蜀蜀又反討滅之十一月太白犯哭星

八年正月月犯歲星在畢七月癸亥月掩房北第二星巳未月犯井鉞八月戊申月犯泣星十月辛亥月掩天關占曰有兵十一月丁丑填星犯東井占曰大人憂十二月癸卯填星犯井鉞是年八月皇后王氏崩九月誅劉蕃謝琨討滅劉毅十二月朱齡石滅蜀

九年二月熒惑入輿鬼占曰有兵喪太白犯南河占曰兵起五月壬辰太白犯右執法晝見七月庚午月掩鈎鈴占曰喉舌臣憂九月庚午歲星犯軒轅大星巳丑月犯左角時劉裕擅命兵革不休十年裕討司馬休之王師不利休之等奔長安

十年正月丁卯月犯畢占曰將相有以家坐罪者二月巳酉月犯房北星五月壬寅月犯牽牛南星乙丑歲星犯軒轅大星占悉同上六月景申月掩氐占曰將死之國有誅者七月庚辰月犯天關占曰兵起熒惑犯井鉞填星犯輿鬼遂守之占曰大人憂宗廟改八月丁酉月掩牽牛南占同上九月填星犯輿鬼占曰人主憂丁巳太白入羽林十二月巳酉月犯西咸占曰有陰謀十一年林邑寇交州距敗之

十一年三月丁巳月入畢占曰天下兵起一曰有邊兵巳卯熒惑入輿鬼閏月景午填星又入輿鬼占曰為旱大疫為亂臣五月癸卯熒惑入太微甲辰犯右執法六月巳未太白犯東井占曰秦有兵戊寅犯輿鬼占曰國有憂七月辛丑月犯畢占同上八月壬子月犯氐占同上庚申太白順行從右掖門入太微丁卯掩左執法十一月癸亥月入畢占同上乙未月入輿鬼而暈

十二年五月月犯歲星在左角占曰為饑歲星留房心之間宋之分野始封劉裕為宋公六月壬子太白順行入太微右掖門巳巳月犯畢占同上七月月犯牛宿十月景戌月入畢十三年五月景子月犯軒轅丁亥犯牽牛癸巳熒惑犯右執法八月巳酉犯牽牛丁卯月犯太微占曰人君憂九月壬辰熒惑犯軒轅十月戊申月犯畢占悉同上月犯箕占曰國有憂甲寅月犯畢占同上乙卯填星犯太微留積七十餘日占曰亡君之戒壬戌月犯太微

十四年三月癸巳太白犯五諸侯五月庚子月犯太微七月甲辰熒惑犯輿鬼占曰秦有兵又為旱為兵喪亦曰大人憂宗廟改亦為亂臣時劉裕擅命軍旅數興饑旱相屬其後卒移晉室丁巳月犯東井占曰軍將死八月甲子太白犯軒轅癸酉填星入太微犯右執法因留太微中積二百餘日乃去占曰填星守

太微亡君之戒有徙王九月乙未太白入太微犯左執法丁巳
入太微占曰大人憂十月甲申月入太微癸巳熒惑入太微犯
西蕃上將仍順行至左掖門內留二十日乃逆行義熙十二年
七月劉裕伐姚泓十三年八月擒姚泓司寇秦雍悉平十四年
劉裕還彭城受宋公十一月左僕射前將軍劉穆之卒明年西
虜寇長安雍州刺史朱齡石諸軍陷沒官軍捨而東十四年四
月壬申月犯填星於張占曰天下有大喪其明年帝崩
恭帝元熙元年正月三月五月月皆犯太微辰星犯軒轅六月
太白犯太微七月月犯歲星太白犯哭星十二月月入太白俱
入羽林
二年三月填星犯太微元年七月劉裕受宋王是年六月帝遜
位于宋
宋孝武孝建二年五月乙未熒惑入南斗

齊東昏侯永元三年十一月甲寅辰星及太白俱見南方是日
荊州長史蕭穎胄奉南康王寶融起兵後即帝位是為和帝
梁武帝天監元年八月壬寅熒惑守南斗占曰糴貴五穀不成
大旱多火災宰相死是歲大旱米斗五千人多餓死五月尚書
范雲卒

二年五月丙辰月犯心占曰有亂臣其四年交州刺史李凱舉
兵反七月景子太白犯軒轅大星

七年九月己亥月犯東井占曰有水災其年京師大水

十三年二月太白失行在天關占曰津梁不通又兵起其年填
星守天江占曰有江河塞有決溢有土功其年大發軍眾造浮
山碣淮水至十四年鎮星去天江而堰壞奔流決溢

十四年十月辛未太白犯南斗
十七年閏八月戊辰月行掩昴

普通六年三月丙午歲星入南斗九月壬子太白犯右執法
大通元年八月月掩填星占曰有大喪天下無主國易政其後
上幸同泰寺捨身王公以錢奉贈又太子薨皆無主易政大喪
之應

中大通元年閏月壬戌熒惑犯鬼積尸星占曰有大喪大兵破
軍殺將其二年蕭玩帥眾援巴州為魏所敗玩被殺

六年熒惑在南斗占曰熒惑出入留舍南斗中有賊臣謀反天
下易政改元其年十二月北梁州刺史蘭欽舉兵反後改大同

元年

大同三年三月歲星掩建星占曰有反臣其年會稽山賊起七
年交州刺史李賁反

太清三年正月熒惑守心占曰王者惡之三月熒惑又守心占
曰大人易政主去其宮人饑亡天下大潰其年帝為侯景所逼

崩七月九江大饑人相食

十四年九月月在斗掩歲星占曰天下亡君其後侯景篡弒
元帝承聖三年九月甲午月犯心中星占曰有反臣王者惡之

有亡國其後三年帝為周師所俘梁亡陳氏取國
陳武帝永定三年九月月入南斗占曰大人憂太子殃後二年

帝崩太子昌在周為質文帝立後昌還國為侯安都迎殺之
文帝天嘉元年五月熒惑犯右執法占曰大臣有憂執法者誅

後四年司空侯安都賜死二年五月己酉歲星守南斗六月丙
戌熒惑犯東井七月乙丑熒惑入鬼中戊辰熒惑犯斧質十月

熒惑行在太微右掖門
三年閏二月己丑熒惑逆行犯上相甲子太白犯五車填星七

月太白犯輿鬼八月癸卯月犯南斗景午月犯牽牛庚申太白
入太微十一月丁丑月犯畢左股辛巳熒惑犯歲星戊子月犯

角庚寅月入氏

四年六月癸丑太白犯右執法七月戊子熒惑犯填星八月甲午熒惑犯軒轅大星丁未太白犯房九月戊寅熒惑入太微犯右執法癸未太白入南斗占曰太白入斗天下大亂將相謀反國易政又曰君死不死則廢又曰天下受爵祿其後安成王為太傅廢少帝而自立改官受爵之應也辛卯熒惑犯左執法十一月辛酉熒惑犯執法甲戌月犯畢左股

五年正月甲子月犯畢大星奎丁卯月犯星壬寅月入氏又犯熒惑癸卯月犯房上星五月熒惑逆行二十一日犯氏東南西南星占曰月有賊臣又曰人主無出廊廟間有伏兵又曰君死有赦後二年少帝廢之應也六月景申月犯亢七月戊寅月犯畢大星閏十月庚申月犯牽牛丙子又犯左執法十一月月蝕畢大星

六年四月月犯畢軒轅占曰女主有憂五月太白犯軒轅占同其後少帝廢廢後慈訓太后崩六月己未月犯氏八月戊辰月掩畢大星景子月與太白並光芒相著在太微西番南三尺所九月辛巳熒惑犯左執法癸未太白犯右執法辛卯犯左執法己巳月犯上相

廢帝天康元年五月月犯軒轅女御大星占曰女主憂後年太后崩癸未月犯左執法

光大元年正月月犯軒轅大星占曰女主當之八月月蝕哭星占曰有喪泣事明年太后崩臨海王己未月犯歲星占曰國亡君十二月辛巳月又犯歲星辛卯月犯建星占曰大人惡之二年正月月掩歲星占曰國亡君五月月犯太白六月太白犯左執法八月月犯太微十一月丙午歲星守左執法甲申月犯太微東南星戊子太白入氏其年帝廢

宣帝大建七年五月熒惑犯右執法十年十月月蝕熒惑占曰
國敗君亡大兵起破軍殺將來年吳明徹敗于呂梁十三年帝
崩

十二年十月戊午月犯牽牛吳越之野占曰其國君有憂後年
帝崩

齊文宣帝天保元年十二月熒惑犯房北頭第一星及鈎鈴占
曰大臣有反者二年太尉彭樂謀反誅八年二月歲星守少微
經六十三口占曰五官亂五月歲星犯太微上將占曰大將憂
大臣死其十年誅諸元宗室四十餘家乾明元年誅楊彥遵等
皆五官亂大臣死之應

八年七月月掩心星占曰人主惡之九年二月熒惑犯鬼質占
曰斧質用有大喪三月熒惑犯軒轅其十年五月誅諸元十月
帝崩斧質用大喪之應也

廢帝乾明元年三月熒惑入軒轅占曰女主凶太寧二年太后
崩

肅宗皇建二年七月熒惑入鬼中犯鬼質占曰有大喪十一月
帝暴崩

武成帝河清元年七月太白犯輿鬼占曰有兵謀誅大臣斧質
用十月冀州刺史平秦王高歸彥反討誅之又二年殺太原王
紹德皆斧質之應八月月掩畢占曰國君死大臣誅有邊兵破
軍殺將其月歸彥以反誅三年周師與突厥入并州大戰城西
伏尸流血百餘里皆其應也

後主天統五年二月歲星逆行掩太微上將占曰天下大驚四
輔有誅者五月甲午熒惑犯鬼積尸甲齊占曰大臣誅兵大起
斧質用有大喪至武平二年九月誅琅邪王儼三年誅右丞相
斛律明月四年誅蘭陵王長恭皆懿親名將四年誅崔季舒等

皆斧質用之應

四年五月熒惑犯右執法占曰大將軍死執法者誅其應如前
周閔帝元年五月癸卯太白犯軒轅占曰大臣出令又曰皇后
失勢辛亥熒惑犯東井北端第二星占曰其國亂又曰大旱其
年九月冢宰護廢帝幽而弑之又殺司會李植等其冬大旱皆
大臣出令大臣死旱之應也

明帝二年三月熒惑入軒轅占曰王者惡之女主凶其月獨孤
后崩六月庚子填星犯井鉞與太白并占曰傷成於鉞君有戮
死者其年太師護毒帝崩

武帝保定二年閏正月太白入昴二月壬寅熒惑犯太微上相
三月壬午熒惑犯左執法七月太白犯輿鬼

三年九月熒惑犯太微上將十月熒惑犯左執法

四年三月熒惑犯房右驂占曰上相誅車馳人走天下兵起其

也
年十月伐齊柱國庸公王雄力戰死之遂班師兵起將死之應

天和元年七月太白犯軒轅大星相去七寸占曰女主失勢大
臣當之又曰西方禍起其十一月太保許公宇文貴薨十月熒
惑犯鈞鈴去之六寸占曰王者憂又曰車騎驚三公謀

三年三月太白犯井北轅第一星占曰將軍惡之其七月隋公
楊忠薨四月太白入輿鬼犯積尸占曰大臣誅又曰亂臣在內
有屠城

四年二月歲星逆行掩太微上將占曰天下大驚國不安四輔
有誅必有兵革天下大赦五月熒惑犯輿鬼及積尸占曰大臣
有誅後三年太師宇文護以不臣誅

六年四月熒惑逆行犯輿鬼占曰有兵喪大臣誅兵大起其月
取齊宜陽等九城六月齊將攻陷汾州

建德元年九月月犯星中星相去一寸占曰亂臣在傍不出五年下有亡國後伐齊平之

二年二月熒惑掩鬼西北星占曰大賊在大人之側又曰大臣有誅四月太白掩西北星又掩東北星占曰國有憂六月月犯心中後二星占曰不出三年有亡國人主惡之九月太白犯左執法占曰大臣憂執政誅

三年十二月月犯歲星在危相去二寸占曰其邦流亡不出三年辛卯月行在營食太白占其國以兵亡營室衛在齊地後齊亡四年三月月犯軒轅大星占曰女主有憂又五官有亂五年十月熒惑犯太微西蕃上將星占曰女主有憂又五官有亂五年十月熒惑犯太微西蕃上將星占曰天下不安上將誅六年皇太子西巡討吐谷渾吐谷渾寇邊天下不安之應六月熒惑入鬼占曰有喪早十月歲星犯大陵

六年四月先時熒惑入太微宮二百日犯東蕃上相西蕃上將句已往還至此月甲子出端門占曰為大臣代主又曰臣不臣有反者又曰大喪後宣武繼崩高祖以大運代起十月月蝕熒惑在斗占曰國敗君亡兵大起斗為吳越陳之分野

宣政元年七月犯心前星占曰太子惡之若失位後靖帝立為天子不終之徵已未太白犯軒轅大星占曰女主凶後二年宣帝崩隋氏受命廢楊后為平樂公主餘四后悉廢為比丘尼八月庚辰太白入太微占曰為天下驚又曰近臣起兵大臣相殺國有憂其後趙陳等五王為執政所誅大臣相殺之應也九月丁酉熒惑入太微西掖門庚申犯左執法相去三寸占曰天下不安大臣有憂又曰執法者誅若有罪是月汾州稽胡反討平之十一月突厥寇邊圍酒泉殺略吏人明年二月殺柱國郟公王軌皆其應也十二月癸未熒惑入氐守犯之三十日占曰天

子失其宮又曰賊臣在內下有反者又曰國君有繫饑死若毒死者靜帝禪位隋高祖幽殺之

宣帝大象元年七月壬辰熒惑掩房北頭第一星占曰亡君之誠又曰將軍為亂王者惡之大臣有反者天子憂其十二月帝親御驛馬日行三百里四皇后及文武侍衛數百人並乘驛以從房為天駟熒惑主亂此宣帝亂道德馳騁車騎將亡之誠八月辛巳熒惑犯南斗第五星占曰且有反臣道路不通破軍殺將尉遲迴王謙等起兵敗亡之徵也九月巳酉太白入南斗魁中占曰天下有大亂將相謀反國易政又曰君死不死則疾又曰天下爵祿皆高祖受命羣臣分爵之徵也十月壬戌歲星犯軒轅大星占曰女上憂若失勢

靜帝大定元年正月歲星逆行守右執法熒惑掩房北第一星占曰房為明堂布政之宮無德者失之二月隋王稱帝

隋高祖開皇八年二月填星入東井占曰填星所居有德以稱兵其年大舉伐陳克之

煬帝大業元年六月熒惑入太微占曰熒惑為賊為亂宮中不安

三年三月熒惑逆行入南斗色赤如血如三斗器光芒震耀長七八尺於斗中句已而行占曰有反臣道路不通國大亂兵大起其後楊玄感反雖誅滅而羣盜屯聚剽掠州縣道路不通斗牛楚越分野玄感父初封越後徙封楚

九年五月丁丑熒惑入南斗

十一年熒惑守羽林占曰衛兵廢

十三年六月鎮星羸而旅于唐參唐星也

李淳風曰鎮星主福未嘗居而居所宿國吉七月熒惑守積尸十一月熒惑犯太微

恭宗義寧二年三月丙午癸惑入東井占曰大臣憂

